



EX LIBRIS
ILLVSTRISSIMI VIRI,
DN. DAN. LVDOLPHI,
LIB. BAR. de DANCKELMANN,
S. REG. MAI. BORVSS. CONSILIARII
STATVS INTIMI, cetera,
BIBLIOTHECÆ ACAD. FRIDERICIANÆ
TESTAMENTO RELICTIS.





Evangelia
vnd Episteln
auff alle Sontage
vnd die fürnemste Feste
durch das ganze
Jahr.



Gedruckt zu Cleve bey Tobias
Silberling/ im Jahr 1661.

[Faint, mirrored text bleed-through from the reverse side of the page, likely a title or preface.]

**KÖN. PR. FR.
UNIVERS.
ZV HALLÉ**



[Faint, mirrored text bleed-through from the reverse side of the page, likely a date or publication information.]





Lectio am ersten Sonntag des
Advents / auß der ersten Epistel zu den
Römern am xij Capittel.

Lieben Brüder / weil wir wissen
die zeit / daß die stunde da ist / auffzu-
stehen vom schlaff (sintemal vnser
heyl jetzt näher ist / dann da wirs glaubten)
die nacht ist vergangen / der tag aber herbey
kommen. So lasset vns ablegen / die werck
der finsterniß / vnd anlegen die waffen des
liechts. Lasset vns erbarlich wandelen als
am tage / nicht in fressen vnd sauffen / nicht
in kammern vnd vnzucht / nicht in hader
vnd neid. Sondern ziehet an den H Erren
J Esu Christum / vnd wartet des leibs /
doch also / daß er nicht geyl werde.

Evangelium am ersten Sonntag
des Advents / Matth. xxi.

Da sie nun nahe bey Jerusalem ka-
men gen Bethphage / an den Oelo-
berg / sandte J Esus seiner Jünger
zween / vnd sprach zu ihnen : Gehet hin in
den Flecken / der für euch ligt / vnd bald wer-
det ihr eine Eselin finden angebunden / vnd

ein Füllen bey ihr / löset sie auff vnd führet
sie zu mir. Vnd so euch jemand etwas wird
sagen / so sprecht: der H^{er} Erz bedarff ihr / so
bald wird er sie euch lassen. Das geschach
aber alles / auff daß erfüllet würde / das da
gesagt ist / durch den Propheten / der da
spricht: Saget der Tochter Zion: Sihe/
dein König komt zu dir sanfftmülig vnd rei-
tet auff einem Esel / vnd auff einem Füllen
der lastbaren Eselin. Die Jünger giengen
hin / vnd theten wie ihnen J^{esu}s befohlen
hatte / vnd brachten die Eselin vnd das Fül-
len / vnd legten ihre Kleider drauff / vnd
sazten ihn drauff. Aber viel Volck's breytet
die Kleider auff den weg / die andern hieben
zweige von den Bäumen / vnd streweten sie
auff den Weg. Das Volck aber / das vor-
gieng vnd nachfolget / schrey vnd sprach:
Hosianna dem Sohn David Belobet sey
der da komt in dem Namen des H^{er}ren/
Hosianna in der höhe.

Am andern Sonntag des Advents/

Epistel/ Rom 10.

Leben Brüder / was aber zuvor geschrie-
ben ist / das ist vns zur Lehr geschrieben:
Auff daß wir durch Gedult vnd Trost der
schriffte Hoffnung haben. Gott aber der ge-
dult

dult vnd des trostes / gebe euch / daß ihr ei-
nerley gesinnet seyt vntereinander / nach
Jesu Christ: Auff daß ihr einmütiglich mit
einem Munde lobet Gott / vnd den Vatter
vnseres Herren Jesu Christi. Darumb neh-
met euch vntereinander auf / gleich wie euch
Christus hat aufgenommen zu Gottes Lob.
Ich sage aber / daß Jesus Christus sey ein
Diener gewesen der Beschneidung / vmb
der Wahrheit willen Gottes / zu bestetigen
die Verheissung den Vätern geschehen:
Daß die Heyden aber Gott loben / vmb der
Barmherzigkeit willen / wie geschrieben ste-
het: Darumb will ich dich loben vnter den
Heyden / vnd deinen Namen singen. Vnd
abermal spricht er: Freuet euch ihr Heyden
mit seinem volck. Vnd abermal: Lobet den
Herren alle Heyden / vnd preiset ihn alle
Völcker. Vnd abermal spricht Esaias:
Es wird seyn die wurzel Jesse / vnd der auf-
ferstehen wird zu herschen über die Heyden /
auff den werden die Heyden hoffen. **Gott**
aber der hoffnung erfülle euch mit allerley
frewd vnd frieden / im glauben / daß ihr
völlige hoffnung habt durch die krafft des
heiligen Geistes.

Evangelium am andern Sonntag
des Advents/ Luc. xij.

Wid es werden zeichen geschehen an der
Sonnen/ vnd Mond/ vnd sternem/ vnd
auff erden wird den leuten bange seyn vnd
werden jagen / vnd das Meer vnd wasser
wogen werden brausen / vnd die menschen
werden verschmachten / für forch / vnd für
warten deren dinge/ die kommen sollen auff
erden. Dann auch der Himmel kräfte sich
bewegen werden. Vnd alsdann werden sie
sehen des menschen Sohn kommen in den
Wolcken mit grosser krafft vnd herzigkeit.
Wann aber dieses anfähet zu geschehen / so
seheth auff / vnd hebet ewre häupter auff / dar
umb / daß sich ewer erlösung nahet. Vnd er
saget ihnen ein gleichniß : sehet an den Fei
genbaum / vnd alle bäum / wan sie jetzt auß
schlagen / so sehet ihrs an inen vnd merckts /
daß jetzt der Sommer nahe ist. Also auch
ihr / wan ihr diß alles sehet angehen so wis
set / daß das reich Gottes nahe ist. Warlich
ich sage euch / diß geschlecht wird nicht ver
gehen / biß daß es alles geschehe. Himmel
vñ erden werden vergehen / aber meine wort
vergehen nicht. Aber hütet euch / daß ewere
Hergen nicht beschweret werden mit fressen
vnd

vnd sauffen / vnd mit sorgen der nahrung/
vñ komme dieser tag schnell über euch: Dan
wie ein fallstrick wird er kommen über alle die
auff erden wohnen. So seyt nun wacker als
lezeit / vnd betet / daß ihr würdig werden mö
get / zu entfliehen diesem allen / das geschehē
soll / vnd zu stehen für des menschen Sohn.

Am dritten Sonntag des Advents /

Epistel Pauli / 1. Cor. iij.

Dafür halte vns jederman / nemlich für
Christi Diener / vnd Haushalter über
Gottes Geheimniß. Nun sucht man nicht
mehr an den Haushaltern / dann daß sie
trew erfunden werden. Mir aber ist ein ge
ringes / daß ich von euch gerichtet werd / oder
von einem menschlichen tage / auch richte
ich mich selbst nicht. Ich bin mir wol niches
bewußt / aber darin bin ich nicht gerechtferti
get. Der H Erz ist es aber / der mich richtet.
Darumb richtet nicht vor der Zeit / biß der
H Erz komme / welcher auch wird ans Liecht
bringen / was im Finstern verborgen ist /
vnd den Raht der Herzen offenbahren / als
dann wird einem jeglichen von G Dtt lob
wiederfahren.

Evangelium am dritten Sonntag des

Advents / Matth. xj.

A iij

Da

DA aber Johannes im Gefängniß die
werck Christi hörte / sandte er seiner
Jünger zween / vnd ließ ihm sagen : Bist
du der da kommen soll / oder sollen wir eines
andern warten ? JESUS antwortet vnd
sprach zu ihnen : Gehet hin / vnd saget Jo-
hanni wider / was ihr sehet vnd höret : Die
Blinden sehen / vnd die Lahmen gehen / die
Auffsässigen werden rein / vnd die Tauben
hören / die Todten stehen auff / vnd den Ar-
men wird das Evangelium gepredigt. Vnd
selig ist der sich nicht an mir ärgert.

Da die hingiengen / fieng JESUS an zu
reden zu dem Volck von Johanne : Was
seht ihr hinaus gegangen in die wüsten zu
sehen ? wolt ihr ein wahr sehen / das der wind
hin vnd her wehet ? Oder was seht ihr hina-
uß gegangen zu sehen ? Wolt ihr einen
Menschen in weichen Kleidern sehen ? sihe /
die da weiche Kleider tragen / sind in der
Könige Häuser. Oder was seht ihr hinaus
gegangen zu sehen ? Wolt ihr einen Pro-
pheten sehen ? Ja / ich sage euch / der auch
mehr ist dann ein Prophet. Dann dieser
ist / von dem geschrieben steht : Sihe / ich
sende meinen Engel für dir her / der deinen
weg für dir bereiten soll.

Am

Am vierdten Sontag des Advents/

Epistel zum Philip. am iiii.

Lieben Brüder / freuet euch in dem H^{er}o
ren allwege / vnd abermahl sage ich :
Freuet euch.

Eure lüdigkeit lasset kund seyn allen
Menschen. Der H^{er} ist nahe. Sorget
nichts / sondern in allen dingen lasset eure
blit im gebet vnd stehen mit danfagung für
Gott kund werden. Vnd der friede G^ot
tes/welcher höher ist/dan alle vernunfft be-
wahre eure herten vñ sinne in Christo Jesu.

Evangelium am vierdten Sontag

des Advents / Johan. i.

UND diß ist das zeugnüß Johannis /
da die Juden sandten von Jerusaleme
Priester vnd Levi:en / daß sie ihn fragten/
wer bist du? Vnd er bekandte / vnd leugnet
nit / vnd er bekandte ich bin nicht Christus.
Vnd sie fragten ihn / was dan? Bistu Elias?
Er sprach : ich bins nicht. Bistu ein
Propheet? Vnd er antwortet: Nein. Da
sprach sie zu ihm : Was bistu dan? das
wir antwort geben denen / die vns gesande
haben. Was sagstu von dir selbst? Er
sprach : Ich bin eine stimme eines rüffers in
der Wüsten : Richtet den weg des H^{er}o

A v

ren/

ren / wie der Prophet Esaias gesagt hat,
Vnd die gesandt waren / die waren von den
Phariseern. Vnd fragten ihn / vnd spra-
chen zu ihm: Warumb tauffest du dann? so
du nicht Christus bist / noch Elias / noch ein
Prophet. Johannes antwortet ihnen / vnd
sprach: Ich tauffe mit wasser / aber er ist
mitten vnter euch getreten / den ihr nit ken-
net / der ist's / der nach mir kommen wird /
welcher vor mir gewesen ist / des ich nicht
werth bin / daß ich seine schuhriemen auff-
löse. Dis geschach zu Bethabara / jenseit
des Jordans / da Johannes tauffte.

Am tag der Geburt Christi / Epistel

Pauli an Tit. ij. Capittel.

ES ist erschienen die heilsame gnade Got-
tes allen menschen / vnd züchtiget vns /
daß wir sollen verleugnen das vngöttliche
Wesen / vnd die weltliche Lüste / vnd züch-
tig / gerecht / vnd gottselig leben in dieser
Welt / vnd warten auff die selige hoffnung
vnd erscheinung der Herrlichkeit des großen
Gottes vñ unsers Heylands Jesu Christi /
der sich selbst für vns gegeben hat / auff daß
er vns erlösete von aller vngerechtigkeit /
vnd reiniget ihm selbst ein volck zum Eigen-
thumb / das fleissig were zu guten Wercken.
Solches

Solches rede vnd ermahne / vnd strafe mit
ganzem ernst. Laß dich niemand verachten.

Am heiligen Christ = tag / Evanges
tium Luc. am ij.

Es begab sich aber / zu der zeit / daß ein
gebott vom Kaysen Augusto außgieng /
daß alle Welt geschätzt würde. Vnd diese
Schätzung war die aller erste / vnd geschach
zur zeit / da Cyrenius Landpfleger in Syri
en war. Vnd jederman gieng / daß er sich
schätzen liesse / ein jeglicher in seine Stadt.
Da machet sich auch auff Joseph auß Ga
lilea / auß der Stadt Nazareth / in das Jü
dische Landt / zur Stadt David / die da heist
Bethlehem / darumb / daß er von dem Hau
se vnd Geschlecht David war / auff daß er
sich schätzen liesse / mit Maria seinem ver
trauten Weibe / die war schwanger. Vnd
als sie daselbst waren / kam die zeit / daß sie
gebären solte. Vnd sie gebar ihren ersten
Sohn / vnd wickelt ihn in windeln / vnd legt
ihn in ein Krippen : Dann sie hatten sonst
keinen raum in der herberge.

Vnd es waren Hirten in derselben geo
gend auff dem Felde / bey den Hürten / die
hüteten des nachts ihrer Herde. Vnd siehe /
der Engel des H Erren trat zu inen / vnd die

A vj

klaro

klarheit des H. Erren leuchte vmb sie / vnd
sie forchten sich sehr. Vnd der Engel sprach
zu ihnen: Forchtet euch nicht / siehe / ich ver-
kündige euch grosse freude / die allem Volck
widerfahren wird. Dann euch ist heut der
Heyland geboren / welcher ist Christus der
H. Erre / in der Stadt David. Vnd das
habt zum Zeichen / ihr werdet finden das
Kind in windlen gewickelt / vnd in einer
Krippen liegen. Vnd alsbald war da bey
dem Engel die menge der himlischen Heer-
scharen / die lobten Gott vnd sprachen:
Ehre sey Gott in der höhe vnd fried auff er-
den / vnd den menschen ein wol gefallen.

Am Sonntag nach dem Christag /
Epist. Pauli / zum Galat. iij. Capitel.

Lieben Brüder / ich sage euch / so lang der
Erbe ein Kind ist / so ist vnter ihm vnd ei-
nem Knecht kein vnterscheid / ob er woll ein
Herr ist aller güter. Sondern er ist vnter
den Vormündern vnd Pflegern / biß auff
die bestimpte zeit vom Vatter. Also auch
wir / da wir Kinder waren / waren wir ge-
fangen vnter den eusserlichen sätzen.
Da aber die zeit erfüllet ward / sandte Gott
seinen Sohn / geboren von einem Weibe /
vnd vnter das Gesetz gethan / auff daß er die
so vnter

so vnter dem Geses waren / erlösete / daß wir
die kindschafft empfiengen. Weil ihr dann
Kinder seyt / hat G Dtt gesandt den Geist
seines Sohns in ewere herten / der schreyet
Abba / lieber Vatter. Also ist nun hie kein
Knecht mehr / sonder eitel Kinder. Seinds
aber Kinder / so seinds auch Erben G Dts
tes / durch Christum.

Am Sonntag nach dem Christag /

Evangelium Luce am ij

Ein Vatter vnd Mutter wunderten
sich des / daß von ihm geredet ward.
Vnd Simeon segnet sie / vñ sprach zu Ma-
ria seiner Mutter : Sihe / dieser wird gesetzt
zu einem fall / vnd auferstehung vieler in
Israel / vnd zu einem zeichen / dem wider-
sprochen wird. Vnd es wird ein schwerde
durch dein seel dringen / auff daß vieler her-
zen gedanken offenbahr werden. Vnd es
war ein Propheetin Hanna / ein Tochter
Phaniel vom geschlecht Aser / die war wol
betagt vnd hatte gelebt sieben jahr mit ihrem
Mann / nach ihrer jungfrawschafft / / vnd
war nun ein Witwe bey vier vñ achtzig jah-
ren / die kam nimmer vom Tempel / dienet
G Dtt mit fasten vnd beten tag vnd nacht.
Dieselbige trat auch hinzu / zu derselbigen

A vij

stun

stunde / vnd priesete den H Erren / vnd re-
dete von ihm zu allen / die da auff die erlö-
sung zu Jerusalem warteten. Vnd da sie
alles vollendet hatten / nach dem Befeh des
H Erren / kehreten sie wider in Galileam / zu
ihrer stadt Nazareth. Aber das Kind wuchs
vnd ward starck im Geist / voller Weißheit /
vnd Gottes Gnade war bey ihm.

Am Neuen-Jahrs-Tag / Lektion auß
der Epistel Galac. iij.

Ehe dan der Glaub kam / wurden wir vn-
ter dem Befeh verwahret / vnd verschlos-
sen / auff den Glauben / der da solt offenbah-
ret werden. Also ist das Befeh vnser Zucht-
meister gewesen auff Christum / das wir
durch den Glauben gerecht würden. Nun
aber der Glaube kommen ist / sind wir nicht
mehr vnter dem Zuchtmeister. Dann ihr
seyd alle Gottes Kinder / durch den Glauben
an Christo Jesu. Dann wie viel ewer ge-
tauffet sind / die haben Christum angezogen.
Hie ist kein Jude noch Grieche / hie ist kein
knecht noch freyer / hie ist kein Mann noch
Weib: denn ihr seyd allzumal einer in Chri-
sto Jesu. Seyt ihr aber Christi / so seyt
ihr ja Abrahams Samen / vnd nach der
verheissung Erben.

Am

Am Neuen Jahrs Tag Euan-
gelium Luc. ij.

Und da acht tage vmb waren / daß das
Kind beschnitten wurde / da ward sein
Name genent **J**esus / welcher genent war
von dem Engel / ehe denn er in mütter leib
empfangen ward.

An der heiligen drey Königtage / Lection
auß dem Proph **E**saja lx.

Mache dich auff / werde liecht : Dann
dein liecht komt / vnd die Herzigkeit
des **H**Erren gehet auff über dir. Dann si-
he / finsternuß bedeckt das erdreich / vnd
dunckel die Völcker : Aber über dir gehet
auff der **H**Erz / vnd seine Herzigkeit erschei-
net über dir. Vnd die Heyden werden in
deinem liecht wandelen / vnd die Könige im
glanz / der über dir auffgeheth. Hebe deine
Augen auff / vnd sihe vmbher / diese alle ver-
samlet / kommen zu dir. Deine söhne wer-
den von ferne kommen / vnd deine töchter
zur seiten erzogen werden. Dan wirstu dei-
ne lust sehen / vnd außbrechen / vnd dein
herz wird sich wundern vñ außbreiten / wann
sich die menge am Meer zu dir bekehret / vnd
die macht der Heyden zu dir komt. Dan die
menge der Kamelen wird dich bedecken / die
Läufer

Läuffer auß Midian vnd Epha. Sie wer-
den auß Saba alle kommen / gold vnd wey-
rauch bringen / vnd des H^Erren lob ver-
kündigen.

Am tag der heiligen drey König/
Evangelium Matth. ij.

DA JESUS geboren war zu Bethlehem
im Jüdischen lande / zur zeit des Kö-
nigs Herodis : Siehe / da kamen die Wei-
sen vom Morgenland gen Jerusalem / vnd
sprachen : Wo ist der newgeborne König
der Juden ? Wir haben seinen Stern ge-
sehen im Morgenland / vnd sind kommen
ihn anzubeten.

Da das der König Herodes hörte / er-
schrack er / vnd mit ihm das ganze Jerusa-
lem : Vnd ließ versamlen alle Hohepriester
vnd Schriftgelehrten vnter dem volck / vnd
er forschete von ihnen / wo Christus solt ge-
bohren werden. Vnd sie sagten ihm : zu
Bethlehem im Jüdischen lande. Dann al-
so steht geschrieben durch den Propheten :
vnd du Bethlehem im Jüdischen lande / bist
mit nichten die kleinste vnter den Fürsten
Juda : Dann auß dir sol mir kommen der
Herkog / der über mein Volck Israel ein
H^Err sey.

Da

Da berief Herodes die Weisen heimlich /
vnd erlernet mit fleiß von ihnen / wan der
stern erschienen were / vnd weisete sie gen
Bethlehem / vnd sprach : Ziehet hin / vnd
forschet fleißig nach dem Kindlein / vnd
wann ihrs findet / so sagets mir wider / daß
ich auch komme / vnd es anbetete.

Als sie nun den König gehört hatten / zo-
gen sie hin / vnd siehe / der Stern / den sie im
Morgenland gesehen hatten / gieng vor ih-
nen hin / biß daß er kam / vñ stund oben über
da das Kindlein war. Da sie den Stern sa-
hen / wurden sie hoch erfreuet / vnd giengen
in das hauß / vnd funden das Kindlein mit
Maria seiner Mutter / vnd fielen nieder /
vnd beteten es an / vnd theten ihre Schätze
auff / vnd schencketen ihm Gold / Myrr
ranch vnd Myrrhen. Vnd Gott befahl ih-
nen im traum / daß sie sich nicht solten wider
zu Herodes lencken / vnd zogen durch einen
andern Weg wider in ihr land.

Am ersten Sonntag nach der heiligen
drey König tag / Epistel / Rom xij.

Lieben Brüder / ich ermahne euch / durch
die Barmherzigkeit Gottes / daß ihr ewi-
ge Leibe begeben zum Opffer / daß da leben-
dig / heilig / vnd Gott wolgefellig sey / wel-
ches

ches sey ewer vernünfftiger Gottesdienst :
vnd stellet euch nicht dieser Welt gleich / son-
dern verendert euch durch vernewerung
ewers sinnes / auff daß ihr prüffen möget /
welches da sey der gute / der wollgefellige /
vnd der vollkommene Gottes Wille.

Dann ich sage durch die Gnade / die mir
gegeben ist / jedermann vnter euch / daß nie-
mand weiter von ihm halte dann sichs ge-
bührt zu halten / sondern daß er von ihm
mässiglich halte / nach dem Gott außge-
theilet hat einem jeglichen gläubigen sein
Maß. Dañ gleicher weise / als wir in einem
Leibe viel Glieder haben / aber alle Glieder
nicht einerley geschäfte haben / also seynd
wir viel ein Leib in Christo / aber vnter ein-
ander ist einer des andern Glied / vnd ha-
ben mancherley gaben / nach der Gnade /
die vns gegeben ist.

Am ersten Sonntag nach der heiligen
dren König tag / Euangel. Luc. ij.

Und seine Eltern giengen alle jahr gen-
Jerusalem auff das Osterfest. Vnd
da er zwölff jahr alt war / giengen sie hin auff
gen Jerusalem / nach gewonheit des Fests.
Vnd da die tage vollendet waren / vnd sie
wider zu hause giengen / bleib das Kind Je-
sus

Jesus zu Jerusalem / vnd seine Eltern wustens
nit / sie meineten aber er were vnter den Ge-
lehrten / vnd kamen ein Tagreise / vnd such-
ten ihn vnter den gefreundten vnd bekand-
ten. Vnd da sie ihn nicht funden / giengen
sie widerumb gen Jerusalem / vnd suchten
ihn. Vnd es begab sich nach dreien tagen /
funden sie ihn im Tempel sitzen / mitten vnt-
er den Lehrern / das er ihnen zuhörete / vnd
sie fragte. Vnd alle die ihm zuhöreten / ver-
wundereten sich seines verstandes / vnd seiner
antwort. Vnd da sie ihn sahen / entsazten
sie sich / vnd seine Mutter sprach zu ihm :
Mein Sohn / warumb hastu vns das ge-
than ? Siehe / dein Vatter vnd ich haben
dich mit schmerzen gesucht. Vnd er sprach
zu ihnen : Was istis / das ihr mich gesucht
habt ? Wisset ihr nicht / das ich seyn muß in
dem / das meines Vatters ist ? Vnd sie ver-
stunden das wort nit / das er mit inen redet.
Vnd er gieng mit inen hinab / vnd kam gen
Nazareth / vnd war ihnen vnterthan. Vnd
seine Mutter behielt alle diese wort in ihrem
herzen. Vnd Jesus nam zu an weißheit /
alter vñ gnade bey Gott vnd den menschen.

Am andern Sonntag nach der H. drey
König tag / Lection S Pauli zum Röm. xij.

Lieben

Leben Brüder / wir haben mancherley
gaben / nach der gnade / die vns gegeben
ist. Hat jemand weiffagung / so sey sie dem
glauben ehlich. Hat jemand ein ampt / so
warte er des ampts / lehret jemand / so warte
er der lehre / ermahnet jemand / so warte er
des ermahnens / gibt jemand / so gebe er ein-
feltiglich / regieret jemand / so sey er fleissig /
übet jemand barmhertzigkeit / so thue ers mit
guten willen. Die Liebe sey nit falsch. Has-
set das arge / hanger dem guten an. Die brü-
derliche liebe vntereinander sey herzlich. Ei-
ner komme dem andern mit ehrerbietung zu-
vor. Seyt nit träg / was ihr thun solt. Seyt
brünstig im geist / schicket euch in die zeit.
Seyt frölich in hoffnung / gedültig in trüb-
sal. Haltet an am Gebett. Nemet euch der
heiligen nottürfft an. Herberget gerü: seg-
net die euch verfolgen / segnet vnd fluchet
nicht. Freuet euch mit den Frölichen / vnd
weinet mit den weinenden. Habt einerley
sinn vnter einander. Trachtet nicht nach
hohen dingen / sondern haltet euch herun-
ter zu den niedrigen.

Evangeliu[m] am andern Sonntag nach
der heiligen drey König tag / Johan. ij.

Und am dritten tage ward eine Hochzeit
in Ca

zu Cana in Galilea / vnd die Mutter Jesu
war da. Jesus aber vn seine Jünger wur-
den auch auff die Hochzeit geladen. Vnd
da es an Wein gebrach / spricht die Mutter
Jesu zu ihm: Sie haben nicht Wein. Je-
sus spricht zu ihr: Weib was habe ich mit
dir zu schaffen? Meine stund ist noch nicht
kommen. Seine Mutter spricht zu den Die-
nern: Was er euch saget / das thut. Es wa-
ren aber allda sechs steinern Wasserkrüge /
gesetzt nach der weise der Jüdischen Reini-
gung / vnd giengen je in einen zwei oder drey
Maß. Jesus spricht zu ihnen: Füllet die
wasserkrüge mit wasser. Vnd sie füllten
sie bis oben an. Vnd er spricht zu ihnen:
Schöpffet nun / vnd bringets dem Speiß-
meister. Vnd sie brachtens. Als aber der
Speißmeister kostet den wein / der wasser ge-
wesen war / vnd wuste nicht von wannen er
kam / die Diener aber wustens / die das was-
ser geschöpffet hatten / rüffet der Speißmei-
ster den Bräutigam / vnd spricht zu ihm:
Jederman gibt zum ersten guten wein / vnd
wann sie truncken worden seynd / als dann
den geringern / du hast den guten wein bis-
her behalten.

Das ist das erste zeichen / das Jesus
thet /

thet / geschehen zu Cana in Galilea / vnd
offenbahret seine herzigkeit. Vnd seine
Jünger glaubten an ihn.

Am dritten Sontag nach der heiligen
drey Königstag / Lektion auß der Epist.
zum Röm. am xij. Capit.

S Altet euch nicht selbst für klug. Ver-
geltet niemand böses mit bösem. Fleißi-
get euch der ehrbarkeit gegen jederman. Ist
es möglich / so viel an euch ist / so habt mit
allen menschen friede. Rechet euch selber
nicht / meine liebsten / sondern gebt raum
dem zorn (Gottes) Dañ es steht geschrie-
ben : Die rache ist mein / ich wil vergelten /
spricht der HErr.

So nun deinen feind hungere / so speise
ihn : Dürstet ihn / so träncke ihn. Wann
du das thust / so wirstu fewrige kohlen auff
sein haupt samlen. Laß dich nicht das böse
überwinden / sondern überwinde das böse
mit gutem.

Evangelium am dritten Sontag nach
der heiligen drey Königstag /
Matth. am viij Cap.

D A er (JEsus) aber vom berge herab
gieng / folgte ihm viel Volcks nach.
Vnd

Vnd siehe / ein aussätziger kam / vnd betet
ihn an / vnd sprach: HERR / so du wilt/
kannst du mich woll reinigen. Vnd JESUS
streckte seine hand auß / rühret ihn an / vnd
sprach: Ich wils thun / sey gereiniget. Vnd
alsbald ward er von seinem aussatz rein.
Vnd JESUS sprach zu ihm: Siehe zu / sag
niemand / sondern gehe hin / vnd zeige dich
dem Priester / vnd opffere die gabe / die Mo-
ses befohlen hat / zu einem zeugnüß über sie.

Da aber JESUS eingieng zu Caperna-
um / trat ein Hauptmann zu ihm / der bat
ihn / vnd sprach: HERR / mein knecht ligt
zu hause vnd ist gichtbrüchrig / vnd hat gro-
ße qual. JESUS sprach zu ihm: Ich wil
kommen / vnd ihn gesund machen. Der
Hauptman antwortet vnd sprach: HERR /
ich bin nicht werth / daß du vnter mein dach
gehest / sondern sprich nur ein wort / so wird
mein knecht gesund. Dann ich bin ein
mensch / darzu der Obrigkeit vnterthan / vñ
habe vnter mir kriegsknechte / noch wann ich
sage zu einem: Gehe hin / so gehet er. Vnd
zum andern / komm her / so kommt er. Vnd
zu meinem knecht / thu das / so thut ers.

Da das JESUS höret / verwundert er
sich / vnd sprach zu denen / die ihm nach-
folgten:

folgten : Warlich / ich sage euch / solchen
glauben habe ich in Ysrael nicht gefunden.
Aber ich sage euch : Viel werden kommen
von Morgen vnd vom Abend / vnd mit
Abraham / vnd Ysaac / vnd Jacob / im
Himmelreich sitzen / aber die kinder des
reichs werden außgestossen : in das finster-
nuß hinauß / da wird seyn heulen vnd zän-
klappen. Vnd JEsus sprach zu dem
Hauptmann : Gehe hin / dir geschehe / wie
du glaubt hast. Vnd sein knecht ward ge-
sund zu derselbigen stund.

Am vierdten Sonntag nach der heiligen
dren König tag / Epistel zum Röm. xiiij.

Seyt niemand nichts schuldig / dann
daß ihr euch vntereinander liebet. Dan
wer den andern liebet / der hat das Gesez er-
füllet. Dann das da gesagt ist : Du solt
nicht ehebrechen / Du solt nicht tödten / Du
solt nicht stelen / Du solt nicht falsche zeug-
nuß geben / Dich sol nichts gelüsten / vnd
so ein anders gebott mehr ist / das wird in
diesem wort verfasst / Du solt deinen
Nechsten lieben / als dich selbst. Die liebe
thut dem nechsten nichts böses. So ist nun
die liebe des Gesezes erfüllung.

Evans

Evangeliunt am vierdten Sontag
nach der heiligen drey König tag/
Matth. am viij. Capittel.

Und er (Jesus) trat in das schiff / vnd
seine Jünger folgten ihm. Vnd siehe /
da erhüb sich ein groß vngestüm im meer /
also / daß auch das schifflein mit wellen be-
deckt ward / vnd er schlieff. Vnd die Jün-
ger traten zu ihm / vnd weckten ihn auff /
vnd sprachen : Herr / hilff vns / wir ver-
derben. Da sagte er zu ihnen : Ihr klein-
gläubigen / warumb seyt ihr so forchtsam ?
Vnd stund auff vnd bedröwt den Wind
vnd das Meer / da ward es ganz stille. Die
menschen aber verwunderten sich / vnd
sprachen : Was ist das für ein mann / daß
ihm Wind vnd Meer gehorsam ist ?

Am fünfften Sontag nach der heiligen
drey König tag / Lektion auß der Epist.

S. Paul. zun Col. am iij. Cap.

Siehet nun an / als die außgewählte
Gottes heiligen vnd geliebten / herko-
lichs erbarmen / freundligkeit / demuth /
sanfftmuth / gedult / vnd vertrage einer
den andern / vnd vergebet euch vntereino-
ander / so jemand flag hat wieder den an-
dern / gleich wie Christus euch vergeben
hat /

hat / also auch ihr. Über alles aber / ziehet
an die liebe / die da ist das band der vollkom-
menheit / vnd der friede Gottes regiere in
ewren herten / zu welchem ihr auch berufo-
fen seyt / in einem leibe / vnd seyt danckbar.

Lasset das Wort Christi vnter euch reich-
lich wohnen in aller weißheit / lehret vnd
vermahnet euch selbst / mit Psalmen vnd
Lobgesängen / vnd geistlichen lieblichen lie-
dern / vnd singet dem HERRN in ewren
herten. Vnd alles was ihr thut mit wor-
ten vnd mit wercken / das thut alles in dem
namen des HERRN JESU / vnd dancket
GOTT / vnd dem Vatter durch ihn.

Evangelium am fünfften Sonntag
nach der heiligen drey König tag /

Matth. xiiij. Capitel.

EX (JESUS) leget ihnen ein andere
gleichniß für / vnd sprach: Das Him-
melreich ist gleich einem menschen / der gu-
ten samen auff seinen acker säet. Da aber
die leute schliefen / kam sein feind / vnd säet
vnkraut zwischen den weizen / vnd gieng
davon. Da nun das kraut wuchs / vnd
frucht brachte / da fand sich auch das vn-
kraut. Da traten die knechte zu dem Haus-
vatter / vnd sprachen: Herr / hast du nicht
guten

guten samen auf deinen acker gesäet? Woher hat er dan das vnkraut? Er aber sprach zu ihnen: Das hat der feindt gethan. Da sprachen die knechte: Wiltu dan / daß wir hingehen vnd es außgetten? Er sprach: Nein / auff daß ihr nicht zu gleich den weizen mit außräuffet / so ihr das vnkraut außgettet. Lasset beydes mit einander wachsen / bis zu der erndte / vnd vmb der erndte zeit / wil ich zu den schnittern sagen: Samlet zu vor das vnkraut vnd bindet es in bündlein / daß man es verbrenne: Aber den weizen samlet in meine schewren!

Am sechsten Sonntag nach der heiligen
drey König tag / Lektion auß der Epist.

Pauli an die Ebreer am iij. Capitel.

Schet zu lieben Brüder / daß nicht jemand vnter euch ein arges vngläubiges hertz habe / das da abrette von dem lebendigen GOTT / sondern ermahnet euch selbst alle tage / so lang es Heut heißet / daß nicht jemand vnter euch verstocket werde / durch betrug der sünde. Dann wir seynd Christus theilhaftig worden / so wir anders das angefangene wesen / bis ans ende fest behalten: Solang gesagt wird / Heut / so ihr seine stimme hören werdet / so verstocket

B ij

ctet

Her ewre herten nicht / wie in der verbitte-
rung geschach. Dann etliche die sie hore-
ten / richteten eine verbitterung an / aber nit
alle / die von Egypten außgiengen durch
Mosen. Aber welche aber ward er entru-
stet vierzigjahr lang? Ist's nicht also / daß
über die / so da sündigten / deren leibe in der
Wüsten verfielen? Welchen schwur er a-
ber / daß sie nicht zu seiner ruhe kommen
soltten / dann den ungläubigen. Vnd wir
sehen / daß sie nicht haben können hinein
kommen / vmb des ungläubens willen.

Evangelium am sechsten Sonntag
nach der heiligen drey König tag /
Matth xj Capittel.

DA fieng Iesus an die städte zu schel-
ten / in welchen am meisten seiner tha-
ten geschehen waren / vnd hatten sich doch
nit gebessert. Weh dir Chorazin / weh dir
Bethsaida : Weren solche thaten zu Tyro
vnd Sydon geschehen / als bey euch gesche-
hen seind / sie hetten vorzeiten im sack vñ in
der aschen busse gethan. Doch ich sage
euch : es wird Tyro vnd Sydon trüglicher
ergehen am jüngsten gericht / dann euch.
Vnd du Capernaum / die du bist erhaben /
biß an den Himmel / du wirst biß in die
Hölle

Hölle herunter gestossen werden. Dann
so zu Sodoma die thaten geschehen weren/
die bey dir geschehen sind / sie stünde noch
heutiges tages. Doch ich sage euch/es wird
der Sodomer land trüglicher ergehen am
jüngsten gerichte / dann dir.

Am Sonntag Septuagesima / Lea-
ction S. Pauli / i. Corinth. am ix.
vnd x. Capittel.

Wisset ihr nicht / daß die / so in den
Schrancken lauffen / die lauffen alle/
aber einer erlanget das kleinot ? Lauffet
nun also / daß ihr es ergreiffet. Ein jegli-
cher aber der da kämpffet / enthelt sich alles
dinges / jene also / daß sie eine vergänglichhe
krone empfangen / wir aber eine vnvergäng-
liche. Ich lauffe aber also / nicht als auß-
ungewisse. Ich fechte also / nicht als der in
die Luft streicht / sondern ich betäube mei-
nen leib / vnd zäme ihn / daß ich nicht den
andern predige / vnd selbst verwerfflich
werde.

Ich wil euch aber / lieben Brüder niche
verhalten / daß vnser vätter alle seynd vno-
ser der wolcken gewesen / vnd seynd alle
durchs meer gegangen / vnd seynd alle vno-
ser Mosen getaufft mit der wolcken / vnd

B iij

mit

Mit dem Meer / vnd haben alle einerley
geistliche speise gessen / vnd haben alle einer-
ley geistlichen tranck getruncken / sie trun-
cken aber von dem geistlichen fels / der mit
folgt / welcher war Christus. Aber an ihrer
vielen hatte Gott kein wol gefallen: Dañ
sie sind niedergeschlagen in der Wüsten.

Am Sonntag Septuagesima

Evangelium Matth 22.

Das Himmelreich ist gleich einem
Haußvater / der am morgen auß-
gieng / arbeiter zu mieten in seinen wein-
berg. Vnd da er mit den arbeitern ein-
ward vmb einen groschen zum taglohn /
sandte er sie in seinen weinberg. Vnd
gieng auß vmb die dritte stunde / vnd sahe
andere an dem marck müßig stehen / vnd
sprach zu ihnen: Gehet ihr auch hin in den
weinberg / ich wil euch geben was recht ist.
Vnd sie giengen hin: Abermahl gieng er
auß vmb die sechste vnd neundre stunde /
vnd thet gleich also. Vmb die elffte stunde
aber gieng er auß / vnd fand andere müßig
stehen / vnd sprach zu ihnen: Was stehet
ihr hie den ganzen tag müßig? Sie spra-
chen zu ihm: Es hat vns niemand gedin-
get. Er sprach zu ihnen: Gehet ihr auch
hin

hin in den weinberg / vñ was recht seyn wird
sol euch werden. Da es nun abend ward /
sprach der H^{er} des weinbergs zu seinem
schaffner: Ruffe den arbeitern / vnd gib ih-
nen den lohn / vnd heb an an den letzten / bis
zu den ersten. Da kamen die vmb die eilffte
stunde gedingeret waren / vnd empfieng ein
jeglicher seinen groschen. Da aber die er-
sten kamen / meineten sie / sie würden mehr
empfangen / vnd sie empfiengen auch ein jeg-
licher seinen groschen. Vnd da sie den em-
pfingen / murreten sie wider den Hauß-
vatter / vnd sprachen: Diese letzten haben
nur eine stunde gearbeitet / vnd du hast sie
vns gleich gemacht / die wir des tages last
vnd hize getragen haben.

Er antwortet aber / vnd sagte zu einem
vnter ihnen: Mein freund / ich thu dir nicht
vnrecht. Bistu nicht mit mir eins worden
vmb einen groschen? Nim was dein ist /
vnd gehe hin. Ich wil aber diesen letzten
geben gleich wie dir. Oder habe ich nicht
macht zu thun was ich wil mit dem mei-
nen? Sihestu darum scheel / daß ich so gü-
tig bin? Also werden die letzten die ersten /
vñ die ersten die letzten seyn: Dañ viel sind
beruffen / aber wenig sind außewehlet.

B iij

Am

Am Sonntage Sexagesima / Lection
aus S. Paul. ij. Corinth. am xj.
vnd xij. Capittel.

Ihr vertraget gern die narren / dieweil
Ihr klug seyt. Ihr vertraget / so euch je-
mandt zu knechte machet / so euch jemand
schändet / so euch jemand nimmet / so je-
mand euch trozet / so euch jemand in das
angesicht streicht. Das sage ich nach der
vnehre / als weren wir schwach worden.
Worauß nun jemand kün ist (ich rede in
thorheit) darauß bin ich auch kün. Sie
seynd Ebreer / ich auch. Sie sind Israeli-
ter / ich auch. Sie sind Abrahams sament /
ich auch. Sie seynd diener Christi (ich re-
de thörlich) ich bin wol mehr. Ich habe
mehr gearbeitet / ich habe mehr schläge er-
litten / ich bin offter gefangen / oft in todes
nöten gewest. Von den Juden habe ich
fünffmahl empfangen vierzig streich weni-
ger eins. Ich bin drey mahl gesteypt / ein-
mahl gesteinigt / drey mahl hab ich schiff-
bruch erlitten / tag vnd nacht habe ich zu-
bracht in der tieffe des meers. Ich habe
offt gereiset. Ich bin in fehrlichkeit gewesen
zu wasser / in fehrlichkeit vnter den mördern /
in fehrlichkeit vnter den Juden / in fehrlich-
keit.

keit vnter den Heyden / in fehrlichkeit in den
städten / in fehrlichkeit in der wüsten / in fehr-
lichkeit auff dem meer / in fehrlichkeit vnter
den falschen brüdern : In mühe vnd ar-
beit / in viel wachen / in hunger vnd durst /
in viel fasten / in frost vnd blöße : Ohn was
sich sonst zuträgt / nemblich / daß ich täg-
lich werde angelauffen vnd trage sorge für
alle gemeinen. Wer ist schwach / vnd ich
werde nicht schwach? Wer wird geärgert
vnd ich brenne nicht? So ich mich je rüh-
men sol / wil ich mich meiner schwachheit
rühmen. **G**ott vnd der Vatter vnser
H Erren **J**esu Christi / welcher sey gelobt
in ewigkeit / weiß daß ich nicht liege. Zu
Damasco der Landpfleger des Königes
Areta / verwahrete die stadt der Damas-
cer / vnd wolte mich greiffen / vnd ich ward
in einem korbe zum fenster auß durch die
mauren nieder gelassen / vnd entran auß
seinen händen.

Das xij. Capittel.

Es ist mir ja das rühmen nichts nutz /
doch wil ich kommen auff die gesichte
vnd offenbahrung des **H** Erren. Ich kenn
ne einen menschen in Christo vor vierzehent
jahren (ist er in dem leibe gewesen / so weiß

D v

ichs

ichs nicht / oder ist er außser dem leibe gewe-
sen / so weiß ichs auch nicht / Gott weiß
es) derselbige ward erküet bis in den drit-
ten Himmel ? Vnd ich kenne denselben
menschen (ober in dem leibe oder auß dem
leibe gewesen ist / weiß ich nicht / Gott
weiß es) er ward erküet in das Para-
deiß / vnd höret vnaussprechliche wort/
welche kein mensch sagen kan. Davon wil
ich mich rühmen / von mir selbst aber will
ich mich nichts rühmen / ohn meiner
schwachheit. Vnd so ich mich rühmen wol-
te / thet ich darumb nicht thörlich / dann ich
wolte die warheit sagen. Ich enthalte mich
aber des / auff daß nicht jemand mich hö-
her achte / dann er an mir sihet / oder von
mir höret.

Vnd auff daß ich mich nicht der hohen
offenbarung überhebe / ist mir gegeben ein
psalm in fleisch / nemlich des Satans En-
gel / der mich mit fänsten schlage / auff daß
ich mich nicht überhebe. Da für ich drey-
mal den Herren gesehet habe / daß er von
mir weiche / vnd er hat zu mir gesagt : Laß
dir an meiner gnade genügen : Dann mei-
ne krafft ist in den schwachen mächtig.
Darumb wil ich mich am allerliebsten rüh-
men

men meiner schwachheit/auff daß die krafft
Christi bey mir wohne.

Evangelium am Sonntag Sexages

simas Luc. viij. Capittel.

DA nun viel volcks bey einander war/
vnd auß den städten zu ihm eileten/
sprach er durch ein gleichnuß : Es gieng
ein Seeman auß zu säen seinen Samen/
vnd indem er säet/ fiel etliches an dem weg/
vnd ward vertretten / vnd die vögel vnter
dem Himmel frassens auff. Vnd etliches
fiel auff den fels / vnd da es auffgieng/ver-
dortet es / darumb / daß es nicht safft hat
te. Vnd etliches fiel mitten vnter die dor-
nen / vnd die dörne giengen mit auff vnd
ersticketens. Vnd etliches fiel auff ein gut
land / vnd es gieng auff / vnd trug hun-
dertfältige frucht. Da er das sagte / rieß
er : Wer ohren hat zu hören der höre. Es
fragten ihn aber seine Jünger / vnd spra-
chen / was diese gleichnuß were : Er aber
sprach : Euch ist gegeben zu wissen das ge-
heimnuß des reichs Gottes / den andern
aber in gleichnußen / daß sie es nicht sehen/
ob sie es schon sehen / vnd nicht verstehen/
ob sie es schon hören.

Das ist aber die gleichnuß : Der same

ist

ist

ist das wort Gottes. Die aber an dem we-
ge sind / das seynd die es hören / darnach
kommet der Teuffel / vnd nimmet das wort
von ihren herten / auff daß sie nicht glau-
ben / vnd selig werden. Die aber auff dem
fels / seynd die / wann sie es hören / nehmen
sie das wort mit freuden an / vnd die haben
nicht wurzel / ein zeitlang glauben sie / vnd
zur zeit der anfechtung fallen sie abe. Das
aber vnter die dörnen fiel / sind die / so es
hören / vnd gehen hin vnter den sorgen /
reichthumb / vnd wollust dieses lebens / vnd
ersticken / vnd bringen keine frucht. Das
aber auff dem guten land / seynd die das
wort hören vñ behalten in einem feinen gu-
ten herten / vnd bringen frucht in gedult.

Am Sonntag Quinquagesima /

Lection 1. Corinth. am xij Cap.

Wann ich mit Menschen vnd mit Eng-
eln zungen redete / vnd hette der liebe
nicht / so were ich ein tönend erz / oder ein
klingende schelle. Vnd wann ich weiffa-
gen kōnte / vnd wüßte alle geheymniß / alle
erkenntniß / vnd hette allen glauben / also /
daß ich berge versetzte / vnd hette der liebe
nicht / so were ich nichts. Vnd wann ich
alle mein haab den armen gebe / vnd ließe
meinem

meinen leib brennen / vnd hesse der liebe
nicht / so were mirs nichts nütze.

Die liebe ist langmütig vnd freundlich /
die liebe eyffert nicht / die liebe treibet nicht
muthwillen / sie blähet sich nicht / sie stellet
sich nicht vngeberdig / sie suchet nicht das
ihre / sie läset sich nicht erbittern / sie trach-
tet nicht nach schaden / sie frewet sich nicht
der vngerechtigkeith / sie frewet sich aber der
warheit / sie verträgt alles / sie glaubt alles /
sie hoffet alles / sie düldeet alles. Die liebe
höret nimmer auff / so doch die weissagun-
gen auffhören werden / vnd die sprachen
auffhören werden / vnd das erkennniß
auffhören wird.

Dann vnser wissen ist stückwerck / vnd
vnser weissagung ist stückwerck. Wann
aber kommen wird das vollkommen / so
wird das stückwerck auffhören. Da ich
ein kind war / redet ich wie ein kind / vnd
war klug wie ein kind / vnd hatte kindische
anschläge : Da ich aber ein Mann ward /
thete ich ab was kindisch war. Wir sehen
jest durch einen spiegel in einem tunclelen
wort / dann aber von angezicht zu ange-
sicht. Jest erkenne ichs stückweise / dann
aber werde ichs erkennen / gleich wie ich er-

kennet bin. Nun aber bleibet glaube / hoffnung / liebe / diese drey / aber die liebe ist die grössste vnter ihnen.

Euangelium am Sonntag Quinquagesima / Luc. am xvij. Capittel.

Er nam aber zu sich die zwölffe / vnd sprach zu ihnen: Sehet/wir gehen hinauff gen Jerusalem / vnd es wird alles volendet / das geschrieben ist durch den Propheten / von des menschen sohn. Dann er wird überantwortet werden den Heyden / vnd er wird verspottet / vnd geschmähet / vnd verspeneet werden / vnd sie werden ihn geyseln vnd tödten / vnd am dritten tage wird er wieder aufferstehen. Sie aber vernamen der keines / vnd die rede war ihnen verborgen / vnd wustten nicht was da gesagt war.

Es geschach aber / da er nahe zu Jericho kam / saß ein blinder am wege / vnd betelt. Da er aber höret das volck / das durch hingienge / forschet er / was das were? Da verkündigten sie ihm: **J**esus von Nazareth gienge fürüber. Vnd er rieß / vnd sprach: **J**esu / du Sohn David / erbarme dich mein. Die aber vorne an giengen / bedracketen ihn / er solte schweigen. **E**r

Er aber schrey vielmehr / du Sohn Da-
uid erbarme dich mein. **J**esus aber stund
still / vnd hieß ihn zu sich führen. Da sie
ihn aber nahe bey ihm brachten / fragte er
ihn / vnd sprach : Was wiltu das ich dir
thun sol? Er sprach : **H**err / daß ich se-
hen möge. **V**nd **J**esus sprach zu ihm :
Seh sehend / dein glaube hat dir geholffen.
Vnd also bald ward er sehend / vnd folget
ihm nach / vnd preisete **G**ott. **V**nd alles
Volck / das solches sahe / lobte **G**ott.

Am ersten Sonntag in der Fasten /

Lect. 1. Cor am vj. Capit.

Ihr ermahnen aber euch als Mitthelf-
fer / daß ihr nicht vergeblich die gnade
Gottes empfalet. **D**ann er spricht : Ich
habe dich in der angenehmen zeit erhöret /
vnd habe dir am tage des Heyls geholffen.
Siehe / jetzt ist die angenehme zeit / jetzt ist
der tag des heyls. **L**asset vns aber niemand
irgend eine ergerniß geben / auff daß vn-
ser ampt nicht gelestert werde / sondern in
allen dingen laßt vns beweisen / als die die-
ner Gottes.

In grosser gedult / in trübsal / in nöten /
in ängsten / in schlägen / in gefängnißsen /
in auffrühren / in arbeit / in wachen / in fa-
sten /

sten / in keuscheit / in erkennenuß / in lang-
muth / in freundligkeit in dem Heiligen
Geist / in vngesärbter liebe / in dem wort
der warheit / in der krafft Gottes. Durch
waffen der gerechtigkeit / zur rechten vnd
zur lincken / durch ehre vnd schande / durch
böse gerücht vnd gute gerüchte : als die
verführer / vnd doch warhafftig / als die
vnbekanten / vnd doch bekant : Als die ster-
benden / vnd sihe / wir leben : Als die ge-
züchtigten / vnd doch nicht ertödet : Als
die trawrigen / aber allezeit frölich : Als
die armen / aber die doch viel reich ma-
chen : Als die nichts inne haben / vnd doch
alles haben.

**Evangelium am ersten Sonntag in
der Fasten / Matth. am iij. Cap.**

DA ward Jesus vom Geist in die Wü-
sten geführet auff daß er vom Teuffel
versucht würde. Vnd da er vierzig tag
vnd vierzig nacht gefastet hatte / hungert
ihn. Vnd der Versucher trat zu ihm / vnd
sprach : Bistu Gottes Sohn / so sprich /
daß diese stein brodt werden. Vnd er ant-
wortet vnd sprach : Es stehet geschrieben :
Der mensch lebt nicht vom brodt allein /
sonn

sondern von einem jeglichen worte / das
durch den mund Gottes gehet.

Da führet ihn der Teuffel mit sich in die
heilige Stadt / vnd stellet ihn auff die zinne
des Tempels / vnd sprach zu ihm : Bistu
Gottes Sohn / so laß dich hinab : Dann
es stehet geschrieben : Er wird seinen En-
geln über dir befehl thun / vnd sie werden
dich auff den händen tragen / auff daß du
deinen fuß nicht an einen stein stößest. Da
sprach JEsus zu ihm : Wiederumb stehet
auch geschrieben : Du solt Gott deinen
H Erren nicht versuchen.

Wiederumb führet ihn der Teuffel mit
sich auff einen sehr hohen Berg / vnd zeigt
ihm alle reich der Welt vnd ihre herzigkeit /
vnd sprach zu ihm : Das alles wil ich dir
geben / so du niderfallest vnd mich anbe-
test. Da sprach JEsus zu ihm : Heb dich
von mir Sathan / dann es stehet geschrie-
ben / du solt anbeten Gott deinen H Erren /
vnd ihm allein dienen. Da verließ ihn der
Teuffel / vnd siehe / da traten die Engel zu
ihm / vnd dieneteten ihm.

Am Sonntag Reminiscere / Lection
auff der ersten Epistel Pauli an die
Thessal. am iij. Capite.

Lieben

Geben Brüder / weiter bitten wir euch
vnd ermahnen in dem H Erren Jesu/
nach dem ihr von vns empfangen habt/
wie ihr solt wandeln vnd G Dtt gefallen/
das ihr immer völliger werdet. Dann ihr
wisset / welche gebott wir euch gegeben ha-
ben / durch den H Erren Jesum.

Dann das ist der wille Gottes / ewer heiligung /
das ihr meidet die Hureren / vnd
ein jeglicher vnter euch wisse sein 'faß zu be-
halten in heiligung vnd ehren / nicht in der
lustseuche / wie die Heyden / die von G Dtt
nichts wissen. Vnd das niemand zu weit
greiffe / noch verurtheile seinen bruder im
handel: Dann der H Erz ist der rächer in-
ber alles / wie wir euch zuvor gesagt vnd
bezeuget haben. Dann Gott hat vns nicht
beruffen zur unreinigkeit / sondern zur heiligung.
Wer nun verachtet / der verachtet
nicht den Menschen / sondern G Dtt / der
seinen heiligen Geist gegeben hat in euch.

Evangelium am Sonntag Reminis-
cere Matth. am xv. Capittel.

Als Jesus gieng auß von dannen / vnd
entweich in die gegend Tyro vnd Sy-
don. Vnd siehe ein Cananeisch weib gieng
auß der selbigen grenze / vnd schrey ihm
nach/

nach / vnd sprach : Ach HErr / du Sohn
David / erbarm dich mein : Meine tochter
wird vom Teuffel übel geplagt. Vnd er
antwortet ihr kein wort. Da tratten zu ihm
seine Jünger / baten ihn / vnd sprachen :
Laß sie doch von dir : Dann sie schreyet
vns nach. Er antwortet aber / vnd sprach :
Ich bin nicht gesand / dann nur zu den ver-
lorenen schafen von dem hause Israel. Sie
kam aber / vnd fiel vor ihm nieder / vnd
sprach : HErr / hilf mir. Aber er ant-
wortet vnd sprach : Es ist nicht fein / daß
man den kindern ihr brodt neme / vnd werf-
fe es für die hunde. Sie sprach : Ja
HErr / aber doch essen die hündlein von
den brotsamen / die von ihrer Herren tisch
fallen. Da antwortet Jesus / vnd sprach
zu ihr : O weib / dein glaub ist groß / dir ge-
schehe wie du wilt. Vnd ihre tochter ward
gesund in derselbigen stunde.

Am dritten Sonntag in der Fasten/

Lect. Ephes. am v. Capit.

Seyt nun Gottes nachfolger / als die
lieben kinder / vnd wandelt in der lie-
be / gleich wie Christus vns hat geliebet
vnd sich selbst dar geben für vns zur gabe
vnd

vnd opffer / GOTT zu einem süßen geruch.
Hurerey aber vnd alle unreinigkeit / oder
geiz / laffet nicht von euch gesagt werden /
wie den heiligen zustehet / auch schandbare
wort / vnd narrenheiding / oder seherz /
welche euch nicht ziehen / sondern viel
mehr dancksagung. Dann das solt ihr
wissen / daß kein hurer / oder unreiner / oder
geiziger (welcher ist ein Götzendiener) er-
be hat an dem reich Christi vnd GOTTES.
Lasset euch niemand verführen mit vergeb-
lichen Worten : Dann vmb dieser willen
kommet der zorn GOTTES über die Kinder
des vnglaubens. Darumb seyt nicht ihre
mitgenossen. Dann ihr wahret weiland
finsterniß / nun aber seyt ihr ein liecht in
dem HERRN. Wandelt wie die Kinder
des liechtes. Die frucht des Geistes ist al-
lerley gütigkeit / gerechtigkeit vnd warheit.

Evangelium am dritten Sonntag

in der Fasten / Luc. xj. Capit.

Wid er treib einen Teuffel auß / der war
stumm : Vnd es geschach / da der
Teuffel außfuhr / redete der stumme. Vnd
das volck verwunderte sich. Seliche aber
vnter ihnen sprachen : Er treibt den Teufel
aus durch Beelzebub / den obersten der
Teuffel.

Teuffel. Die andern aber versuchten ihn /
vnd begehrten ein zeichen von ihm vom
Himmel.

Er aber vernam ihre gedanken / vnd
sprach zu ihnen : Ein jeglich reich / so es
mit ihm selbst vneins wird / das wird wüst /
vnd ein hauß fällt über das ander. Ist
dann der Satanas auch mit ihm selbst
vneins / wie wil sein reich bestehen / dieweil
ihr sagt / ich treibe die Teuffel auß durch
Beelzebub? So ich aber die Teuffel durch
Beelzebub austreibe / durch wen treiben sie
ewre kinder auß? Darumb werden sie ewo
re richter seyn. So ich aber durch Gottes
finger die Teuffel austreib / so komt je das
Reich Gottes zu euch.

Wann ein stärker gewapneter seinen
pallast bewahret / so bleibet das seine mit
frieden : Wann aber ein stärker über ihn
komt / vnd überwindet ihn / so nimt er ihm
seinen Harnisch / darauff er sich verließ /
vnd theilet den raub auß. Wer nicht mit
mir ist / der ist wider mich / vnd wer nicht
mit mir samlet / der zerstreuet.

Wann der vn sauber Geist von dem
menschen außfähret / so durchwandelt er
dürre stätte / sucht ruhe / vnd findet ihr nie /
so

so spricht er : Ich will wiederumb kehren
in mein hauß / darauß ich gegangen bin.
Vnd wann er komt / so findet ers mit bese-
men gefehret / vnd geschmückt. Dann
gehet er hin / vnd nimt sieben Geister zu
sich / die ärger sind als er selbst / vnd wann
sie hinein kommen / wohnen sie da / vnd
wird hernach mit demselbigen menschen
ärger darin vorhin.

Vnd es begab sich / da er solchs redet/
erhub ein weib im volck die stim vnd sprach
zu ihm : Selig ist der leib der dich getragen
hat / vnd die brüste die du gesogen hast. Er
aber sprach : Ja selig seind die Gottes wort
hören / vnd bewahren.

Am vierdten Sonntag in der Fasten /
lection auß der Epistel S. Paul.
zum Gal. iij. Capit.

SAget mir / die ihr vnter dem gesez seyn
wolt / habt ihr das gesez nicht gehört ?
Dann es steht geschrieben : Daß Abra-
ham zween Söhne hatte / einen von der
magd / den andern von der freyen : Aber
der von der magd war / ist nach den fleisch
gebohren / der aber von der freyen / ist durch
die verheißung gebohren. Die Wort be-
deuten

deuten etwas : Dann das seynd die zwey
Testament / eines von dem berge Sinai/
das zur knechtschafft gebiert / welches ist
die Agar. Dann Agar heist in Arabia der
berg Sinai / vnd langet biß gen Jerusa-
lem / das zu dieser zeit ist / vnd ist dienstbar
mit seinen kindern. Aber das Jerusalem
das droben ist / das ist die freye / die ist vn-
ser aller Mutter. Dann es steht geschrie-
ben : Sey frölich du vnfruchtbar / die du
nicht gebierest vnd brich herfür / vnd ruffe/
die du nicht schwanger bist : Dann die ein-
same hat vielmehr kinder / dann die den
Mann hat. Wir aber / lieben brüder / sind
Isaac / nach der verheissung Kinder. Aber
gleich wie zu der zeit / der nach dem fleisch
gebohren war / verfolget den / der nach dem
Geist gebohren war : Also gehet es jetzt
auch. Aber was spricht die schrift? Stoß
die Magd hinauß mit ihrem sohne / dann
der Magd sohn soll nicht erben mit dem
sohne der freyen. So sind wir nun / lie-
ben brüder / nicht der Magd kinder / sonder
der freyen.

**Evangelium am vierdten Sonntag in
der Fasten / Johan. am vj. Capit.**

Dar.

¶ **D**arnach fuhr **J**esus weg über das
Meer an der Stadt **Tyberias** in **Galilea** / vnd es zog ihm viel volcks nach / dar
umb / daß sie seine zeichen sahen / die er an
den **francken** thete. **J**esus aber gieng hin
auff auff einen berg / vnd sazte sich daselbst
mit seinen **Jüngern**. Es war aber nahe
die **Ostern** / der **Juden** **Fest**. Da hub **J**e
sus seine augen auff / vnd siehet / daß viel
volcks zu ihm come / vnd spricht zu **Phio**
lippo : Wo kauffen wir brodt / daß diese
essen ? Das sagt er aber ihm zu versuchen /
dann er wuste wol was er thun wolte. **Phio**
lippus antwortet ihm : **Zwey** **hundert**
pfennige wehrt brodts ist nit genug vnter
sie / daß ein jeglicher ein wenig nehme.
Spricht zu ihm einer seiner **Jünger** / **An**
dreas der **Bruder** **Simonis** **Petri** : Es ist
ein **knab** hie / der hat **fünff** **gersten** **brodt** /
vnd **zween** **fische** : Aber was ist das vnter
so viel ? **J**esus aber sprach : **Schaffet**
daß sich das volck **lāgere**. Es war aber viel
grāß an dem **orth**. Da **lāgerten** sich **ben**
fünff **tausend** **mann**. **J**esus aber nam
die **brodt** / dancket vnd gab sie den **Jün**
gern / die **Jünger** aber denen / die sich **ge**
lāgere hatten. **Desselbigen** gleichen auch

von

von den fischen / wie viel er wolte.

Da sie aber satt waren / sprach er zu seinen Jüngern: Samlet die übrige brocken auff / daß nichts vmbkomme. Da samleten sie / vnd fülleten zwölff körbe mit brocken / von den fünff gerstenbrot / die überblieben denen / die gespeiset wurden. Da nun die menschen das zeichen sahen / das JEsus thet / sprachen sie: Das ist warlich der Prophet / der in die welt kommen sol. Da JEsus nun mercket / daß sie kommen würden ihn zu haschen / daß sie ihn zum könig machten / entweich er abermal auff den Berg / er selbst allein.

Am fünfften Sonntag in der Fasten/

Hebr. jr. Capittel.

Christus aber ist kommen / lieben brüder / daß er sey ein Hoherpriester der zukünfftigen güter / durch eine grossere vnd vollkommener Hütten / die nicht mit der hand gemacht ist / das ist / die nicht also gebawt ist / auch nicht durch der Böcke oder Kälber blut / sondern er ist durch sein eigen Blut einmahl in das heilige eingegangen / vnd hat ein ewige erlösung erfunden.

Dann so der ochsen vnd der böcke blut / vnd die aschen von der kuhē gesprengt /

E

heiliget.

heiliget die vnreinen zu der leiblichen reinig-
keit/wie viel mehr wird das blut Christi/der
sich selbst ohn allen wandel durch den heili-
gen Geist Gott geopffert hat / vnser gewis-
sen reinigen von den todten wercken / zu
dienen dem lebendigen Gott. Vnd dar-
umb ist er auch ein Mittler des Newen Te-
staments / auff daß durch den todt / so ge-
schehen ist zur erlösung von den übertret-
tung (die vnter dem ersten Testament wa-
ren) die / so beruffen sind / das verheissene
ewige erbe empfangen.

Evangelium am fünfften Sonntag in
der Fasten / Johan. am viij Capit.

Jesus sprach zu den Juden : Welcher
vnter euch kan mich einer sünde zeihen ?
So ich aber euch die warheit sage warumb
glaubt ihr mir nicht ? Wer von Gott ist/
der höret Gottes wort : Darumb höret
ihr nicht / dann ihr seyt nicht von Gott.
Da antworten die Juden vnd sprachen zu
ihm : Sagen wir nicht recht / daß du ein
Samariter bist/vnd hast den Teuffel. Je-
sus antwortet : Ich hab keinen Teuffel/
sondern ich ehre meinen Vatter / vnd ihr
vnehret mich. Ich suche nicht meine ehre/
es ist aber einer der sie suchet vnd richtet.
War.

Warlich warlich ich sage euch : So jemand mein wort wird halten / der wird den todt nicht sehen ewiglich. Da sprachen die Juden zu ihm : Nun erkennen wir / daß du den Teuffel hast. Abraham ist gestorben vnd die Propheten / vnd du sprichst : So jemand mein wort hält / der wird den todt nicht schmecken ewiglich / bistu mehr dann vnser Vatter Abraham / welcher gestorben ist / vnd die Propheten sind gestorben : Was machstu auß dir selbst? Iesus antwortet : So ich mich selber ehre / so ist meine ehre nichts. Es ist aber mein Vatter / der mich ehret / welchen ihr sprechet / er sey ewer Gott : vnd kenneet ihn nicht / ich aber kenne ihn. Vnd so ich würde sagen : Ich kenne sein nicht / so würde ich ein lügner / gleich wie ihr seyt : Aber ich kenne ihn / vnd halte sein wort. Abraham ewer Vatter ward froh / daß er meinen tag sehen solt : Vnd er sahe ihn / vnd freuet sich. Da sprachen die Juden zu ihm : Du bist noch nicht funffzig jahr alt / vnd hast Abraham gesehen? Iesus sprach zu ihnen : Warlich warlich ich sage euch : Ehe dan Abraham ward / bin ich. Da huben sie steine auff / daß sie auff ihn würffen. Aber Ie-

Jesus verbarg sich / vnd gieng zum Tempel
hinauß.

Am Palmtag / Lection auß der Epistel
Pauli zu Philippern am ij. Capitel.

En jeglicher sey gesinnet / wie Jesus
Christus auch war / welcher ob er wol
in Göttlicher gestalt war / hielt ers nicht für
einen raub / Gott gleich seyn / sondern
euffert sich selbst / vnd nam knechtes gestalt
an / ward gleich wie ein ander mensch / vnd
an geberden / als ein mensch erfunden / er
niedriget sich selbst / vnd ward gehorsam
biß zum tode / ja zum tode am Creuz. Dar-
umb hat ihn auch Gott erhöhet / vnd hat
ihm einen namen gegeben / der über alle na-
men ist / daß in dem namen Jesu sich beu-
gen sollen alle die knie / die im Himmel /
vnd auff erden / vnd vnter der erden sind /
vnd alle zungen bekennen sollen / daß Je-
sus Christus der Herr sey / zur ehre
Gottes des Vatters.

Das Evangelium am Palmtag
findestu im anfang dieses Büchleins.

Am Ostertag / Lection auß der Epistel
zu Corinth. am v. Capittel.

Drumb feget den alten saurteig auß /
auff

auff daß ihr ein newer teig seyt / gleich wie
ihr ungesäuwert seyt. Dann wir haben
auch ein Osterlamb / das ist Christus /
für vns geopffert. Darumb lasset vns
Ostern halten / nicht im alten sawrteich /
auch nicht im sawrteich der bößheit vnd
schalckheit / sondern in dem süßteig der lau-
terkeit vnd der warheit.

Evangelium am Ostertage /

Marci am xvij. Capittel.

Und da der Sabbath vergangen war /
kaufften Maria Magdalena / vnd
Maria Jacobi / vnd Salome speceren /
auff daß sie kämen vnd salbeten ihn. Vnd
sie kamen zum grabe / an einem Sabbat
ther sehr früe / da die Sonne auffgieng.
Vnd sie sprachen vnter einander : Wer
welket vns den stein von des grabes thür ?
Vnd sie sahen dahin vnd wurden gewahr /
daß der stein abgewelket war / dann er war
sehr groß.

Vnd sie giengen hinein in das grab /
vñ sahen einen Jüngling zur rechten hand
sizen / der hatte ein lang weiß kleid an / vnd
sie entsazten sich. Er aber sprach zu ihnen :
Entsetzet euch nicht : Ihr suchet Jesum
von Nazareth / den gecreuzigten / er ist

E iij

auffo

aufferstanden / vnd ist nicht hie / siehe da
die stette / da sie ihn hinlegten. Gehet aber
hin / vnd sagets seinen Jüngern / vnd Pe-
tro / daß er für euch hingehen wird in Ga-
lilea / da werdet ihr ihn sehen / wie er euch
gesaget hat. Vnd sie giengen schnell her-
aus / vnd flohen von den grabe : Dann
es war sie zittern vnd entsetzen ankommen/
vnd sagten niemand nichts : Dann sie
forchten sich.

Am ersten Sonntag nach Ostern/
Quasimodo / Lektion auß der ersten
Epistel Johan. am v. Capic.

Alles was von Gott geboren ist / über-
windet die welt / vnd vnser glaub ist
der sieg / der die welt überwunden hat. Wer
ist aber der die welt überwindet / ohn der da
glaubet / daß JESUS Gottes Sohn ist ?
Dieser ist der da kommet mit wasser vnd
blut / JESUS Christus : Nicht mit was-
ser allein / sondern mit wasser vnd blut.
Vnd der Geist ist / der da zeuget / daß Geist
warheit ist. Dann drey sind die da zeugen
im Himmel : Der Vatter / das Wort /
vnd der heilige Geist : Vnd diese drey sind
eins. Vnd drey sind die da zeugen auff er-
den :

den : Der Geist / vnd das Wasser / vnd
das Blut / vnd die drey sind bey-
sammen. So wir der menschen zeug-
niß annehmen / So ist Gottes
zeugniß grösser : Dann Gottes
zeugniß ist das / daß er gezeuget
hat von seinem Sohn / wer da glaubt an
den Sohn Gottes / der hat solches zeug-
niß bey ihm.

**Evangelium am ersten Sonntag nach
Ostern / Quasimodo / Johan. ij.**

Am abnd aber desselbigen Sabbath /
da die Jünger versamlet / vnd die Thü-
ren verschlossen waren / auß forcht für den
Juden / kam JEsus / vnd trat mitten ein /
vnd spricht zu ihnen : Friede sey mit euch.
Vnd als er das sagte / zeigt er ihnen die
händ / vnd seine seite. Da wurden die Jün-
ger froh / daß sie den HErrn sahen. Da
sprach JEsus abermahl zu ihnen : Friede
sey mit euch. Gleich wie mich der Vatter
gesandt hat / so sende ich euch. Vnd da er
das sagete / blicß er sie an / vnd spricht zu
ihnen : Nemet hin den heiligen Geist / wel-
chen ihr die sünde erlasset / denen sind sie er-
lassen : Vnd welchen ihr sie behaltet / de-
nen sind sie behalten.

Thomas aber der zwölfften einer / der da
heisset Zwilling / war nicht bey ihnen / da Je-
sus kam. Da sagten die andern Jünger
zu ihm : Wir haben den H Erren gesehen.
Er aber sprach zu ihnen : Es sey dann / daß
ich in seinen Händen sehe die Nägelmal / vnd
lege meine finger in die Nägelmal / vnd le-
ge meine hand in seine seite / wil ichs nicht
glauben.

Vnd über acht tage waren abermahl
seine Jünger drinnen / vnd Thomas mit
ihnen : Komet JEsus / da die Thüren ver-
schlossen waren / vnd tritt mitten ein / vnd
spricht : Friede sey mit euch. Darnach
spricht er zu Thoma : Reiche deine finger
her / vnd sihe meine Hände / vnd reiche dei-
ne hand her / vnd lege sie in meine seiten /
vnd sey nicht vnglaubig / sondern glaubig.
Thomas antwortet vnd sprach zu ihm :
Mein H Erre vnd mein Gott. Spricht
JEsus zu ihm : Dieweil du mich gesehen
hast / Thoma / so glaubstu : Selig sind /
die nicht sehen / vnd doch glauben.

Auch viel andere zeichen that JEsus
für seinen Jüngern / die nicht geschrieben
sind in diesem Buch. Diese aber seind ge-
schrieben / daß ihr glaubet JEsus sey
Christ

Christ / der Sohn Gottes / vnd daß ihr
durch den glauben das leben habet in sei-
nem nahmen.

Am andern Sondag nach Ostern/
Misericordias / Lectien auß der ersten
Epistel Petri am ij. Capittel.

Ihr Knechte / seyt vnterthan mit aller
Furcht den Herren / nicht allein den
gütigen vnd gelinden / sondern auch den
wunderlichen. Dann das ist gnade / so je-
mand vmb des gewissens willen zu Gott
das übel verträgt / vnd leidet das vnrecht.
Dann was ist das für ein ruhm / so ihr
vmb missethat willen streiche leidet? Aber
wann ihr vmb wolthat willen leydet vnd
erduldet / das ist gnade bey Gott.

Dann dazu seyt ihr beruffen / sintemal
auch Christus gelitten hat für vns / vnd
vns ein fürbild gelassen / daß ihr solt nach-
folgen seinen fußstapfen: Welcher keine
sünd gethan hat / ist auch kein betrug in sei-
nem munde erfunden: Welcher nicht wie-
derschalt / da er gescholten ward / nicht drä-
wet / da er leidet / er stellet es aber dem heim-
der da recht richtet / welcher vnser sünde
selbst geopffert hat an seinem leibe auff dem
C v holz /

holz / auff daß wir der sünde abgestorben /
der gerechtigkeit leben / durch welches wun-
den ihr seht heil worden. Dann ihr waret
wie die irrende schafe / aber ihr seht nun be-
lehret zu dem Hirten vnd Bischoff ewere
seelen.

Evangelium am andern Sontag
nach Ostern / Johan x. Capit.

Ich bin ein guter Hirt: Ein guter Hirt
lässet sein leben für die Schafe. Ein
Miedling aber / der nicht Hirte ist / deß die
schafe nit eigen sind / siehet den wolff kom-
men / vnd verlässet die schafe / vnd fleucht /
vnd der wolff erhaschet vnd zerstreuet die
schafe: Der Miedling aber fleucht: dann
er ist ein Miedling vnd achtet der schafe
nicht. Ich bin ein guter Hirt / vnd erken-
ne die meinen / vnd bin bekand den meinen.
Wie mich mein Vatter kennet / vnd ich
kenne den Vatter / vnd ich lasse mein leben
für die schafe. Vnd ich habe noch andere
schafe / die seind nicht auß diesem stall / vnd
dieselbig muß ich herführen / vnd sie wer-
den meine stimme hören / vnd wird ein her-
de vnd ein Hirt werden.

Am

Am dritten Sontag nach Ostern/
Jubilate / Lection auß der ersten Epi-
stel Petri am ij. Capittel.

Geben Brüder / ich ermahne euch / als
die fremdlingen vnd bilgerin / enthaltet
euch von fleischlichen lüsten / welche wie-
der die seelen streiten / vnd führet einen gu-
ten wandel vnter den Heyden / auff daß
die / so von euch affterreden als von übel-
thätern ewre gute werck sehen / vnd **G**ott
preisen / wanns nun an tag kommen wird.
Seyt vnterthan aller menschlichen ord-
nung / vmb des **H**ERREN willen / es sey
dem König / als dem Obersten / oder den
Hauptleuten / als den gesandten von ihm
zur rache über die übelthäter / vnd zu lobe
den frommen. Dann das ist der wille
Gottes / daß ihr mit wolthun verstopffet
die vnwissenheit der thörichten menschen /
als die freyen / vnd nicht / als hettet ihr die
freyheit zum deckel der bößheit / sondern
als die knechte **G**ottes. Thut ehre jeder-
man. Habt die Brüder lieb. Fürchtet
Gott. Ehret den König.

Evangelium am dritten Sontag nach
Ostern / Jubilate / Johan. am xvj. Cap.

E vj

IESUS

Jesus sprach zu seinen Jüngern: Über
ein kleines so werdet ihr mich nicht se-
hen / vnd aber über ein kleines so werdet ihr
mich sehen: Dann ich gehe zum Vatter.
Da sprachen etliche vnter seinen Jüngern
untereinander: Was ist das / das er sagt
zu vns: Über ein kleines / so werdet ihr
mich nicht sehen. Vnd aber über ein klei-
nes so werdet ihr mich sehen / vnd daß ich
zum Vatter gehe? Da sprachen sie: Was
ist das / das er saget / über ein kleines: Wir
wissen nicht was er redet.

Da mercket Jesus / daß sie ihn fragen
wolten / vnd sprach zu ihnen. Davon fra-
get ihr untereinander / daß ich gesagt ha-
be: Über ein kleines so werdet ihr mich
nicht sehen: Vnd aber über ein kleines so
werdet ihr mich sehen. Warlich / warlich /
ich sage euch / ihr werdet weinen vnd heu-
len / aber die welt wird sich freuen / ihr aber
werdet trawrig seyn: Doch ewer trawrig-
keit sol in frewd verkehret werden.

Ein Weib wann sie gebiert / so hat sie
trawrigkeit: Dan ihre stunde ist kommen:
Wann sie aber das Kind gebohren hat /
denckt sie nicht mehr an die angst / vnd der
freude willen / daß der mensch zur welt ge-
bohren

Bohren ist. Vnd ihr habt auch nun trawo-
rtigkeit / aber ich wil euch wider sehen / vnd
euer Hertz sol sich freuen / vnd euer freude
sol niemand von euch nehmen. Vnd an
demselbigen tage werdet ihr mich nichts
fragen.

Am vierdten Sonntag nach Ostern/
Euanate/ Lektion Jacobi am j. Capit.

Wret nicht / lieben Brüder / alle gute
Gaben / vnd alle vollkommene Gaben/
kommen von oben herab / von dem Vater
des Lichts / bey welchem ist kein verände-
rung noch wechsel des Lichts vnd finstero-
niß. Er hat vns gezeuget nach seinem wil-
len / durch das wort der warheit / auff daß
wir weren erstlingen seiner Creaturen.

Darumb / lieben Brüder / ein jeglicher
mensch sey schnell zu hören / langsam aber
zu reden / vnd langsam zum zorn : Dann
des menschen zorn thut nicht was für Gott
recht ist. Darumb so leget ab alle vnsau-
berkeit / vnd alle bößheit / vnd nehmet das
wort an mit sanfftmuht / daß in euch ge-
pflanzet ist / welches kan euer Seele selig
machen.

Evangelium am vierdten Sontag
nach Ostern/ Cantate/ Joh. am xvj. Cap.

Nun aber gehe ich hin zu dem / der mich
gesandt hat / vnd niemand vnter euch
fragt mich / wo gehestu hin? Sondern die
weil ich solches zu euch gered hab / ist ewer
herz voll trawrens worden. Aber ich sage
euch die warheit: Es ist euch gut das ich
hingehe. Dann so ich nicht hingehet / so
komt der Tröster nicht zu euch: So ich aber
hingehet wil ich ihn zu euch senden. Vnd
wann derselbige komt / der wird die Welt
straffen vmb die sünde / vnd vmb die ge-
rechtigkeit / vnd vmb das gericht. Vmb
die sünde / das si nicht glauben an mich:
Vmb die gerechtigkeit aber / das ich zum
Vatter gehe / vnd ihr mich fort nicht sehet:
Vmb das gericht / das der Fürst dieser
Welt gerichtet ist.

Ich habe euch noch viel zu sagen / aber
ihr könts jetz nicht tragen. Wann aber je-
ner der Geist der warheit kommen wird /
der wird euch in alle warheit leiden. Dann
er wird nicht von ihm selber reden: sondern
was er hören wird / das wird er reden / vnd
was zukünftig ist / wird er euch verkündi-
gen. Derselbige wird mich verklären / dan
von

von dem meinen wird es nehmen vnd euch verkündigen. Alles was der Vatter hat / das ist mein : Darumb hab ich gesagt / er wird es von den meinen nehmen / vnd euch verkündigen.

Am fünfften Sontag nach Ostern /
Vocem Iucunditatis / Lektion auß

S. Jacobs Epistel am j. Capit.

Seyt aber thäter des worts / vnd nicht hörere allein / damit ihr euch selbst betrieget. Dann so jemand ist ein hörere des worts / vnd nicht ein thäter / der ist gleich einem Mann / der sein leiblich angesicht in spiegel beschawet. Dann nach dem er sich beschawet hat / gehet er von stund an davon / vnd vergisset / wie er gestalt war : Wer aber durchschawet in das vollkommen geseß der freyheit / vnd drinnen beharret / vnd ist nicht ein vergesslicher zuhörer / sondern ein thäter / derselbige wird selig seyn in seiner that. So aber sich jemand vnter euch lässet düncken / er diene G^ott / vnd helt seine zunge nicht im zaum / sondern verführet sein hertz / des Gottesdienst ist eitel. Ein reiner vnd unbesleckter Gottesdienst für G^ott dem Vatter / ist der / die Waisen vnd Witwen in ihrem trübsal besuchen /

besuchen / vnd / sich von der Welt vnbesfleckt
behalten.

Evangelium am / fünfften Sonntag
nach Ostern / Vocem iucunditatis /
Johan am xvj Capittel.

Warlich / warlich / ich sage euch : So
ihr den Vatter etwas bitten werdet in
meinem nahmen / so wird ers euch geben.
Bisher habt ihr nichts gebeten in meinem
nahmen : Bittet / so werdet ihr nehmen /
daß ewere freude vollkommen sey.

Solches hab ich zu euch durch sprich-
wort geredt / es kome aber die zeit / daß ich
nicht mehr durch sprichwort mit euch reden
werde / sondern euch frey heraus verkündi-
gen von meinem Vatter. An demselben
tag werdet ihr bitten in meinem nahmen :
Vnd ich sage euch nicht / daß ich den Vate-
ter für euch bitten wil : Dann er selbst der
Vatter hat euch lieb / darumb daß ihr mich
liebet / vnd glaubet / daß ich von Gott
außgegangen bin. Ich bin vom Vatter
außgegangen / vnd kommen in die welt /
wiederumb verlasse ich die welt / vnd gehe
zum Vatter.

Sprechen zu ihm seine Jünger : Sie-
he / nun redest du frey heraus / vnd sagest
kein

kein sprichwort : Nun wissen wir / daß du
alle ding weissest / vnd bedarffest nicht / daß
dich jemand frage : Daruob glauben wir /
daß du von Gott außgegangen bist.

Am Tage der Himmelfahrt Christi/
Lection auß der Apostel Geschicht/
am ersten Capittel.

Die erste Rede hab ich zwar gethan / lie-
ber Theophile / von allem dem / das
Jesus anfieng / beyde zu thun vnd zu leho-
ren / bis an den tag / da er auffgenommen
ward / nachdem er den Aposteln (welche er
hatte erwehlet) durch den Heiligen Geist
befehl gethan hatte / welchen er sich nach
seinem leiden lebendig erzeiget hatte / durch
mancherley erweisung / vnd ließ sich sehen
vnter ihnen vierzig tage lang / vnd redet
mit ihnen vom reich Gottes.

Vnd als er sie versamlet hatte / befahl
er ihnen / daß sie nicht von Jerusalem wi-
chen / sondern warteten auff die verheiß-
ung des Vatters / welche ihr habt gehört
(sprach er) von mir : Dann Johannes
hat mit wasser getaufft / ihr aber solt mit
dem heiligen Geist getaufft werden / nicht
lang nach diesen tagen. Die aber / so zu-
sammen kommen waren / fragten ihn vnd
sprach

sprachen : HERR / wirstu auff diese zeit
wieder auffrichten das Reich Israel ? Er
sprach aber zu ihnen : Es gebürt euch nicht
zu wissen zeit oder stunde / welche der Vat-
ter seiner macht vorbehalten hat : Son-
dern ihr werdet die Krafft des heiligen Gei-
stes empfangen / welcher auff euch kommen
wird / vnd werdet meine Zeugen seyn zu
Jerusalem / vnd in ganz Judea vnd Sa-
maria vnd bis an das ende der erden.

Vnd da er solches gesaget / ward er
auffgehoben zusehens / vnd eine Wolck
nam ihn auff für ihren augen weg. Vnd
als sie ihm nach sahen gen Himmel fah-
ren / siehe / da stunden bey ihnen zween
Männer in weissen kleidern / welche auch
sagten : Ihr Männer von Galilea / was
stehet ihr vnd sehet gen Himmel ? Dieser
Jesus / welcher von euch ist auffgenom-
men / gen Himmel / wird also kommen / wie
ihr ihn gesehen habt gen Himmel fahren.

**Evangelium am Tage der Himmel-
fahrt Christi / Marci am letzten Capitel.**

Wlezt / da die eilffte zu tische saßen / of-
fenbahret sich der HERR / vnd schalt ih-
ren vnglauben / vnd ihres Herzen hertigo-
keit / daß sie nicht glaubt hatten denen / die
ihn

ihn gesehen hatten auferstanden. Und sprach zu ihnen: Gehet hin in alle Welt vnd prediget das Evangelium allen Creaturen: Wer da glaubt vnd getaufft wird / der wird selig werden: Wer aber nit glaubet / der wird verdammet werden. Die zeichen aber die da folgen werden denen die da glauben / seynd die: In meinem nahmen werden sie Teuffel austreiben / mit newen zungen reden / Schlangen vertreiben. Vnd so sie etwas tödliches trincken / wirds ihnen nichts schaden. Auff die Krancken werden sie die hände legen / so wirds besser mit ihnen werden.

Vnd der HERR / nachdem er mit ihnen geredt hatte / ward er auffgehoben gen Himmel / vnd sitzet zur rechten hand Gottes. Sie aber giengen auß vnd predigten an allen orten. Vnd der HERR wircket mit ihnen / vnd bekräftiget das wort durch mitfolgende zeichen.

Am sechsten Sonntag nach Ostern /
Exaudi / Lektion auß S. Peters
ersten Epistel am iiii. Capite.

SD seye nun mässig vnd nüchtern zum gebett. Vor allen dingen aber habet vntereinander eine brünstige liebe. Dann
die

die liebe decket auch der Sünden menge.
Seyt gastfrey vntereinander / ohn mur-
meln / vnd dienet einander / ein jeglicher
mit der gabe / die er empfangen hat / als die
guten Haushalter der mancherley gnaden
Gottes. So jemand redet / daß ers rede
als Gottes wort. So jemand ein ampt
hat / daß ers thu als auß dem vermögen /
daß Gott darreichet / auff daß in allen din-
gen Gott gepreiset werde durch Jesum
Christ / welchem sey ehre vnd gewalt von
ewigkeit zu ewigkeit / Amen.

Evangeliu[m] am sechsten Sontagnach

Ostern / Praedi / Joh. am xv. vnd xvj. Cap.

Wann aber der Tröster kommen wird /
welchen ich euch senden werde vom
Vatter / der Geist der warheit / der vom
Vatter außgehet / der wird zeugen von
mir. Vnd ihr werdet auch zeugen. Dann
ihr seht von anfang bey mir gewesen.

Solches habe ich zu euch geredet / daß
ihr euch nicht ärgert. Sie werden euch in
den Bann thun. Es kommet aber die zeit /
daß / wer euch tödtet / wird meinen / er thue
Gott einen dienst daran. Vnd solches
werden sie euch darumb thun / daß sie we-
der meinen Vatter / noch mich erkennen.

Aber

Aber solches habe ich zu euch geredt / auff
daß / wann die zeit kommen wird / daß ihr
dran gedencet / daß ichs euch gesagt habe.
Solches aber habe ich euch von anfang
nicht gesagt / dann ich war bey euch.

Am Pfingstag / Lection auß der

Apotel Geschichte am ij. Capittel.

Und als der tag der Pfingsten erfüllet
ward / waren sie alle einmühtig bey ein-
ander. Und es geschach schnell ein brau-
sen vom Himmel / als eines gewaltigen
windes / vnd erfüllet das ganze hauß / da
sie saßen. Und man sahe an ihnen die
zungen zertheilet / als weren sie fewrig.
Und er sagte sich auff einen jeglichen vn-
ter ihnen / vnd wurden alle voll des heiligen
Geistes / vnd fiengen an zu predigen mit
andern zungen / nach dem der Geist ihnen
gab außzusprechen.

Es waren aber Juden zu Jerusalem
wohnend / die waren gottesfürchtige Män-
ner / auß allerley Volck das vnter dem
Himmel ist. Da nun diese stimme gescha-
he / kam die menge zusammen / vnd wurden
verfürket : Dann es höret ein jeglicher /
daß sie mit seiner sprach redeten. Sie ent-
sazten sich aber alle / verwunderten sich /
vnd

vnd sprachen vntereinander: Siehe / sind
nicht diese alle / die da reden / auß Galilea?
Wie hören wir dann ein jeglicher seine
sprach / darin wir geböhren sind? Parther
vnd Meder / vnd Elamiter / vnd die wir
wohnen in Mesopotamia / vnd in Judea /
vnd in Cappadocia / Ponto vnd Asia /
Phrigia vnd Pamphilia / Egypten / vnd
an den enden der Lybien bey Cyrenen / vnd
außländer von Rom / Juden vnd Juden
genossen / Creter vnd Araber / wir hören
sie mit vnsern zungen die grossen thaten
Gottes reden. Sie entsazten sich alle vnd
wurden irre / vnd sprachen einer zu dem
andern: Was wil das werden? Die an-
dern aber hattens ihren spott / vnd spra-
chen: Sie sind voll süßes weins.

Evangelium am Pfingsttage / Jo-
han. am xiiij. Capittel.

Wer mich liebet / der wird mein wort
halten / vnd mein Vatter wird ihn
lieben / vnd wir werden zu ihm kommen
vnd wohnung bey ihm machen. Wer
aber mich nicht liebet / der hält mein wort
nicht. Vnd das wort / das ihr höret / ist
nicht mein / sondern des Vatters / der mich
gesandt hat.

Solo

Solches hab ich zu euch geredet / weil
ich bey euch gewesen bin : Aber der Trö-
ster / der heilige Geist / welchen mein Vatter
senden wird in meinem namen / dersel-
bige wirds euch alles lehren / vnd euch erin-
nern alles des / das ich euch gesagt habe.

Den frieden lasse ich euch / meinen frie-
den gebe ich euch. Nicht gebe ich euch wie
die welt gibt. Ewer herz erschrecke nicht
vnd fürchte sich nicht. Ihr habt gehört /
daß ich euch gesagt habe : Ich gehe hin
vnd komme wieder zu euch. Hattet ihr mich
lieb / so würdet ihr euch freuen / daß ich ge-
sagt habe : Ich gehe hin zum Vatter :
Dann der Vatter ist grösser dann ich.
Vnd nun habe ichs euch gesagt / ehe dann
es geschicht / auff daß / wann es nun ge-
schehen wird / daß ihrs glaubet.

Ich werde fort nicht viel mehr mit euch
reden : Dan es komt der Fürst dieser welt /
vnd hat nichts an mir. Aber auff daß die
welt erkenne / daß ich den Vatter liebe /
vnd ich also thu / wie mir der Vatter ge-
botten hat.

Am Sonntag Trinitatis / Lection auß
S Paul. zum Rom. am xj. Capittel.

Dwelch

Welch ein tieffe des reichthums beyde
Der weißheit / vnd erkännuß Gottes!
Wie gar unbegreiflich seind seine gerich-
te / vnd vnerforschlich seine wege! Dann
wer hat des Herren sinn erkant? Oder
wer ist sein Rathgeber gewesen? Oder wer
hat ihm etwas zuvor gegeben / daß ihm
werd wieder vergolten? Dann von ihm/
vnd durch ihn / vnd in ihm seind alle ding/
ihm sey ehre in ewigkeit / Amen.

Evangelium am Sonntag Trinitatis/
Johan. am iij. Capittel.

Es war ein Mensch vnter den Phari-
seern / mitnahmen Nicodemus / ein
Oberster vnter den Juden. Der kam zu
Jesus bey der nacht / vnd sprach zu ihm:
Meister / wir wissen / daß du bist ein lehrer
von Gott kommen: Dann niemand kan
die zeichen thun / die du thust / es sey dann
Gott mit ihm. Jesus antwortet vnd
sprach zu ihm: Warlich / warlich ich sage
dir: Es sey dann daß jemand von newen
gebohren werde / kan er das reich Gottes
nicht sehen. Nicodemus spricht zu ihm:
Wie kan ein mensch gebohren werden/
wann er alt ist? Kan er auch wieder in sei-
ner mütter leib gehen / vnd gebohren wer-
den:

den. **J**esus antwortet: Warlich / war-
lich ich sage dir. Es sey dann das jemand
gebohren werde auß dem wasser vnd geist/
so kan er nicht in das Reich Gottes kom-
men. Was vom fleisch gebohren wird/
das ist fleisch / vnd was vom Geist gebo-
ren wird / das ist Geist. Laß dichs nicht
wundern / daß ich dir gesagt habe: Ihr
müßet von newem gebohren werden: Der
wind bläset wo er wil / vnd du hörest sein
saussen wol / aber du weißt nicht von wano-
nen er kome / vnd wohin er fährt: Also ist
ein jeglicher / der auß dem Geist geboren ist.

Nicodemus antwortet / vnd sprach zu
ihm: Wie mag solches zugehen? **J**esus
antwortet / vnd sprach zu ihm: Bistu ein
Meister in **I**srael vnd weißest das nicht?
Warlich / warlich ich sage dir: Wir re-
den das wir wissen / vnd zeugen das wir ge-
sehen haben / vnd ihr nemet vnser zeugnüß
nicht an. Glaubet ihr nicht / wann ich euch
von irrdischen dingen sage / wie würdet ihr
dann glauben / wann ich euch von Himm-
lischen dingen sagen würde: Vnd nie-
mand fährt gen Himmel / dann der vom
Himmel hernieder kommen ist / nemlich
des menschen Sohn / der im Himmel ist.

D

Vnd

Vnd wie Moses in der wüsten eine schlang
erhöhet hat : Also muß des Menschen
Sohn erhöhet werden : Auff daß alle die
an ihn glauben / nicht verlohren werden /
sondern das ewige leben haben.

Am ersten Sonntag nach Trinitatis /
Lectio auß der ersten Epistel Jo.
han. am iij. Capittel.

Gott ist die Liebe / vnd wer in der Liebe
bleibet / der bleibet in Gott / vnd
Gott in ihm. Daran ist die Liebe völlig
bey vns / auff daß wir eine freudigkeit ha-
ben am tage des Gerichts : Dann gleich
wie er ist / so seynd auch wir in dieser welt.
Furcht ist nicht in der Liebe / sondern die
völlige Liebe treibet die Furcht auß. Dann
die Furcht hat pein. Wer sich aber fürch-
tet / der ist nicht völlig in der Liebe. Lasset
vns ihn lieben / dann er hat vns erst gelie-
bet. So jemand spricht: Ich liebe Gott /
vnd hasset seinen bruder / der ist ein Lügner.
Dann wer seinen bruder nicht liebet / den
er sihet / wie kan er Gott lieben / den er
nicht sihet? Vnd diß gebott haben wir von
ihm / daß / wer Gott liebet / daß er auch
einen bruder liebe.

Evans

Evangelium am ersten Sonntag nach
Trinitatis / Luc. am xvj. Capite.

Es war ein reicher Mann / der kleidete
sich mit Purpur vnd köstlichem Lein-
wade / vnd lebet alle tage herzlich / vnd in
frewden. Es war aber ein armer / mit na-
men Lazarus / der lag für seiner thür voller
schweren / vnd begerte sich zu sättigen von
den brosamten / die von des Reichen tisch
fielen. Doch kamen die hunde / vnd leck-
ten ihm seine schweren. Es begab sich aber
daß der Arme starb / vnd ward getragen
von den Engeln in Abrahams schoß :
Der Reiche aber starb auch / vnd ward
begraben.

Als er nun in der Hölle / vnd in der qual
war / hub er seine augen auff / vnd sahe
Abraham von ferne / vnd Lazarum in sei-
nen schoß / rieß vnd sprach : Vater Abra-
ham / erbarme dich mein / vnd sende Laza-
rum / daß er das eusserste seines fingers
ins wasser tauche / vnd küle meine zunge /
dañ ich leide pein in dieser flammen. Abra-
ham aber sprach : Bedencke Sohn / daß
du dein gutes empfangen hast in deinem le-
ben / vnd Lazarus dagegen hat böses em-
pfangen. Nun aber wird er getröstet / vnd

Du wirst gepeiniget. Vnd über das alles
ist zwischen vns vñ euch ein grosse flufft be-
festiget / daß / die da wolten von hinnen hin-
abfahren zu euch / können nicht / vnd auch
nicht von dannen zu vns herüber fahren.

Da sprach er : So bitte ich dich Vate-
ter / daß du ihn sendest in meines Vatters
haus : Dann ich habe noch fünff Brüder /
daß er inen bezeuge / auff daß sie nicht auch
kommen an diesen ort der qual. Abraham
sprach zu ihm : Sie haben Mosen vnd die
Propheeten / laß sie dieselbe hören. Er aber
sprach : Mein Vatter Abraham / sondern
wann einer von den todten zu ihnen gieng
ge / so würden sie busse thun. Er sprach zu
ihm : Hören sie Mosen vnd die Propheeten
nicht / so werden sie auch nicht glauben / ob
semand von den todten auffstünde.

Am andern Sonntag nach Trinitatis /
Leccion auß der j. Johan. am iij. Cap.

VErwundert euch nicht / meine brüder /
ob euch die welt hasset. Wir wissen /
daß wir auß dem todt in das leben kommen
sind / dann wir lieben die brüder. Wer den
bruder nicht liebet / der bleibet im todte.
Wer seinen bruder hasset / der ist ein todt-
schläger. Vnd ihr wisset das ein todtschlä-
ger

ger hat nicht das ewige leben bey ihm blei-
bendt. Daran haben wir erkant die lie-
be / daß er sein leben für vns gelassen hat :
Vnd wir sollen auch das leben für die brü-
der lassen. Wann aber jemand dieser welt
güter hat / vnd siehet seinen bruder darben /
vnd schleußt sein herz vor ihm zu / wie blei-
bet die liebe Gottes bey ihm? Meine kind-
lein / laßet vns nicht lieben mit worten /
noch mit der zungen / sondern mit der that /
vnd mit der warheit.

Evangelium am andern Sontagnach

Trinitatis / Luc. am xiiij. Capittel.

Es war ein Mensch / der machte ein groß
abendmahl / vnd lud viel darzu. Vnd
sandte seine Knechte auß zur stunde des
abendmahls / zu sagen den geladenen :
Kommet / dann es ist alles bereit. Vnd
sie fiengen an alle nacheinander sich zu ent-
schuldigen. Der erste sprach zu ihm : Ich
habe ein acker gekaufft / vnd muß hinaus-
gehen / vnd ihn besehen / ich bitte dich ent-
schuldige mich. Vnd der ander sprach :
Ich habe fünff joch Ochsen gekaufft / vnd
ich gehe jetzt hin sie zu besehen / ich bitte dich
entschuldige mich. Vnd der dritte sprach :
Ich hab ein Weib genommen / darumb

Kan ich nicht kommen. Vnd der Knecht
kam vnd saget das seinem Herren wider.
Da ward der Hausherr zornig / vnd sprach
zu seinem Knechte : Gehe auß bald auff
die strassen vnd gassen der Stadt / vnd füh-
re die armen / vnd krüppel / vnd lammen /
vnd blinden herein. Vnd der Knecht
sprach : Herr / es ist geschehen / was du
befohlen hast / es ist aber noch raum da.
Vnd der Herr sprach zu dem Knechte :
Gehe auß auff die landstrassen / vnd an
die zäune / vnd nötige sie herein zu kom-
men / auff das mein Haus voll werde.
Ich sage euch aber / das der männer ket-
ner die geladen seyn / mein Abendmahl
schmecken wird.

Am dritten Sonntag nach Trinitas
is / Lection auß der i. Epistel Petri
am v. Capittel.

Haltet fest an der demuth / dann GOTT
widerstehet den Hoffertigen / aber den
demütigen gibt er gnade. So demütiget
euch nun vnter die gewaltige hand GOTT-
es / das er euch erhöhe zu seiner zeit. Alle
ewre sorge werffet auff ihm : Dann er sor-
get für euch.

Sehe

Seht nüchtern vnd wachet. Dann
erwer widersacher / der Teuffel / gehet vmb
her / wie ein brüllender Löwe / vnd suchet /
welchen er verschlinge / dem widerstehet
fest im glauben. Vnd wisset / daß eben
dieselbige leiden über ewere brüder in der
welt gehen. Der Gott aber aller gnaden /
der vns beruffen hat zu seiner ewigen herzo
ligkeit / in Christo Jesu / derselbige wird
euch / die ihr ein kleine zeit leidet / wollberei
ten / stärken / kräftigen / gründen. Dem
selbigen sey ehre vnd macht von ewigkeit /
zu ewigkeit / Amen.

Evangelium am dritten Sontagnach
Trinitatis / Luc amro. Capitel

Es naheten aber zu ihm allerley Zöllner
vnd sündler / daß sie ihn höreren. Vnd
die Phariseer vnd Schriftgelehrten mur
reten vnd sprachen : Dieser nimmet die
sündler an / vnd isset mit ihnen.

Er saget aber zu ihnen diß Gleichniß /
vnd sprach : Welcher Mensch ist vnter
euch der hundert schafe hat / vnd so er der
eines verleuret / der nicht lasse die neun vnd
neunzig in der wüsten / vnd hingehe nach
dem verlohrnen / biß daß ers finde ? Vnd
wann ers funden hat / so leget ers auff seine

D iiii

achseln

achseln mit freuden. Vnd wann er heim
kommet / rufft er seinen freunden vnd nach-
barn / vnd spricht zu ihnen : Freuet euch
mit mir / dann ich habe mein schaff funden /
das verlohren war. Ich sage euch / also
wird auch freude im himmel seyn / über ei-
nen Sünder der busse thut / für neun vnd
neunzig gerechten / die der busse nicht be-
dürffen. Oder welch weib ist / die zehen
Groschen hat / so sie der einen verleuret /
die nicht ein liecht anzünde / vnd kehre das
haus / vnd suche mit fleiß / biß daß sie ihn
finde? Vnd wann sie ihn funden hat / ruf-
fet sie ihren freundinnen vnd nachbarin-
nen / vnd spricht : Freuet euch mit mir /
dann ich hab meinen groschen funden / den
ich verlohren hatte. Also auch / sage ich
euch / wird freude seyn für den Engeln
Gottes / über einen sündler der busse thut.

Am vierdten Sontag nach Trinita-
tis / Lektion auß S. Paulo zum
Rom. am viij. Capittel.

Ich halte es dafür / daß dieser zeit lei-
den der herligkeit nicht werth sey / die
an vns soll offenbahret werden. Dann
das ängstliche harren der Creatur wartet
auff die offenbahrung der kinder Gottes.
Sincro

Sineemahl die Creatur vnterworffen ist
der eitelkeit / ohn ihren willen / sondern vmb
des willen / der sie vnterworffen hat auff
hoffnung. Dann auch die Creatur frey
werden wird von dem dienst des vergängo-
lichen wesens / zu der herzlichen freyheit der
kinder Gottes. Dann wir wissen / daß
alle Creatur sehnet sich mit vns / vnd äng-
stet sich noch jaimerdar. Nicht allein aber
sie / sondern auch wir selbst / die wir haben
des Geistes erstlinge / sehnen vns auch bey
vns selbst nach der kindschafft / vnd warten
auff vnser leibs erlösung.

Evangelium am vierdten Sonntag
nach Trinitatis / Luce am vj. Capit.

Darumb seye barmherzig / wie auch
ewer Vatter barmherzig ist. Nichtes
nicht / so werdet ihr auch nicht gerichtet :
Verdammet nicht / so werdet ihr auch
nicht verdammet : Vergeben / so wird euch
auch vergeben : Gebet / so wird euch gege-
ben. Ein volle / getruckte / gerüttelte / vnd
überflüssige maß wird man in ewren schoß
geben : Dañ eben mit der maß / da ihr mit
misset / wird man euch wiederum messen.

Vnd er sagte inen ein gleichnuß : Mag
auch ein blinder einem blinden den weg
weisen?

D v

weisen?

weisen? Werden sie nicht alle beyde in die
grube fallen? Der Jünger ist nicht über
sein Meister / wann der Jünger ist wie sein
Meister / so ist er vollkommen. Was sie
hestu aber einen splitter in deines bruders
aug / vnd des balcken in deinem aug wirstu
nicht gewar? Oder / wie kanst du sagen in
deinem bruder / halt still bruder / ich wil
den splitter auß deinem auge ziehen / vnd
du siehest selbst nicht den balcken in deinem
auge? Du Heuchler / zeuch zuvor den bal-
cken auß deinem auge / vnd besiehe dann /
daß du den splitter auß deines bruders au-
ge ziehest.

Am fünfften Sontag nach Trinitas
tis / Lection auß der ersten Epistel
Petri am iij. Capittel.

Seyt allesampt gleich gesinnet / mitlei-
dig / brüderlich / barmhertzig / freund-
lich. Vergeltet nicht böses mit bösem / oder
scheltwort mit scheltwort / sondern dage-
gen segnet / vnd wisset / daß ihr dazu berufo-
fen seyt / daß ihr den segen ererbet. Dann
wer leben wil vnd gute tage sehen / der
schweige seine zunge / daß sie nicht böses
rede / vnd seine Lippen / daß sie nicht trier-
gen.

gen. Er wende sich vom bösen / vnd thu
gutes / er suche fried vnd jage ihm nach.
Dann die augen des H Erren sehen auff
die gerechten / vnd seine ohren auff ihr ge-
bett. Das angesicht aber des H Erren si-
het auff die da böses thun. Vnd wer ist
der / der euch schaden könne / so ihr dem gu-
ten nachkommet? Vnd ob ihr auch leidet
vmb gerechtigkeit willen / so seyt ihr doch
selig. Fürchtet euch aber vor ihrem trogen
nicht / vnd erschrecket nicht / heiliget aber
Gott den H Erren in eweren herten.

Evangelium am fünfften Sonntag
nach Trinitatis / Luce am v Capit.

Es begab sich aber / daß sich das volck
zu ihm drang / zu hören das wort Gots
tes / vnd er stund am See Genesareth / vnd
sah zwey schiff am See stehen. Die Fi-
scher aber waren außgetreten / vnd wu-
schen ihre netze: Trat er in der schiff eines /
welches Simonis war / vnd bat ihn / daß
ers ein wenig vom lande führet. Vnd
er sagte sich / vnd lehret das volck auß
dem schiff.

Vnd als er hatte außgehört zu reden /
sprach er zu Simon: Fahre auff die höhe /
vnd werffet ewre netze auß / daß ihr einen

ring thut. Und Simon antwortet vnd
sprach zu ihm : Meister / wir haben die
ganze nacht gearbeitet / vnd nichts gefan-
gen. Aber auff dein wort wil ich das netz
aufwerffen. Und da sie das thaten / be-
schlossen sie eine grosse menge fische / vnd
ihr netz zerreis. Und sie winckten ihren
gesellen / die im andern schiff waren / das
sie kämen vnd hülffen ihnen ziehen / vnd sie
kamen vnd fülleten beyde schiff voll / also /
das sie suncken.

Da das Simon Petrus sahe / fiel er
Jesu zu den knien / vnd sprach : Herr
gehe von mir hinauß / Ich bin ein sündi-
ger Mensch. Dann es war ihn ein schrea-
cken ankommen / vnd alle die mit ihm wa-
ren / über diesem fischzug / den sie mit ein-
ander gethan hatten. Desselben gleichen
auch Jacobum vnd Johannem / die Söh-
ne Zebedei / Simonis gesellen. Und Je-
sus sprach zu Simon / fürchte dich nicht /
dann von nun an wirstu menschen fahen.
Und sie führeten die schiff zu lande / vnd
verliessen alles vnd folgeten ihm nach.

Am sechsten Sonntag nach Trinitas
is / Lection auß S. Paul. zum Röm.

am vj. Capittel

Wisse

Wisset ihr nicht / daß alle / die wir in
Jesu Christum getaufft sind / die
sind in seinen todt getaufft? So sind wir
je mit ihm begraben durch die tauffe in den
todt: Auff daß / gleich wie Christus ist
aufferweckt von den todten / durch die herzo-
ligkeit des Vatters / also sollen wir auch
in einem neuen leben wandeln. So wir
aber sampt ihm gepflanzt werden / zu glei-
chem todte / so werden wir auch der auffer-
stehung gleich seyn. Dieweil wir wissen /
daß vnser alter mensch sampt ihm gecreu-
niget ist / auff daß der sündliche leib auff-
höre / daß wir hinfort der sünden nicht die-
nen. Dann wer gestorben ist / der ist ge-
rechtfertiget von der Sünde. Seynd wir
aber mit Christo gestorben / so glauben wir /
daß wir auch mit ihm leben werden. Vnd
wissen daß Christus von den todten erwe-
cket / hinfort nicht stirbet / der todt wird hin-
fort über ihn nicht herschen: Dann daß er
gestorben ist / daß ist er der sünde gestorben /
in einem mal: Daß er aber lebet / das le-
bet er Gott. Also auch ihr / haltet euch
dafür / daß ihr der sünd gestorben seyt / vnd
lebet **GOTT** in Christo **JESU** vnserm
Herrn.

Evangelium am sechsten Sonntag
nach Trinitatis / Matth. am v. Capite.

Dann ich sage euch / es sey dann ewer
gerechtigkeit besser dann der Schrifft-
gelehrten vnd Pharisee / so werdet ihr
nicht in das Himmelreich kommen. Ihr
habet gehört / daß zu den alten gesage ist /
du solt nicht tödten / wer aber tödte / der sol
des gerichtes schuldig seyn. Ich aber sage
euch : Wer mit seinem Bruder zürnet /
der ist des gerichtes schuldig. Wer aber zu
seinem Bruder sagt / Racha / der ist des
Raths schuldig. Wer aber sagt / du Narr /
der ist des höllischen feners schuldig. Dar-
umb wann du deine gabe auff den Altar
opfferst / vnd wirst alda eingedenck / daß
dein Bruder etwas wider dich habe : So
laß alda für dem Altar deine gabe / vnd
gehe zuvor hin vnd versöhne dich mit dei-
nem Bruder / vnd alsdann kom vnd opf-
fer deine gabe.

Seu wilfertig deinem widersacher
bald / dieweil du noch bey ihm auff dem we-
ge bist / auff daß dich der widersacher nicht
dermahl eins überantworte dem Richter /
vnd der Richter überantworte dich dem die-
ner / vnd werdest in den Kercker geworffen ;

Ich

Ich sage dir warlich / du wirst nicht von
dannen heraus kommen / bis du auch den
letzten heller bezahlest.

Am siebenden Sonntag nach Trinitatis /
Lectio auß S. Paul. zum Röm.
am vij. Capitel.

Ich muß menschlich davon reden / umb
Ider schwachheit willen ewres fleisches.
Gleich wie ihr ewre glieder begeben habt zu
dienste der unreinigkeit / vnd von einer vn-
gerechtigkeit zu der andern : Also begeben
auch nun ewre glieder zu dienste der gerech-
tigkeit / daß sie heilig werden. Dann da
ihr der Sünde knechte waret / da waret ihr
frey von der gerechtigkeit. Was hattet ihr
nun zu der zeit für frucht ? Welches ihr
euch jetzt schämet. Dann das ende dersel-
bigen ist der todt. Nun ihr aber seyt von
der sünden frey / vnd Gottes knechte wor-
den / habt ihr ewere frucht / daß ihr heilig
werdet / das ende aber das ewige Leben.
Dann der todt ist der sünden sold : Aber die
gabe Gottes ist das ewige leben in Christo
Jesu vnserm H. Erren.

Evangelium am siebenden Sonntag
nach Trinitatis / Marci am viij. Cap.

Zu

Der zeit / da viel volcks da war / vnd
hatten nicht zu essen / rieß JEsus seine
Jünger zu sich / vnd sprach zu ihnen :
Mich jammert des volcks : Dann sie ha-
ben nun drey tage bey mir verharret / vnd
haben nichts zu essen. Vnd wann ich sie
vngessen von mir heim liesse gehen / wurden
sie auff dem wege verschmachten : Dann
etliche waren von ferne kommen. Seine
Jünger antworten ihm : Woher nemen
wir brod hie in der Wüsten / daß wir sie sä-
tigen? Vnd er fragete sie / wieviel habt ihr
Brod? Sie sprachen : Sieben. Vnd er
gebot dem volck / daß sie sich auff die erden
lågerten. Vnd er nam die sieben Brodt /
vnd dancket / vnd brach sie / vnd gab sie sei-
nen Jüngern / daß sie dieselbigen fürleg-
ten. Vnd sie legten dem volcke für. Vnd
hatten ein wenig fischlein / vnd er dancket /
vnd hieß dieselbigen auch fürtragen. Sie
assen aber vnd wurden satt / vnd huben die
übrige brocken auff / sieben körbe. Vnd
ihrer waren bey viertausend die da gessen
hatten. Vnd er ließ sie von sich.

Am achten Sonntag nach Trinitatis /
Lection auß S. Paul. zum Röm.

am viij. Capittel.

Lieben

Lebet Brüder / wir sind nun schuldner /
nicht dem fleisch / daß wir nach dem
fleisch leben : Dañ wo ihr nach dem fleisch
lebet / so werdet ihr sterben müssen / wo ihr
aber durch den Geist des fleisches geschaff-
te tödter / so werdet ihr leben. Dann wel-
che der Geist Gottes treibt / die sind Got-
tes kinder. Dann ihr habt nicht einen
knechtlichen Geist empfangen / daß ihr
euch abermahl fürchten müßet. Sondern
ihr habt einen kindlichen Geist em-
pfangen / durch welchen wir ruffen / Abba /
lieber Vater. Derselbige Geist gibt zeug-
niß vnserem Geiste / daß wir Gottes kin-
der sind. Sind wir dann kinder / so sind
wir auch erben / nemlich / Gottes erben /
vnd miterben Christi / doch daß wir mitlei-
den / auff daß wir auch mit zur herrlichkeit
erhaben werden.

Euangelium am achten Sonntag nach
Trinitatis / Matth. am vij. Capit.

Ghet euch für / für den falschen Pro-
pheten / die in schafskleidern zu euch
kommen / inwendig aber sind sie reißende
wölffe. An ihren fruchten solt ihr sie erken-
nen. Kan man auch Trauben lesen von
den Dörnen? Oder Feigen von den Düs-
keln?

fieln? Also ein jeglicher guter baum bringet gute fruchte: Aber ein fauler baum bringet arge fruchte. Ein guter baum kan nicht arge fruchte bringen / vnd ein fauler baum kan nicht gute fruchte bringen: Ein jeglicher baum der nicht gute fruchte bringet / wird abgehawen vnd ins fiewer geworfen. Darumb an ihren fruchten solt ihr sie erkennen. Es werden nicht alle / die zu mir sagen: HErr / HErr in das Himmelreich kommen / sondern die den Willen thun meines Vatters im Himmel. Es werden viel zu mir sagen an jenem tage: HErr / HErr haben wir nicht in deinem Namen geweissaget? Haben wir nicht in deinem Namen Teuffel außgetrieben? Haben wir nicht in deinem Namen viel thaten gethan? Dann werde ich in ihnen bekennen: Ich habe euch noch nie erkandt / weicher alle von mir ihr übelthäter.

Am neundten Sonntag nach Trinitatis / Lection auß der j. Epistel an die Corinth. am j. Capittel.

Das ist aber vns zum fürbilde geschehen / daß wir vns nicht gelüsten lassen des bösen: Gleich wie jene gelüftet hat. Werdet auch nicht abgöttische / gleich wie jener etliche

etliche wurden / als geschrieben stehet : Das
volck saze sich nider zu essen vnnnd zu trin-
cken / vnd stund auff zu spielen. Auch las-
set vns nicht hurerey treiben / wie etliche
vnter ihnen hurerey trieben / vnd fielen auff
einen tag drey vnd zwanzig tausent. Las-
set vns aber auch Christum nicht versu-
chen / wie etliche von jenen ihn versuchten /
vnnnd wurden von den schlangen vmbge-
bracht. Murret auch nicht / gleich wie je-
ner etliche murreten / vnd wurden vmb-
bracht durch den verderber. Solches al-
les wiederfuhr jenen zum fürbilde / es ist
aber geschrieben vns zur warnung / auff
welche das ende der welt kommen ist. Dar-
umb / wer sich läset düncken / er stehe / mag
wol zusehen daß er nicht falle. Es hat euch
noch keine / dann menschliche versuchung
betreten : Aber Gott ist getrew / der euch
nicht läset versuchen über ewer vermögen :
Sondern machet / daß die versuchung so
ein ende gewinne / daß ihr könt ertragen.

Evangeliu[m] am neundten Sonntag
nach Trinitatis / Luc. am xvj. Capittel.

Es sprach aber auch zu seinen Jüngern :
Es war ein reicher Mann / der hatte ei-
nen Haushalter / der ward für ihm berück-
tigt /

tiget / als hette er ihm seine güter umbbracht.
Vnd er fordert ihn / vnd sprach zu ihm :
Wie höre ich das von dir? Thue rechnung
von deinem haushalten : Denn du kanst
hinfort nicht Haushalter seyn. Der Haus-
halter sprach bey sich selbst : Was sol ich
thun? Mein Herr nimbt das ampt von
mir / graben mag ich nicht / so schäme ich
mich zu betteln. Ich weiß wol was ich thun
wil / wann ich nun von dem ampt gesezet
werde / daß sie mich in ihre häuser nemen.

Vnd er rieß zu sich alle schuldener sei-
nes Herren / vnd sprach zu dem ersten :
Wieviel bistu meinem Herrn schuldig?
Er sprach : Hundert tonnen öls. Vnd
er sprach zu ihm : Nim deinen brieff / setze
dich / vnd schreib flugs funffzig. Darnach
sprach er zu dem andern : Du aber / wie-
viel bistu schuldig? Er sprach : Hundert
malter Weizen. Vnd er sprach zu ihm :
Nim deinen brieff / vnd schreib achzig.
Vnd der Herr lobte den vngerechten haush-
halter / daß er klüglich gethan hatte. Dan
die kinder dieser welt sind klüger / dann die
kinder des liechts in irem geschlecht. Vnd
ich sage euch auch : Machtet euch freunde
mit dem vngerechten Mammon / auff
daß /

daß / wann ihr nun darbet / sie euch auff-
nehmen in die ewige hütten.

Am zehenden Sonntag nach Trinitas
tis / Lection auß der i. Epistel zum
Corinth. am xij Capittel.

In den geistlichen Gaben aber wil ich
euch / lieben Brüder / nicht verhalten.
Ihr wisset / daß ihr Henden seht gewesen /
vnd hingegangen zu den stummen Bözen /
wie ihr geführet wurdet. Darumb thue ich
euch kund / daß niemand Jesum verflu-
chet / der durch den Geist Gottes redet /
vnd niemand kan Jesum einen Herren
heissen / ohn durch den heiligen Geist.

Es sind mancherley Gaben / aber es ist
ein Geist : Vnd es sind mancherley ämp-
ter / aber es ist ein Herr. Vnd es sind
mancherley kräfte / aber es ist ein Gott /
der da wircket alles in allen. In einem
jeglichen erzeigen sich die Gaben des Gei-
stes / zum gemeinem nutz. Einem wird
gegeben durch den Geist zu reden von der
weisheit / dem anderen wird gegeben zu re-
den von der erkännuß / nach demselbigen
Geist / einem andern der glaube in demsel-
bigen Geist / einem andern die gabe gesund
zu machen / in demselbigen Geist / einem
andern

andern wunder zu thun / einem andern
weiffagung / einem andern Geister zu vn-
terscheiden / einem andern mancherley
sprachen / einem andern die sprachen auß-
zulegen. Diß aber alles wircket derselbige
einige Geist / vnd theilet einem jeglichen
seines zu / nach dem er will.

Euangelium am zehenden Sonntag
nach Trinitatis / Luc. am xij. Capittel.

Wid als JEsus nahe hinzu kam / sahe
er die stadt an / vnd weinet über sie / vnd
sprach : Wann du es wüßtest / so würdest
du auch bedencken zu dieser deiner zeit / was
zu deinem Friede dienet. Aber nun ist's für
deinen Augen verborgen. Dann es wird
die zeit über dich kommen / daß deine feinde
werden vmb dich / vnd deine kinder mit dir /
eine wagenburg schlagen / dich belägeren /
vnd an allen orten ängsten / vnd werden
dich schleiffen / vnd keinen stein auff dem
andern lassen : Darumb daß du nicht er-
kennet hast die zeit / darinnen du heimge-
sucht bist.

Vnd er gieng in den Tempel / vnd fieng
an außzutreiben die drinnen verkaufften
vnd kaufften / vnd sprach zu ihnen : Es ste-
het geschrieben : Mein Haus ist ein Bet-
haus /

haus / ihr aber habts gemacht zur mörder
grube. Vnd lehret täglich im Tempel. A
ber die Hohenpriester vnd Schriftgelehr
ten / vnd die fürnemste im volck / trachte
ten ihm nach / daß sie ihn umbrächten / vnd
funden nicht wie sie ihm thun solten: Dañ
alles volck hing ihm an / vnd höret ihn.

Am eilfften Sonntag nach Trinitatis /
Lectio auß der i. Epistel zum Co
rinth am xv Capitel

Ich erinnere euch aber / lieben Brüder /
des Evangelij / das ich euch verkündi
get hab / welches ihr auch angenommen
habt / in welchem ihr auch stehet / durch
welches ihr auch selig werdet: Welcher
gestalt ich es euch verkündiget habe / so ihrs
behalten habt / es were dann daß ihr umb
sonst geglaubt hettet.

Dann ich hab euch zusörderst gegeben /
welches ich auch empfangen hab / daß
Christus gestorben sey für vnser sünde /
nach der schrift / vnd daß er begraben sey /
vnd daß er auferstanden sey am dritten ta
ge / nach der schrift: Vnd daß er gesehen
worden ist von Cephas / darnach von den
zwölffen / darnach ist er gesehen von mehr
dan von fünf hundert Brüdern auff ein
mahl /

mahl / deren noch viel leben / etliche aber
sind entschlaffen. Darnach ist er gesehen
worden von Jacobo / darnach von allen
Aposteln. Am letzten nach allen / ist er auch
von mir als einer vnzeitigen geburt / gese-
hen worden. Dann ich bin der geringeste
vnter den Aposteln / als der ich nicht werth
bin / daß ich ein Apostel heisse / darumb /
daß ich die gemeine Gottes verfolget habe.
Aber von Gottes gnade bin ich / das ich
bin / vnd seine gnade an mir ist nicht ver-
geblich gewesen : Sondern ich habe viel
mehr gearbeitet / dann jemand vnter ihnen
allen : Nicht aber ich / sondern Gottes
gnad die in mir ist.

Evangelium am eilfften Sonntag nach
Trinitatis / Luc. am xvij. Capittel.

ER saget aber zu etlichen die sich selbst
vermassen / daß sie from weren / vnd
verachteten die andern / ein solche gleich-
niß : Es giengen zween menschen hina-
uff in den Tempel zu beten / einer ein Phari-
seer / der ander ein Zöllner. Der Phari-
seer stund vnd betet bey sich selbst also :
Ich dancke dir Gott / daß ich nicht bin /
wie andere leute / Räuber / vngerechte /
ehbrecher / oder auch wie dieser Zöllner :
Ich

Ich faste zweyen in der wochen / vnd gebe
den sehenden von allem das ich hab. Vnd
der Zöllner stund von ferne / vnd wolte sei-
ne augen nicht auffheben gen Himmel /
sondern schlug an seine brust / vnd sprach :
Gott sey mir Sünder gnädig. Ich sa-
ge euch dieser gieng hinab gerechtfertiget in
sein hauß für jenem : Dann wer sich selbst
erhöhet / der wird ernidriget werden / vnd
wer sich selbst ernidriget / der wird erhöht
werden.

Am zwölfften Sonntag nach Trinitas
tis / Lection auß der ij. Epistel zum
Corinth. am iij. Capittel.

EIN solch vertrauen aber haben wir
durch Christum zu Gott / nicht / daß
wir tüchtig sind etwas zugebencken von
vns selber / als von vns selber / sondern
daß wir tüchtig sind ist von Gott. Wel-
cher auch vns tüchtig gemacht hat / das
ampt zu führen des Newen Testaments /
nicht des buchstabens / sondern des Gei-
stes : Dann der buchstab tödret / aber der
Geist machet lebendig. So aber das ampt /
das durch die buchstaben tödret / vnd in die
keine ist gebildet / klarheit hatte / also / daß
die kinder Israel nicht konnten ansehen / das
ange

angeficht Mosis / vmb der klarheit willen
seines angefichts / die doch auffhöret / wie
solte nicht vielmehr das ampt / das den
Geist gibt / klarheit haben? Dann so das
ampt / das die verdammniß prediget / klar-
heit hat / vielmehr hat das ampt / das die
gerechtigkeit prediget / überschwendliche
klarheit. Dann auch jenes theil das ver-
kläret war / ist nicht für klarheit zu achten/
gegen dieser überschwendlichen klarheit.
Dann so das klarheit hatte das da auffhö-
ret / vielmehr wird das klarheit haben / das
da bleibet.

Evangelium am zwölfften Sonntag
nach Trinitatis / Marc. am vij. Cap.

Und da er wieder außgieng von den
Grenzen Tyri vnd Sidon / kam er an
das Galileische Meer / mitten vnter die
grenz der zehen städte. Vnd sie brachten
zu ihm einen tauben / der stumm war / vnd
sie baten ihn / daß er die hand auff ihn lege.
Vnd er nam ihn von dem volck besonders /
vnd leget ihm die finger in die ohren / vnd
speuget / vnd rühret seine zunge / vnd sahe
auff gen Himmel / seuffset / vnd sprach zu
ihm : Hephata / das ist / thu dich auff.
Vnd als bald theren sich seine ohren auff /
vnd

vnd das band seiner zungen ward loß / vnd
redet recht. Vnd er verbot ihnen / sie sol-
rens niemand sagen. Jemehr er aber ver-
bot / jemehr sie es außbreiteten / vnd wun-
derten sich über die massen / vnd sprach-
ten : Er hat alles wol gemacht / die tauben ma-
chet er hörend / vnd die sprachlosen redend.

Am dreyzehenden Sonntag nach Tris-
nitatis / Lektion auß S. Paulo / zum
Galae. am liij. Capittel.

Lieben Brüder / ich wil nach menschli-
cher weise reden : Berachtet man doch
eines menschen Testamente nicht (wann es
besseriget ist) vnd thut auch nichts dazu.
Dun ist je die verheissung Abrahæ vnd sei-
nem Samen zugesagt. Er spricht nicht
durch die sammen / als durch viel / sondern
als durch einen / durch deinen Samen /
welcher ist Christus. Ich sage aber davon /
das Testamente / das von Gott zuvor be-
stetiget ist auff Christum wird nicht aufge-
haben / daß die verheissung solte durchs
Geses auffhören / welches gegeben ist über
vierhundert vnd dreissig jahr hernach.
Dann so das erbe durch das Gesez erwor-
ben würde / so würde es nicht durch verheis-
sung gegeben. Gott aber hat Abraham
E ij durch

durch verheissung frey gescheuet. Was
soll dann das Gesez? Es ist dazu kom-
men / vmb der sünde willen / biß der Same
kame / dem die verheissung geschehen ist /
vnd ist gestellet von den Engeln / durch die
hand des Mittlers. Ein Mittler aber ist
nicht eines einigen Mittler: GOTT aber ist
einig. Wie? ist dann das gesez wieder
GOTTES verheissung? Das sey ferne.
Wann aber ein gesez gegeben were / das
da könte lebendig machen / so kame die ge-
rechtigkeit warhafftig auß dem gesez. Aber
die Schrifft hat es alles beschlossen vnter
die sünde / auff daß die verheissung kame
durch den glauben an Jesum Christum /
gegeben denen die da glauben.

Evangelium am dreyzehenden Sonz-
tag nach Trinitatis / Luc am 7 Capic.

Und er wandte sich zu seinen Jüngern /
vnd sprach insonderheit: Selig sind
die augen / die da sehen das ihr sehet. Dan
ich sage euch / viel Propheten vnd Könige
wolten sehen / das ihr sehet / vnd habens
nicht gesehen. Vnd hören / das ihr höret /
vnd habens nicht gehöret.

Vnd sihe / da stund ein Schrifftgelehr-
ter auff / versuchte ihn / vnd sprach: Mei-
ster /

ster / was muß ich thun / daß ich das ewige
leben ererbe? Er aber sprach zu ihm: Wie
stehet im Gesetze geschrieben? Wie liesest
du? Er antwortet vnd sprach: Du solt
Gott deinen Herren lieben von ganzem
herzen / von ganzer seele / von allen kräfte
ten vnd von ganzem gemüte / vnd deinen
Nechsten als dich selbst. Er aber sprach zu
ihm: Du hast recht geantwortet / thu das /
so wirstu leben.

Er aber wolte sich selbst rechtfertigen /
vnd sprach zu Jesu: Wer ist dann mein
Nechster? Da antwortet Jesus / vnd
sprach: Es war ein mensch / der gieng
von Jerusalem hinab gen Jericho / vnd fiel
vnter die mörder / die zogen ihn auß / vnd
schlugen ihn / vnd giengen davon / vnd lie-
ßen ihn halb todt ligen. Es begab sich aber
ungefähr / daß ein Priester dieselbige straf-
se hinab zog / vnd da er ihn sahe / gieng er
fürüber. Desselbigen gleichen auch ein Le-
uit / da er kam bey die stätte / vnd sahe ihn /
gieng er fürüber. Ein Samariter aber
reisete / vnd kam dahin / vnd da er ihn sahe /
jammerte ihn sein / vnd gieng zu ihm / ver-
band ihm sein wunden / vñ goß darein Del
vnd Wein / vnd hub ihn auff sein Thier /

vnd führet ihn in die herberge / vnd pfleget
sein. Des andern tages reiset er / vnd zog
heraus zween Groschen / vnd gab sie dem
Wirte / vnd sprach zu ihm : Pflege sein /
vnd so du etwas mehr wirst dartzun / wil
ich dir bezahlen / wann ich wider komme.
Welcher düncket dich / der vnter diesen
dreyen der Rechte sey gewesen dem / der
vnter die mörder gefallen war? Er sprach :
Der die barmhertzigkeit an ihm thet. Da
sprach JEsus zu ihm : So gehe hin / vnd
thu des gleichen.

Am vierzehenden Sontagnach Trinitis
tatis / Lection auß S. Paulo / im
Galat. am v. Capitel.

Wandelt im Geist / so werdet ihr die
Lüste des fleisches nicht vollbringen.
Dann das fleisch lüstet wieder den Geist /
vnd der Geist wieder das fleisch. Dieselbi-
ge sind wieder einander / daß ihr nicht thut
was ihr wöllet. Regieret euch aber der
Geist / so seyt ihr nicht vnter dem Gesez.

Offenbar aber sind die wercke des flei-
sches / als da sind : Ehebruch / Hurerey /
Unreinigkeit / Unzucht / Abgötterey /
Zauberey / Feindschafft / Hader / Reid /
Zorn / Zank / Zwenracht / Rotten / Haß /
Mord /

Mord / Fressen / Sauffen / vnd derglei-
chen. Von welchen ich euch hab zuvor ge-
sagt / vnd sage noch zuvor / daß die solches
thun / werden das Reich Gottes nicht er-
erben.

Die frucht aber des Geistes ist Liebe /
Frewde / Friede / Gedult / Freundlichkeit /
Gütigkeit / Glaube / sanfftmuth / Keusch-
heit : Wieder solche ist das Gesetz nicht.
Welche aber Christum angehören / die
kreuzigen ihr fleisch / sampt den lusten vnd
den begierden.

Evangelium am vierzehenden Sonntag
nach Trinitatis / Luc. am xvij. Cap.

Bid. es begab sich / da er reisete gen Jero-
salem / zog er mitten durch Sama-
riam vnd Galileam. Vnd als er in einen
Marck kam / begegneten ihm zehen aussäzi-
ge Männer / die stunden von fernem vnd
erhuben ihre stimme / vnd sprachen : JE-
SU / lieber Meister erbarme dich vnser.
Vnd da er sie sahe / sprach er zu ihnen :
Sehet hin / vnd zeiget euch den Priestern.
Vnd es geschach / da sie hingiengen /
wurden sie rein. Einer aber vnter ihnen /
da er sahe / daß er gesund worden war / keh-
ret er vmb / vnd preiset Gott mit lauter
stimme /

E iij

stimme /

stimm / vnd fiel auff sein angeichte zu set-
zen füßen / vnd dancket ihm : Vnd das
war ein Samariter. JEsus aber antwor-
tet vnd sprach : Seind ihr nicht zehen rein
worden ? Wo sind aber die neune ? Hat
sich sonst keiner funden / der wieder umb-
kehre / vnd gebe **S** Du die ehre / dann dieser
frembdlinger ? Vnd er sprach zu ihm :
Stehe auff / gehe hin / dein glaub hat dir
geholfen.

Am fünffzehenden Sonntag nach Tris-
nitatis / Lectio auß S. Paulo / zum
Galat. am vj. Capittel.

So wir im Geist leben / so laffet vns
auch im Geist wandlen. Lasset vns
nicht eiteler ehre geizig seyn / vntereinan-
der zu entrüsten vnd zu hassen. Liebet
Brüder / so ein Mensch etwa von einem
fehl übereilet würde / so helfft ihm wider zu
rechte mit sanfftmütigem Geist / die ihr
geistlich seyd / vnd sihe auff dich selbst / daß
du auch nicht versuchet werdest. Einer tra-
ge des andern last / so werdet ihr das Gesez
Christi erfüllen. So aber sich jemand läst
düncken / er sey etwas / so er doch nichts ist /
der betrenget sich selbst. Ein jeglicher aber
prüffe sein selbst werck / vnd alsdann wird
er an

er an ihm selber ruhm haben / vnd nicht an
einem andern. Dann ein jeglicher wird
seine last tragen.

Der aber vnerrichtet wird mit dem
wore / der theile mit allerley gues dem / der
ihn vnerrichtet. Irret euch nicht / G Dte
läst sich nicht spotten. Dann was der
Mensch säet / das wird er erndten. Wer
auff sein fleisch säet / der wird vom fleisch
das verderben erndten / wer aber auff dem
Geist säet / der wird vom Geist das ewige
Leben erndten. Lasset vns aber gutes
thun / vnd nicht müde werden / dann zu
seiner zeit werden wir auch erndten ohn
auffhören. Als wir nun zeit haben / so las
set vns gutes thun an jederman / allermeist
aber an des glaubens genossen.

Evangelium am fünffzehenden Sons
tag nach Trinitatis / Matth. am vi. Cap.

N Jemand kan zweyen Herren dienen /
entweder er wird einen hassen / vnd
den andern lieben / oder wird einem an
hängen / vnd den andern verachten. Ihr
könt nicht G Dte dienen vnd dem Mam
mon. Darumb sage ich euch :orget
nicht für ewer leben / was ihr essen vnd trin
cken werdet / auch nicht für eweren Leib /

E v

was

was ihr anziehen werdet. Ist nicht das le-
ben mehr dann die speise? Vnd der Leib
mehr dann die kleidung? Sehet die Vö-
gel vnter dem Himmel an / sie säen nicht / sie
ernden nicht / sie sammeln nicht in die schew-
ren / vnd ewer Himlischer Vatter ernehret
sie doch. Sendt ihr dann nicht vielmehr
dann sie? Wer ist vnter euch / der seiner
lenge ein elen zusehen möge / ob er gleich
darumb sorget?

Vnd warumb sorget ihr für die klei-
dung? Schawet die lilien auff dem felde/
wie sie wachsen: Sie arbeiten nicht / auch
spinnen sie nicht. Ich sage euch / daß auch
Salomon in aller seiner herzigkeit nicht
bekleidet gewesen ist / als derselbigen eins.
So dann Vnd das gras auff dem felde
also kleidet / das doch heut stehet / vnd mor-
gen in den ofen geworffen wird: Solte er
das nicht vielmehr euch thun / o ihr klein-
gläubigen? Darumb solt ihr nicht sorgen
vnd sagen: Was werden wir essen: Was
werden wir trincken? Womit werden wir
vns kleiden? Nach solchem allen trachtet
die Heyden: Dann ewer Himlischer Vato-
ter weiß / daß ihr das alles bedürfft. Trach-
tet am ersten nach dem reich Gottes / vnd
nach

nach seiner gerechtigkeit / so wird euch solches alles zufallen. Darumborget nicht für den andern morgen: Dann der morgende tag wird für das seine sorgen. Es ist genug / daß ein jeglicher tag seine eigene plage habe.

Am sechszehenden Sonntag nach Trinitatis / Lektion auß S. Paul. zum Ephes. am iij. Capittel.

Darumb bitte ich / daß ihr nicht müde werdet vmb meiner trübsal willen / die ich für euch leide / welche euch ein ehre sind. Derhalben beuge ich meine knie / gegen dem Vatter vnseres H. Erren Jesu Christi / der der rechte Vatter ist / über alles was da kinder heist / im Himmel vnd auff Erden / daß er euch krafft gebe nach dem reichthumb seiner herrlichkeit / starck zu werden durch seinen Geist / an dem inwendigen Menschen / vnd Christum zu wohnen durch den glauben in ewren herzen / vnd durch die liebe eingewurkelt vnd gegründet werden / auff daß ihr begreifen möget mit allen Heiligen / welches da sey die breite / vnd die länge / vnd die tieffe / vnd die höhe: Auch erkennen / das Christus lieb haben viel besser ist / dan alles wissen / auff daß ihr

erfüllet werde mit allerley Gutes fülle.

Dem aber / der überschweniglich thun
kan über alles / das wir bitten oder versta-
hen / nach der krafft / die da in vns wircket /
dem sey ehre in der Gemeine / die in Christo
Iesu ist / zu aller zeit / von ewigkeit zu
ewigkeit / Amen.

Evangelium am sechzehenden. Son

sag nach Trinitatis/ Luce am vij. Cap.

Wes begab sich darnach / daß er in
eine Stadt / mit namen Nain gieng / vnd
seiner Jünger giengen viel mit ihm / vnd
viel Volcks. Als er aber nahe an das Stadt-
thor kam / sihe / da trug man einen todten
heraus / der ein einiger Sohn war seiner
Mutter / vnd sie war ein Witwe / vnd viel
volcks auß der Stadt gieng mit ihr. Vnd
da sie der H. Erz sahe / jammerte ihn dersel-
bigen / vnd sprach zu ihr : Weine nicht.
Vnd trat hinzu / vnd rühret den sark an /
vnd die träger stunden still. Vnd er sprach:
Jüngeling / ich sage dir / stehe auff. Vnd
der todte richtet sich auff / vnd fieng an zu
reden / vnd er gab ihn seiner Mutter. Vnd
es kam sie alle ein forcht an / vnd preiseten
G. D. / vnd sprachen : Es ist ein grosser
Propheet vnter vns auffgestanden / vnd
G. D.

Gott hat sein volck heimgesucht. Vnd die-
se rede von ihm erschall in das ganze Jüdi-
sche land / vnd in alle umbliegende länder.

Am siebenzehenden Sonntag nach Tris-
nitatis / Section auß S. Paul. zum
Ephes. am iij. Capittel

So ermahne ich nun euch ich gefange-
ner in dem H. Erren / daß ihr wandelt
wie sichs gebürt ewerem beruff / darin ihr
beruffen sendt mit aller demut vnd sanfft-
mut / mit gedult / vnd vertragenet einer den
andern in der liebe / vnd seyt fleissig zu hal-
ten die einigkeit im geist / durch das band
des friedens : Ein Leib vnd ein Geist / wie
ihr auch beruffen sendt auff emerley hoff-
nung eweres beruffs. Ein H. Erre / ein
Glaube / ein Tauffe / ein Gott vnd Vato-
ter (vnser) aller / der da ist vber euch alle /
vnd durch euch alle / vnd in euch allen.

Evangelium am siebenzehenden Son-
tag nach Trinitatis / Luce am xiiij. Cap.

Wes begab sich / daß er kam in ein
haus eines Obersten der Phariseer /
auff einen Sabbath / das brodt zu essen /
vnd sie hielten auff ihn. Vnd siehe / da war
ein Mensch für ihm / der war wassersüch-
tig,

tig. Vnd **J**esus antwortet / vnd saget
zu den Schrifftgelehrten vnd Phariseern/
vnd sprach: Ist's auch recht / auff dem
Sabbath heilen? Sie aber schwiegen still.
Vnd er greiff ihn an vnd heilet ihn / vnd
ließ ihn gehen. Vnd antwortet vnd sprach
zu ihnen: Welcher ist vnter euch / dem sein
Ochse oder Esel in den brunnen fället / vnd
er nicht alsbald ihn herauszeucht am Sab-
bathage? Vnd sie kunten ihm darauff
nicht wieder antwort geben.

Er saget aber ein gleichniß zu den Gä-
sten / da er mercket wie sie erwehleten oben
an zu sitzen / vnd sprach zu ihnen: Wann
du von jemand geladen wirst zur hochzeit/
so setze dich nicht oben an / daß nicht etwa
ein ehrlicher dann du von ihm geladen sey/
vnd so dann komt der dich vnd ihn geladen
hat / spreche zu dir: Weiche diesem / vnd
du müssest dann mit scham vnten an sitzen.
Sondern wann du geladen wirst / so gehe
hin / vnd setze dich vnten an / auff daß/
wann da kömpt der dich geladen hat / spre-
che zu dir: Freund / rücke hinauff. Dann
wirstu ehre haben vor denen / die mit dir zu
Tische sitzen. Dann wer sich selbst erhöhet
der sol erniedriget werden / vnd wer sich
selbst

selbst erniedriget / der sol erhöhet werden.

Am achzehenden Sontag nach Trinitatis / Lection auß S. Paul. i Cor j.

Ich dancke meinen G. D. allezeit ewere
Thalben / für die gnade Gottes / die euch
gegeben ist in Christo J. E. s. u. / daß ihr seyt
durch ihn an allen stücken reich gemacht /
an aller lehre / vnd in aller erkännuß. Wie
dann die predigt von Christo in euch kräftig
worden ist / also / daß ihr keinen man-
gel habt an irgend einer gaben / vnd wartet
nur auff die offenbarung vnsers H. Erren
J. E. s. u. Christi / welcher auch euch wird fest
behalten / bis ans ende / daß ihr vnsträf-
lich seyt auff den tag vnsers H. Erren J. E. s. u.
Christi. Dann G. D. ist trew / durch wel-
chen ihr beruffen seyt zur gemeinschafft sei-
nes Sohns J. E. s. u. Christi vnsers Herren.

Evangelium am achzehenden Sontag
nach Trinitatis / Matth. am xxij. Capite.

Da aber die Phariseer höreten / daß er
den Saduceern das maul gestopffet
hatte / versamleten sie sich. Vnd einer vn-
rer ihnen / ein Schriftgelehrter / versuchte
ihn vnd sprach : Meister / welches ist das
fürnemste gebott im Gesez ? J. E. s. u. aber
sprach

sprach zu ihm: Du solt lieben **G**ott dei-
nen **H**Erren / von ganzem Herzen / von
ganser Seelen / von ganzem Gemüte / diß
ist das fürnemste vnd gröste Gebott. Das
ander aber ist dem gleich: Du solt deinen
Nächsten lieben als dich selbst. In diesen
zweyen Gebotten hanget das ganze Gesetz
vnd die Propheten.

Da nun die Phariseer bey einander wa-
ren / fraget sie **J**esus / vnd sprach: Wie
düneket euch vmb Christo? Wes Sohn
ist er? Sie sprachen / Davids. Er sprach
zu ihnen: Wie nennet ihn dann David
im Geist einen **H**Erren? Da er sagt: Der
HEr hat gesagt zu meinem **H**Erren / setze
dich zu meiner Rechten / biß daß ich lege
deine feinde zum schemel deiner füsse. So
nun David ihn einen **H**Erren nennet / wie
ist er dan sein Sohn? Vnd niemand kun-
te ihm ein wort antworten / vnd dorffte
auch niemand von dem tage an hinfort ihn
fragen.

Am neunzehenden Sonntag nach Tris-
nitatis / Lection auß **S.** Paul. zum
Ephes. am iij. Capitel.

So leget nun von euch ab / nach dem
vorigen wandel / den alten Menschen /
der

der durch lüste sich in jehumb verderbet :
Ernewert euch aber im Geist ewers Ge-
müts / vnd ziehet den neuen Menschen an/
der nach G Ditt geschaffen ist / in rechtschaf-
fener gerechtigkeit vnd heiligkeit. Darumb
leget die lügen ab / vnd redet die warheit/
ein jeglicher mit seinem Nächsten / sintemal
wir vnter einander glieder seind. Zörne
vnd sündiget nicht. Lasset die sonne nicht
über ewern zorn vntergehen. Gebet auch
nicht raum dem lästerer. Wer gestolen hat
der stehle nicht mehr / sondern arbeite vnd
schaffe mit den händen etwas guts / auff
das er habe zu geben dem dürfftigen.

Evangelium am neunzehenden Son-
tag nach Trinitatis / Matth. am ix. Cap.

Da trat er (JEsus) in das schiff / vnd
fuhr wieder herüber / vnd kam in seine
stadt. Vnd sihe / da brachten sie zu ihm
einen Sichtsbrüchigen / der lag auff einem
bette. Da nun JEsus ihren glauben sa-
he / sprach er zu dem Sichtsbrüchigen :
Sei getrost mein sohn / deine sünde sind
dir vergeben. Vnd sihe / etliche vnter den
Schriftgelehrten sprachen bey sich selbst :
Dieser lästert G Ditt. Da aber JEsus ih-
re gedanken sahe / sprach er : Warumh
dencket

dencket ihr so arges in ewren herten? Welches ist leichter zu sagen: Dir seind deine sünde vergeben? Oder zu sagen stehe auff vnd wandele? Auff das ihr aber wisset/ das des Menschen Sohn macht habe auff Erden / die sünde zu vergeben / sprach er zu dem Sichbrüchtigen: Stehe auff / hebe dein bette auff / vnd gehe heim. Vnd er stund auff / vnd gieng heim. Da das Volck das sahe / verwunderte es sich vnd preisete Gott / der solche macht den Menschen gegeben hat.

Am zwanzigsten Sonntag nach Trinitatis / Lektion auß S. Paul. zum
Ephes. am 5. Capitel.

Sehet nun zu / wie ihr fürsichtiglich wandelt / nicht als die vnweisen / sondern als die weisen. Vnd schicket euch in die zeit / dann es ist böse zeit. Darumb werdet nicht vnverstendig / sondern verstendig / was da sey des Herren wille. Vnd sauffet euch nicht voll weins / darauff ein vnordig wesen folget. Sondern werdet voll Geistes / vnd redet vntereinander von Psalmen vnd Lobgesängen / vnd geistlichen Liedern. Singet vnd spielet dem Herren in ewren herten / vnd saget danck allezeit

allezeit für alles / Gott dem Vater / in
dem Namen unsers Herren Jesu Christi.
Vnd seht vntereinander vnterthan in
der forcht Gottes.

Evangelium am zwanzigsten Sonntag
nach Trinitatis / Matth. am xij Cap.

Vnd Jesus antwortet / vnd redet aber
zumahl durch Gleichniß zu ihnen vnd
sprach: Das himmelreich ist gleich einem
König / der seinem Sohn hochzeit macho
te / vnd sandte seine Knechte auß / daß sie
den Gästen zur hochzeit ruffeten. Vnd sie
wolten nicht kommen. Abermal sandte er
andere Knechte auß / vnd sprach: Saget
den Gästen / siehe / meine Mahlzeit habe ich
bereit / meine Ochsen vnd mein Mastvieh
ist geschlachtet / vnd alles bereitet / kommet
zur hochzeit. Aber sie verachteten das / vnd
giengen hin / einer auff seinen Acker / der
ander zu seiner Handhierung. Etliche a
ber grieffen seine Knechte / höneten vnd
tödteten sie. Da das der König hörte / ward
er zornig / vnd schickete sein Heer auß / vnd
brachte diese Mörder vmb / vnd zündet ihre
Stadt an. Da sprach er zu seinen Knech
ten: Die Hochzeit ist zwar bereitet / aber
die Gäste warens nicht werth. Darumb
gehet

gehet hin auff die strassen / vnd ladet zur
Hochzeit wen ihr findet. Vnd die Knechte
giengen auß auff die strassen / vnd brach-
ten zusammen wen sie funden / böse vnd gute.
Vnd die tische wurden alle voll. Da gieng
der König hinein die Gäste zubesehen / vnd
sah alda einen Menschen / der hatte kein
Hochzeitlich Kleid an / vnd sprach zu ihm :
Freund wie bistu herein kommen / vnd hast
kein Hochzeitlich Kleid an ? Er aber ver-
stummet. Da sprach der König zu seinen
Dienern : Bindet ihm Hände vnd Füße /
vnd werffet ihn in die eusserste finsterniß
hin auß / da wird seyn heulen vnd jänklap-
pen : Dann viel sind beruffen / aber we-
nig sind außgewhlet.

Am ein vnd zwanzigsten Sontagnach
Trinitatis / Lektion auß S. Paul.

zun Ephes. am vi. Capit.

D Bletzt / meine Brüder / seyd starck in
dem H. Erren / vnd in der macht seiner
stärke. Ziehet an den harnisch Gottes /
daß ihr bestehen könnt gegen die listige an-
läuffe des Teuffels. Dann wir haben nicht
mit fleisch vnd blut zu kempffen / sondern
mit Fürsten vnd gewaltigen / nemlich mit
den Herren der welt / die in der finsterniß
dieser

dieser welt herzschen / mit den bösen Gei-
stern vnter dem Himmel. Vmb des wilo-
len / so ergreiffet den harnisch Gottes / auff
das ihr / wann das böse stündlein kompt /
widerstand thun / vnd alles wol außrich-
ten / vnd das feld behalten möget. So ste-
het nun / vmbgürtet ewre lenden mit war-
heit / vnd angezogen mit dem Krebs der ge-
rechtigkeit : Vnd an den Beinen gestifelt /
als fertig zu treiben das Evangelium des
friedens / damit ihr bereitet seht. Vor al-
len dingen aber ergreiffet den Schild des
Glaubens / mit welchem ihr außlöschet
kündt alle feurige Pfeile des Böswichts.
Vnd nemet den Helm des Heils / vnd das
Schwert des Geistes / welches da ist das
Wort Gottes.

Evangelium am ein vnd zwanzigsten
Sonntag nach Trinitatis / Johan.
am iiii. Capittel.

Und es war ein Königscher / des Sohn
lag krank zu Capernaum. Dieser hö-
ret / daß Jesus kam auß Judea in Galio-
leam / vnd gieng zu ihm / vnd bat ihn / daß
er hinab käme / vnd hilffe seinem Sohn /
dann er war todt krank. Vnd Jesus
sprach zu ihm : Wann ihr nicht zeichen
vnd

vnd wunder sehen / so glaube ihr nicht. Der
Königscher sprach zu ihm: Herz kom hin-
ab / ehe dann mein kind stirbet. **J**esus
spricht zu ihm: Gehe hin / dein sohn lebet.
Der Mensch glaubte dem wort / das **J**e-
sus zu ihm sagte / vnd gieng hin. Vnd in
dem er hinab gieng / begegneten ihm seine
Knechte / verkündigten ihm / vnd sprachen:
Dein kind lebet. Da forschet er von ihnen
die stunde / in welcher es besser mit ihm wor-
den war. Vnd sie sprachen zu ihm: Ge-
stern vmb die siebende stunde verließ ihn
das Jiber. Da mercket der Vatter / das
umb die stunde were / in welcher **J**esus zu
ihm gesagt hatte / dein sohn lebet. Vnd er
glaubte mit seinem ganzen hause. Das ist
nun das ander zeichen das **J**esus thät /
da er auß Judea in Galileam kam.

Am zwey vnd zwanzigsten Sonntag
nach Trinitatis / Lektion auß S. Paul.

zum Philip. am j. Capittel.

Ich dancke meinem **G**otte / so oft ich
euer gedencke (welches ich allezeit thu
in allem meinem gebett für euch alle / vnd
thue das gebett mit freuden) über euer ge-
meinschaft am Evangelio vom ersten ta-
ge an bis her. Vnd bin desselben in guter
zuver.

zuversiche / daß / der in euch angefangen
hat das gute werck / der wirds auch voll-
führen / bis an den tag Jesu Christi. Wie
es dann mir billich ist / daß ich dermassen
von euch allen halte : Darumb / daß ich
euch in meinem herzen hab / in diesem mei-
nem gefengnuß / darinn ich das Evangelio
um verantworten vnd bekräftige / als die
ihr mit mir der Gnade theilhaftig seyd.
Dann Gott ist mein zeuge / wie mich nach
euch allen verlanger von herzen grund in
Jesu Christo. Vnd daselbst vmb bete
ich / daß ewer liebe je mehr vnd mehr reich
werde in allerley erkennuß vnd erfahrung /
daß ihr prüfen möget / was das beste sey /
auff daß ihr seyt lauter vnd vnansstößig /
bis auff den tag Christi / erfüllet mit fruch-
ten der gerechtigkeit / die durch Jesum
Christum geschehen (in euch) zur ehre
vnd lobes Gottes.

Evangelium am zwey vnd zwanzig-
sten Sonntag nach Trinitatis / Matth.
am xviii. Capittel.

Drumb ist das Himmelreich gleich ei-
nem Könige / der mit seinen Knechten
rechnen wolt. Vnd als er anfieng zu rech-
nen /

nen / kam ihm einer für / der war ihm zē-
hen tausend pfund schuldig. Da ers nun
nicht hatte zu bezahlen / hieß der Herr ver-
kauffen ihn / vnd sein Weib / vnd seine kin-
der / vnd alles was er hatte vnd bezahlen.
Da fiel der Knecht nieder / vnd betet ihn
an / vnd sprach : Herz / hab gedult mit
mir / ich wil dir alles bezahlen. Da jam-
merte den Herren desselbigen Knechts /
vnd ließ ihn loß / vnd die schuld erließ er
ihm auch.

Da gieng derselbige Knecht hinaus /
vnd fand einen seiner mitknecht / der war
ihm hundert groschen schuldig : Vnd er
greiff ihn an / vnd würget ihn / vnd sprach :
Bezahle mir was du mir schuldig bist. Da
fiel sein mitknecht nieder / vnd bat ihn vnd
sprach : Hab gedult mit mir / ich wil dir al-
les bezahlen. Er wolte aber nicht / sondern
gieng hin / vnd warff ihn ins gefängniß /
biß daß er bezahlet / was er schuldig war.
Da aber seine Mitknechte solches sahen /
wurden sie sehr betrübet / vnd kamen vnd
brachten für ihren Herren / alles / daß sich
begeben hatte. Da fordere ihn sein Herr
für sich / vnd sprach zu ihm : Du schalck-
knecht / alle diese schuld hab ich dir erlassen /
Dieweil

dieweil du mich batest: Soltest du dann
dich nicht auch erbarmen über deinen Mico
knecht / wie ich mich über dich erbarmet ha
be? Vnd sein Herz ward zornig / vnd
überantwortet ihn den Peinigern / bis daß
er bezahlet alles / was er ihm schuldig wa
re. Also wird euch mein Himlischer Vato
ter auch thun / wo ihr nicht vergebet von
ewren Herren / ein jeglicher seinem Bruo
der seine fehle.

Am drey vnd zwanzigsten Sonntag
nach Trinitatis / Lektion auß S. Paul.

zun Philip am iij. Capitel.

Folget mir lieben Brüder / vnd sehet
Vauß die / die also wandeln / wie ihr vns
habt zum fürbild. Dann viel wandeln /
von welchen ich euch oft gesagt habe / nur
aber sage ich auch mit weinen / die feinde
des Creuzes Christi / welcher ende ist das
verdammniß / welchen der bauch ihr Güt
ist / vnd ihre ehre zu schanden wird / deren
die irrdisch gesinnet seind. Vnser wandel
aber ist im Himmel / von dannen wir auch
warten des Heylands Jesu Christi des
H. Erren / welcher vnsern nichtigen Leib
verklären wird / daß er ehulich werde seinem
verklärten Leibe / nach der wirckunge / da

S

mit

mit er kan auch alle ding ihm vnerthänig
machen.

**Evangelium am drey vnd zwanzigsten
Sonntag nach Trinitatis / Matth.
am xxiij. Capittel.**

DA giengen die Phariseer hin vnd hiel-
ten einen rath / wie sie ihn fiengen in
seiner Rede. Vnd sandten zu ihm ihre
Jünger sampt Herodis dienern / vnd spra-
chen : Meister / wir wissen / daß du war-
hafftig bist / vnd lehrest den weg Gottes
recht / vnd du fragest nach niemand / dann
du achtest nicht das ansehen der Men-
schen. Darumb sage vns / was düncket
dich ? Ist's recht / das man dem Kaysen
zins gebe oder nicht ? Da nun Jesus mer-
ckete ire schalckheit / sprach er : Ihr Heuch-
ler / was versucht ihr mich ? Weisset mir
die Zinsmünz. Vnd sie reichten ihm ei-
nen groschen dar. Vnd er sprach zu ihnen :
Wes ist das bilde vnd die überschrifft ?
Sie sprachen zu ihm : Des Kaysers. Da
sprach er zu ihnen : So gebet dem Kaysen
was des Kaysers ist / vnd Gott was Got-
tes ist. Da sie das höreten / verwunder-
ten sie sich / vnd liessen ihn / vnd giengen
davon.

Am

Am vier vnd zwanzigsten Sonntag
nach Trinitatis / Lektion auß S. Pau-
lo zum Coloss am j. Capittel.

D Erhalten auch wir / von dem tage an /
da wirs gehöret haben / hören wir nicht
auff / für euch zu beten vnd bitten / daß ihr
erfüllet werdet mit erkänntniß seines wil-
lens / in allerley geistlicher weißheit vnd
verstand / daß ihr wandelt würdiglich dem
H. Erren / zu allem gefallen / vnd fruchtbar
seyt in allen guten wercken / vnd wachset in
der erkänntniß Gottes / vnd gestärcket wer-
det mit aller krafft nach seiner herrlichen
macht / in aller gedult vnd langmütigkeit
mit freuden / vnd dancksaget dem Vatter /
der vns rüchtig gemacht hat / zu dem erbo-
theil der Heiligen im lichte. Welcher vns
errettet hat von der Dbrigkeit der finstero-
niß / vnd hat vns verfest in das Reich sei-
nes lieben Sohns / an welchem wir haben
die erlöfung / durch sein Blut / nemlich
die vergebung der sünden.

Evangeliuam am vier vnd zwanzigsten
Sonntag nach Trini. Matth. am ix. Cap.

D A er aber solches mit ihnen-redet / siehe /
da kam der Oberster einer / vnd fiel vor
ihm nieder / vnd sprach : H. Erz mein Zoch-
ter

S ij

ser

er ist jetzt gestorben / aber kom vnd lege die
hand auff sie / so wird sie lebendig. JEsus
stund auff / vnd folget ihm nach vnd seine
Jünger.

(Vnd sihe / ein Weib / das zwölff jahr
den blutgang gehabt / trat von hinten zu
ihm / vnd rühret seines kleides saum an.
Dann sie sprach bey ihr selbst : Wöchte ich
nur sein kleid anrühren / so würde ich ge-
sund. Da wendet sich JEsus vmb vnd
sah sie / vnd sprach : Sey getrost meine
Tochter / dein Glaub hat dir geholffen.
Vnd das Weib ward gesund zu derselbi-
gen stunde.)

Vnd als er in des Obersten hauß kam /
vnd sahe die pfeiffer / vnd das getümel des
volcks / sprach er zu ihnen : Weichet dann
das Mägdlein ist nicht todt / sondern es
schlaffet / vnd sie verlachten ihn. Als aber
das volck außgetrieben war / gieng er hin-
ein / vnd ergreiff sie bey der hand / da stund
das Mägdlein auff. Vnd diß gerücht er-
schall in dasselbige ganze land.

Am fünff vnd zwanzigsten Sonntag
nach Trinitatis / Lectron auß S. Paul.

i. Thess. am iij. Capittel.

Wir wollen euch aber / lieben Brüder /
nicht

nicht verhalten / von denen die da schlaffen /
auff daß ihr nicht trawrig seyt / wie die an-
dern / die keine hoffnung haben. Denn so
wir glauben / daß **J**ESUS gestorben vnd
auferstanden ist. Also wird **G**OTT auch
die entschlaffen sind durch **J**ESUM / mit ihm
führen. Denn das sagen wir euch / als ein
wort des **H**ERREN / daß wir / die wir leben
vnd überbleiben / in der zukunfft des **H**ER-
REN / werden denen nicht vorkommen / die
da schlaffen. Dann er selbst der **H**ERRE /
wird mit einem feldgeschrey / vnd stimme
des **E**RENGELS / vnd mit der **P**OSAUNEN
GOTTES hernieder kommen vom **H**IMMEL /
vnd die todten in **C**HRISTO werden auferste-
hen zu erst : Darnach wir / die wir leben
vnd überbleiben / werden zugleich mit den-
selben hingezücht werden in den wolcken /
dem **H**ERREN entgegen in der lufft / vnd
werden also bey dem **H**ERREN seyn allezeit.
So tröstet euch nun mit diesen Worten
vntereinander.

Evangeliū am fünff vnd zwanzig-
sten Sontagnach Trinitat. Matth.

am xxiiij. Capittel.

WAnn ihr nun sehen werdet den **G**re-
wel der verwüstung / davon gesagt ist

Iij

durch

durch den Propheeten Daniel / daß er stehet
an der Heiligen stätte / (wer das liest / der
mercke drauff.) Alsdann fliehe auff die
berge / wer im Jüdischen lande ist / vnd wer
auff dem tache ist / der steige nicht hernider /
etwas auß seinem hause zu holen / vnd wer
auff dem felde ist / der lehre nicht vmb seine
kleider zu holen. Wehe aber den schwan-
gern vnd säugern zu der zeit : Bittet aber /
daß ewre flucht nicht geschehe im Winter /
oder am Sabbath. Dann es wird alsdann
ein groß trübsal seyn / als nicht gewesen ist
von anfang der welt bis her / vnd als auch
nicht werden wird. Vnd wo diese tage nicht
würden verkürt / so würde kein mensch sel-
lig / aber vmb der außerewählten willen / wer-
den die tag verkürt. So alsdann jemand
zu euch wird sagen / siehe / hie ist Christus /
oder da / so seht ihrs nicht glauben / dann es
werden falsche Christi / vnd falsche Pro-
pheeten auffstehen / vnd grosse zeichen vnd
wunder thun / daß verführt werden in den
irthumb (wo es möglich were) auch die
außerewählten. Siehe / ich hab euch zu vor
gesagt. Darumb / wann sie zu euch sagen
werden / siehe / er ist in der wüsten / so gehet
nicht hinauff / siehe / er ist in der lammer / so
glaubts

glaubts nicht. Dann gleich wie der blick
auffgehet vom auffgang / vnd scheinet bis
zum niedergang. Also wird auch seyn die
zukunfft des Menschen Sohns. Wo aber
ein aas ist / da sammeln sich die Adler.

Am sechs vnd zwanzigsten Sonntag
nach Trinitatis / Lection auß der an-
dern zum Thess. am j. Capit.

Wir sollen Gott dancken allezeit vmb
euch / lieben Brüder / wie es billich ist /
dann ewer glaube wächset sehr / vnd die lie-
be eines jeglichen vnter euch allen / nemet
zu gegen einander. Also / daß wir vns ewer
rühmen vnter den gemeinen Gottes / von
ewer gedult vnd glauben / in allen ewern
verfolgungen vnd trübsaln / die ihr duldet.
Welches anzeiget / daß Gott recht rich-
ten wird / vnd ihr würdig werdet zum reich
Gottes / über welchem ihr auch leidet.
Nachdem es recht ist bey Gott / zu vergel-
ten trübsal / denen die euch trübsal anlegen:
Euch aber / die ihr trübsal leidet / ruhe mit
vns / wann nun der HERR IESUS wird
offenbaret werden vom himmel / sampt den
Engeln seiner krafft / vnd mit feurflamen /
rache zu geben über die / so Gott nicht er-
kennen / vnd über die / so nicht gehorsamb

§ iiii

seynd

seynd dem Evangelio vnseres Herren Je-
su Christi. Welche werden peim leiden / das
ewige verderben / von dem angefichte des
Herren / vnd von seiner herzlichen macht /
wann er kommen wird / daß er herzlich er-
scheine mit seinen Heiligen / vnd wunder-
bar mit allen Gläubigen : Dann vnser
zeugnuß an euch / von demselbigen tage /
habt ihr geglaubet.

Evangelium am sechs vnd zwanzigs-
ten Sontag nach Trinitat. Matth.
am xxv. Capittel.

Jesus sprach zu seinen Jüngern: Wann
Saber des menschen sohn kommen wird /
in seiner herzigkeit / vnd alle heiligen En-
geln mit ihm / dann wird er sitzen auff dem
stul seiner herzigkeit vnd werden für ihm
alle völker versamlet werden / vnd er wird
sie von einander scheiden / gleich als ein hir-
te die schafe von den böcken scheidet. Vnd
wird die schafe zu seiner rechten stellen / vnd
die böcke zur lincken. Da wird dann der
König sagen zu denen zu seiner rechten :
Kommet her ihr gesegneten meines Vato-
ters / ererbet das Reich / das euch bereitet
ist von anbegin der welt. Dan ich bin hun-
gerig gewesen / vnd ihr habt mich gespeiset.
Ich

Ich bin dürstig gewesen / vnd ihr habt mich
geträncket. Ich bin ein gast gewesen / vnd
ihr habt mich beherberget. Ich bin nacket
gewesen / vnd ihr habt mich bekleidet. Ich
bin krank gewesen / vnd ihr habt mich be-
sucht. Ich bin gefangen gewesen / vnd ihr
seyt zu mir kommen. Dañ werden ihm die
gerechten antworten / vnd sagen : Herr
wann haben wir dich hungertig gesehen / vnd
haben dich gespeiset ? Oder dürstig / vnd
haben dich geträncket ? Wann haben wir
dich einen gast gesehen / vnd beherberget ?
Oder nacket / vnd haben dich bekleidet ?
Wann haben wir dich krank oder gefangen
gesehen / vnd sind zu dir kommen ? Vnd
der König wird antworten / vnd sagen zu
ihnen : Wahrlich ich sage euch / was ihr ge-
than habt einem vnter diesen meinẽ geringe-
sten brüdern / daß habt ihr mir gethan.

Dann wird er auch sagen zu denen zur
linken : Gehet hin von mir / ihr verfluch-
ten in das ewige fiewer / das bereit ist dem
Teuffel vnd seinen Engeln. Ich bin hun-
gerig gewesen / vnd ihr habt mich nicht ge-
speiset. Ich bin dürstig gewesen / vnd ihr
habt mich nicht geträncket. Ich bin ein
Gast gewesen / vnd ihr habt mich nicht be-

herber-

beret

herberget. Ich bin nackt gewesen / vnd ihr
habt mich nicht bekleidet. Ich bin krank
vnd gefangen gewesen / vnd ihr habt mich
nicht besucht. Da werden sie ihm antwor-
ten vnd sagen: **HERR** / wann haben wir
dich gesehen hungerig / oder dürstig / oder
einen Gast / oder nackt / oder krank / oder
gefangen / vnd haben dir nicht gedienet?
Dann wird er ihnen antworten vnd sagen:
Wahrlich ich sage euch / was ihr nicht ge-
than habt einem vnter diesen geringsten /
das habt ihr mir auch nicht gethan. Vnd
sie werden in die ewige pein gehen / aber die
gerechten in das ewige leben.

Am sieben vnd zwanzigsten Sonntag
nach Trinitatis / Lektion auß der ij.

Epist Pet. am iij. Capit.

Wisset das auff's erst / das in den letzten
tagen kommen werden spötter / die
nach ihren eignen lüsten wandeln / vnd sa-
gen: Wo ist die verheißung seiner Zu-
kunfft? Dann nach dem die Väter ent-
schlafen sind / bleibet alles wie es von an-
fang der creaturen gewesen ist. Aber mit-
willens wollen sie nit wissen / daß der him-
mel vorzeiten auch war / darzu die erde auß
wasser / vnd in wasser bestanden durch
Goto

Gottes Wort : Dennoch ward zu der zeit
die welt durch dieselbigen mit der sündflut
verderbet. Also auch der himmel jekund
vnd die erde / werden durch sein wort gespa-
ret / daß sie zum feur behalten werden / am
tage des gerichtes vnd der verdammuß der
gottlosen menschen. Eines aber sey euch
vnterhalten / ihr lieben / daß ein tag für
dem H Erren ist wie tausend jahr / vnd tau-
send jahr / wie ein tag. Der H ERRE ver-
zeucht nicht die verheißung / wie es etliche
für einen verzug achten / sondern er hat ge-
dult mit vns / vnd wil nicht daß jemand
verlohren werde / sondern daß sich jedero-
man zur buß kehre. Es wird aber des
H Erren tag kommen / als ein dieb in der
nacht / in welchem die himmel zergehen
werden / mit grossen krachen : Die ele-
menten aber werden für hize schmelzen / vnd
die erde / vnd die wercke die drinnen seynd /
werden verbrennen. So nun das alles
soll zergehen / wie solt ihr dann geschickte
seyn mit heiligem wandel vnd gottseligem
wesen / daß ihr wartet vnd eilet zu der zu-
kunfft des tages des H ERREN. In wel-
chem der himmel vom feur zergehen / vnd
die element für hize zerschmelzen werden.

S vj

Wir

Wir warten aber eines neuen himmels /
vnd einer neuen erden / nach seiner verheißung /
in welchen gerechtigkeit wohnet.

**Evangelium am sieben vnd zwanzigsten
Sonntag nach Trinitat. Matth.**
am xvij. Capittel.

Vnd nach sechs tagen / nam **Jesus** in
sich **Petrum** vnd **Jacobum** / vnd **Jo-**
hannem seinen bruder / vnd führet sie bey-
seits auff einen hohen berg / vnd ward ver-
kläret für ihnen. Vnd sein angesicht leuch-
tet wie die sonne / vnd seine kleider wurden
weiß als ein liecht. Vnd sihe / da erschie-
nen inen **Moses** vnd **Elias** / die redten mit
ihm. **Petrus** aber antwortet vnd sprach zu
Jesus: **HERR** / hie ist gut seyn / wilt du /
so wollen wir drey hütten machen? Dir
eine / **Mosi** eine / vnd **Elias** eine. Da er
noch also redet / sihe / da überschatten sie ei-
ne liechte wolcke. Vnd sihe / eine stimme
auß der wolcken sprach: **Dis** ist mein lie-
ber Sohn / an welchem ich woll gefallen
habe / den solt ihr hören. Da das die **Jün-**
ger hörten / fielen sie auß ihr angesicht /
vnd erschraeken sehr. **Jesus** aber trat zu
ihnen / rühret sie an vnd sprach: **Siehet**
auff / fürchtet euch nicht. Da sie aber ihre
augen

aüger auffhuben / sahen sie niemand dan
Jesum alleine. Vnd da sie vom berge
herab giengen / gebott ihnen Jesus vnd
sprach : Ihr solt diß Gesicht niemand sa-
gen / biß des Menschen Sohn von den
todten auffstanden ist.



Episteln vnd Evangelien
so auff die fürnemste Feste durch
das ganze Jahr in der Kirchen
gelesen werden.

Am tage Andreæ / des heiligen Apos-
tels / Leccion auß S. Paul. zum
Römern am x. Capittel.

Lieben Brüder / diß ist das wort vom
Glauben / daß wir predigen. Dann so
du mit deinem munde bekennest Jesum /
daß er der HERR sey / vnd glaubest in dei-
nem herzen / daß ihn Gott von den todten
aufferweckt hat / so wirstu selig. Dann so
man von herzen glaubet / so wird man ge-
recht / vnd so man mit dem munde bekennet
/ so wird man selig. Dann die schrifte
spricht :

spricht : Wer an ihn glaubet / der wird
nicht zu schanden werden. Es ist kein vnter-
scheid vnter den Juden vnd Griechen / es
ist alleszumal ein HErr / reich über alle / die
ihn anrufen. Denn wer den namen des
HEnnen wird anrufen / sol selig werden.
Wie sollen sie aber anrufen / an den sie
nicht glauben? Wie sollen sie aber glau-
ben von dem sie nichts gehört haben? Wie
sollen sie aber hören ohn Prediger? Wie
sollen sie aber predigen / wo sie nicht gesand
werden? Wie den geschrieben stehet: Wie
lieblich sind die füsse deren / die den frieden
verkündigen / die das gute verkündigen?
Aber sie sind nicht alle dem Evangelio ge-
horsam. Denn Jesaias spricht? HErr/
wer glaubet vnserm predigen? So kom-
met der glaube auß der predigt / das predi-
gen aber durch das wort Gottes. Ich sa-
ge aber / haben sie es nicht gehört? Zwar
es ist je in alle land außgangen ihr schall/
vnd in alle welt ihre wort.

Euangelium am tage S. Andreæ des
heiligen Apostels / Matth. am
liij. Capittel.

Als nun Iesus an dem Galileischen
meer gieng / sahe er zween brüder / Si-
mon

mon der da heist Petrus / vnd Andream
seinen bruder / die wurffen ihre netze ins
meer / den sie waren fischer. Vnd er sprach
zu ihnen: Folget mir nach / ich wil euch zu
menschenfischer machen. Bald verliessen
sie ihre netze / vnd folgten ihm nach. Vnd
da er von dannen fürbaß gieng / sahe er
zween andere brüder / Jacobum den sohn
Zebedei / vnd Johannem seinen bruder /
im Schiff mit ihrem Vatter Zebedeo / daß
sie ihre netze flickten. Vnd er rufft ihnen.
Bald verliessen sie das Schiff vnd ihren
Vatter / vnd folgten ihm nach.

Am tage Thome des Heiligen Apos-
tels / Lection auß der Epistel zum
Ephes. am j. Capittel.

Gelobet sey Gott vnd der vatter vnser
Herren Jesu Christi / der vns gesegnet
hat mit allerley geistliche segen in himlische
gütern / durch Christum. Wie er vns dan
erwehlet hat durch denselbigen / ehe der welt
grund gelegt war / daß wir solten seyn hei-
lig vnd vnsträfflich für ihm in der liebe / vnd
hat vns verordnet zur Kindschafft gegen
ihm selbst durch Jesum Christ / nach dem
wollgefallen seines willens / zu lob seiner
herzli

herlichen gnade / durch welche er vns hat
angenehm gemacht in dem geliebten.

Evangeliu am tage Thome des H.
Apostels / Johan. am xx. Capittel.

Thomas aber der zwölffen einer / der da
heisset Zwilling / war nicht bey ihnen da
JEsus kam. Da sagten die ander jünger
zu ihm : Wir haben den H Erren gesehen.
Er aber sprach zu inen : Es sey dann / daß
ich in seinen händen sehe die nägelmal / vnd
lege meine finger in die nägelmal / vnd le-
ge meine hand in seine seiten / wil ichs nicht
glauben. Vnd über acht tage waren aber
mahl seine jünger drinnen / vnd Thomas
mit ihnen. Komt JEsus / da die thüren
verschlossen waren / vnd tritt mitten ein vnd
spricht : Friede sey mit euch. Darnach
spricht er zu Thoma : Reiche deine finger
her / vnd sihe meine hände / vnd reiche dei-
ne hand her / vnd lege sie in meine seiten /
vnd sey nicht ungläubig / sondern gläubig.
Thomas antwortet vnd sprach zu ihm :
Mein H Erz vnd mein Gott. Spricht
JEsus zu ihm : Dieweil du mich gesehen
hast / Thoma / so glaubest du / selig seynd
die nicht sehen vnd doch glauben.

Am

Am tage Stephani des heilig. Märty-
rers / Lektion auß der Apostel geschicht
am vij. vnd vij. Capittel.

Stephanus aber voll Glaubens vnd
Kräften / thet wunder vnd grosse zeio-
chen vnter dem volck. Da stunden etliche
auff von der schule / die da heisset der Liber-
tiner / vnd der Cyrener / vnd der Alexande-
rer / vnd deren die auß Sicilia vnd Asia
waren / vnd befragten sich mit Stephano /
vnd sie vermochten nicht wieder zustehen
der weißheit vnd dem Geist der da redete.
Da richten sie zu etliche Männer die spra-
chen: Wir haben ihn gehört läster wort re-
den wider Mosen vnd wider Gott. Vnd
bewegten das volck / vnd die eltesten / vnd
die schriftgelehrten / vnd traten herzu vnd
rissen ihn hin / vnd führten ihn für den rath /
vnd stelleten falsche zeugen dar / die spra-
chen: Dieser mensch höret nicht auff zu re-
den lästerwort / wider diese heilige stätte
vnd gesetze. Denn wir haben ihn hören sa-
gen / Jesus von Nazareth wird diese stät-
te zerstören / vnd ändern die sitten / die vns
Moses gegeben hat. Vnd sie sahen auff
ihn alle die im rath sassen / vnd sahen sein
angesicht / wie eines engels angesicht. Da
sprach

sprach der Hohepriester : Ist dem also ?
er aber sprach : Lieben brüder vnd vätter/
höret zu zc. Ihr halbstarrigen / vnd vnbe-
schnittenen an herzen vnd ohren / ihr wie-
derstrebet allezeit dem heiligen Geist / wie
euere Vätter / also auch ihr / zc.

Da sie solches höreten / giengs ihnen
durchs herze vnd bissen die zäne zusammen
über ihn. Als er aber voll heiliges geistes
war / sahe er auff gen himmel vnd sahe die
herzligkeit Gottes / vnd Jesum stehen zur
rechten Gottes / vnd sprach : Sihe ich se-
he den himmel offen / vnd des Menschen
Sohn zur rechten Gottes stehen. Sie
schryen aber laut / vnd hielten ihre ohren
zu / vnd stürmeten einmütiglich zu ihm ein/
stiessen ihn zur stadt hinauß / vnd steinigten
ihn. Vnd die zeugen legten ab ihre kleider
zu den Füßen eines Jünglings / der hieß
Saulus / vnd steinigten Stephanum / der
rieff vnd sprach : Herz Jesu nimb meinen
geist auff. Er kniet aber nieder / vnd schrey
laut : Herz behalt ihnen diese sünde nicht.
Vnd als er das gesagt / entschlief er.

**Evangelium am tage Stephani des
heiligen Märterers / Matth. am
xxij. Capittel.**

Der

DEr HERR sprach zu den phariseern/
schriftgelehrten / vnd obersten der Ju-
den. Darumb sihe / ich sende zu euch pro-
pheten / vnd weisen / vnd schriftgelehrten/
vnd derselbigen werdet ihr etliche creuzigen
vnd tödten / vnd etliche werdet ihr geißeln
in ewren schulen / vnd werdet sie verfolgen
von einer stadt zu der andern. Auff daß ü-
ber euch komme alles das gerechte blut/das
vergossen ist auff erden / von dem blut an
des gerechten Abels / bis auff das blut Za-
charias Barachie sohn / welchen ihr getö-
det habt / zwischen dem Tempel vnd Altar.
Wahrlich ich sage euch / daß solches alles
wird über diß geschlecht kommen. Jerusa-
lem/ Jerusalem/ die du tödest die Prophe-
ten / vnd steinigest die zu dir gesand seynd/
wie oft habe ich deine Kinder versamlen
wollen / wie ein henn versamlet ihre kück-
lein vnter ihre flügel / vnd ihr habt nicht ge-
wolt? Sihe ewer hauß sol euch wüst gelas-
sen werden. Dann ich sage euch: Ihr
werdet mich von jehund an nicht sehen/ bis
ihr sprecht: Gelobet sey der da kompt im
Namen des HERRN.

Am

Am tage Johannis des Apostels vnd
Evangelisten / Lektion / Sirach
am xv. Capittel.

Wer Gott fürchtet der wird guts thun/
vnd wer anhält an der gerechtigkeit/
wird sie ergreifen / vnd sie wird ihm bege-
gen als eine ehrliche Mutter / vnd wie ein
Weib von der jungfrauschafft / wird sie ihn
auffnehmen. Sie wird ihn speisen mit
brod des lebens vnd verstandes / vnd sie
wird ihn träncken mit dem wasser der heil-
wertigen weißheit / vnd sie wird ihm vest
werden / vnd ihm nicht beugen lassen. Sie
wird ihm anhalten / vnd ihn nicht zu schan-
den werden lassen / vnd sie wird ihn erhe-
ben über seinen Nechsten. Mitten in der
Gemeine / wird sie auffthun seinen mund /
vñ wird ihn erfüllen mit dem geist der weiß-
heit vnd des verstandes / vnd mit dem kleid
der ehren wird sie ihn kleiden. Lust vnd
frewde wird sie über ihn samlen zum schatz /
vnd einen ewigen namen wird sie auff ihn
erben.

Evangelium am tag Johannis des
Apostels vnd Evangelisten / Jo-
han. am j. Capittel.

Im

In anfang war das wort / vnd das wort.
I war bey Gott / vnd Gott war das wort /
dasselbige war im anfang bey Gott. Alle
ding sind durch dasselbige gemacht / vnd
ohne dasselbige ist nichts gemacht / was ge-
macht ist. In ihm war das leben / vnd das
leben war das liecht der menschen / vnd das
scheinet in die finsterniß / vnd die finsterniß
habens nicht begriffen.

Es war ein mensch von Gott gesandt /
der hieß Johannes / derselbige kam zum
zeugniß / daß er vom liecht zeugete / auff
daß sie alle durch ihn glaubten. Er war
nicht das liecht / sondern daß er zeugete von
dem liecht / das war das warhafftige liecht /
welches alle menschen erleuchtet die in die-
se welt kommen. Es war in der welt / vnd
die welt ist durch dasselbige gemacht / vnd
die welt kante es nicht. Er kam in sein ei-
genthumb / vnd die seinen namen ihn nicht
auff. Wieviel ihn aber auffnahmen / denen
gab er macht Gottes kinder zu werden / die
an seinen namen glauben / welche nicht
von dem geblüt / noch von dem willen eines
mannes / sondern von G D E E gebohren
sind.

Vnd das wort ward fleisch / vnd woh-
net

net vnter vns / vnd wir sahen seine herzig-
keit / eine herzigkeit / als des eingebornen
Sohns vom Vatter / voller gnade vnd
warheit.

Am tage S. Pauli bekehrung auß der
Apostel Geschichte am ix. Capittel.

Saulus aber schnaubet noch mit dre-
wen vnd morden wieder die jünger des
H. Erren. Vnd gieng zum Hohenpriester /
vnd bat ihn vmb brieffe / gen Damasco an
die schulen / auff daß / so er etliche dieses
weges finde / männer vnd weiber / er sie ge-
bunden führete gen Jerusalem.

Vnd da er auff dem wege war / vnd na-
he bey Damasco kam / vmbleuchtet ihn
plötzlich ein liecht vom himmel vnd fiel auff
die erden / vnd höret ein stimme / die sprach
zu ihm : Saul / Saul / was verfolgestu
mich ? Er aber sprach : H. Erz wer bistu ?
Der H. Erz sprach : Ich bin J. Esus den
du verfolgest. Es wird dir schwer werden
wieder den stachel zu lecken. Vnd er sprach
mit zittern vnd zagen : H. Erz was wiltu
das ich thun sol ? Der H. Erz sprach zu
ihm : Stehe auff / vnd gehe in die stadt /
da wird man dir sagen / was du thun solt.
Die

Die männer aber / die seine gefehreen wa-
ren / stunden vnd waren erstarrt / denn sie
höreten seine stime / vnd sahen niemands.
Saulus aber richtet sich auff von der er-
d. n / vnd als er seine augen auffthat / sahe
er niemands. Sie namen ihn aber bey
der hand / vnd führeten ihn gen Damasco /
vnd war drey tage nicht sehend / vnd aß
nicht / vnd tranck nicht. Es war aber ein
jünger zu Damasco mit namen Ananias /
zu dem sprach der HERR im Gesichte :
Anania. Vnd er sprach : Wie bin ich
HERR. Der HERR sprach zu ihm :
Stehe auff / vnd gehe in die gassen / die da
heisset die Richtige / vnd frage in dem hau-
se Juda nach Saulo mit namen von Taro-
sen. Dann sihe / er betet vnd hat gesehen
in dem gesichte / einen mann / mit namen
Ananias / zu ihm hinein kommen / vnd die
hand auff ihn legen / daß er wieder sehend
werde. Ananias aber antwortet : HERR
ich habe von vielen gehört von diesem
mann / wie viel üfels er deinen heiligen ge-
than hat zu Jerusalem. Vnd er hat allhie
macht von den Hohenpriestern / zu binden
alle die deinen Namen anruffen. Der
HERR sprach zu ihm : Gehe hin / dann
dieser

dieser ist mir ein außerechter Rüstzeug/
daß er meinen Namen trage für den Hey-
den / vnd für den Königen / vnd für den Kin-
dern von Israel. Ich wil ihm zeigen / wie
viel er leiden muß vmb meines Namens
willen. Vnd Ananias gieng hin / vnd
kam in das hauß / vnd leget die hände auff
ihn / vnd sprach : Lieber bruder Saul / der
HERR hat mich gesand / der dir erschie-
nen ist auff dem wege / da du her kamest /
daß du wieder sehend / vnd mit dem heili-
gen Geist erfüllet werdest. Vnd also bald
fiel es von seinen augen / wie schüppen / vnd
ward wieder sehend / vnd stund auff / ließ
sich tauffen / vnd nam speise zu sich vnd
stärcket sich. Saulus aber war etliche ta-
ge bey den jüngern zu Damasco / vnd also
bald prediget er Christum in den schulen /
daß derselbig Gottes Sohn sey. Sie
entsazten sich aber alle die es hörten vnd
sprachen : Ist das nicht der zu Jerusalem
verstöret alle die diesen namen anruffen /
vnd darumb herkommen / daß er sie gebun-
den führe zu den Hohenpriestern ? Saul-
lus aber ward je mehr kräftiger / vnd trieb
die Juden ein / die zu Damasco wohneten /
vnd bewerts / daß dieser ist der Christ.

Evangelium

Evangelium am tage S. Pauli befeh-
rung / Matth. am xix. Capittel.

DA antwortet Petrus vnd sprach zum
HERRN: Siehe / wir haben alles
verlassen / vnd sind dir nachgefolgt / was
wird vns dafür? **J**ESUS aber sprach zu
ihnen: Warlich ich sage euch / daß ihr
die ihr mir seyd nachgefolget in der wider-
geburt / daß des Menschen Sohn sitzen
auff dem stul seiner herzigkeit / werdet
ihr auch sitzen auff zwölff stülen / vnd
richten die zwölff Geschlechter Israels.
Vnd wer verlässet häuser / oder bruder /
oder schwester / oder vatter / oder mut-
ter / oder weib / oder kinder / oder äcker /
ymb meines Namens willen / der wird
hundertfältig nemen / vnd das ewige le-
ben ererben. Aber viel die da sind die ers-
ten / werden die letzten / vnd die letzten wer-
den die ersten seyn.

Am tage Matthei des heiligen Apost.
Lectio auß der Apostel Geschichte
am j. Capittel.

UND in denselbigen tagen / trat auff
Petrus vnter die Jünger / vnd sprach:
(es war aber die Schaar der Namen zu
haufo

hauffe / bey hundert vnd zwanzig) Ihr
männer vnd brüder / es mußte die schrift
erfüllet werden / welche zuvor gesagt hat
der Heilige Geist / durch den mund Da-
vids / von Juda / der ein fürgänger war
deren / die Jesum fiengen / dann er war
mit vns gezehlet / vnd hatte diß ampt mit
vns überkommen : Dieser hat erworben
den Acker vmb den vngerechten Lohn / vnd
sich erhencfet / vnd ist mitten enzwey ge-
borsten / vnd all sein eingeweide auß ge-
schüt. Vnd es ist kund worden allen die
zu Jerusalem wohnen / also / daß dersel-
bige Acker genennet wird auff ihre sprache /
Hafeldama / das ist ein Blutacker.

Dann es stehet geschrieben im Psalms
buch / Ihre Behaussung mußte wüß wer-
den / vnd sey niemand der drinnen woh-
ne. Vnd sein Bistumb empfahet ein an-
derer. So muß nun einer vnter diesen
Männern die bey vns gewesen sind / die
ganze zeit über / welche der HERR JE-
sus vnter vns ist auß. vnd eingangen /
von der Tauffe Johannis an / biß auff
den tag / da Er von vns genommen ist /
ein zeuge seiner auferstehung mit vns wer-
den. Vnd sie stelleten zween / Joseph ge-
nand

nandt Barnabas / mit dem Zunamen
Just / vnd Matthiam / beteten vnd spra-
chen : HERR aller Herzenkündiger /
zeige an / welchen du erwahlet hast vnter
diesen zweyen / daß einer empfahet diesen
Dienst vnd Apostel. Ampt / davon Zu-
das abgewichen ist / daß er hingienge an
seinem ort. Vnd sie warffen das Loß ü-
ber sie / vnd das Loß fiel auff Matthiam /
Vnd er ward zugeordnet zu den Eylff
Aposteln.

Evangelium am tage Matthe des
Heiligen Apostels / Matth. am
xj. Capittel.

In derselbigen zeit antwortet Iesus
vnd sprach : Ich preise dich Vatter /
vnd HERR Himmels vnd der Erden /
daß du solches den weisen vnd klugen ver-
borgen hast / vnd hast es den vnmündigen
geoffenbahret. Ja Vatter / dann es ist
also wollgefällig gewesen für dir. Alle
ding sind mir übergeben von meinem
Vatter / vnd niemand kennet den Sohn
dann nur der Vatter / Vnd niemand
kennet den Vatter / dann nur der Sohn /
vnd wem es der Sohn wil offenbahren.

Kommet her zu mir alle / die ihr mühselig
vnd beladen seyd / ich wil euch erquicken.
Nemet auff euch mein Joch / vnd lernet
von mir / dann ich bin sanfftmütig / vnd
von herzen demütig / so werdet ihr ruhe
finden für ewre Seele. Dann mein Joch
ist sanfft / vnd mein Last ist leicht.

Am Ostermontag / Epistel auß der
Apostel Geschicht am x. Capittel.

Petrus aber thet seinen Mund auff /
vnd sprach : Nun erfahr ich mit der
warheit / daß Gott die Persohn nicht
ansihet / sondern in allerley Volck / wer
ihn fürchtet vnd recht thut / der ist ihm an-
genehm. Ihr wisset wol von der Predig
die Gott zu den Kindern Israell gesandt
hat / vnd verkündigen lassen den Frieden
durch Jesum Christum (welcher ist ein
HERR über alles) die durchs ganze Ju-
dische Land geschehen ist / vnd angangen
in Galilea nach der Tauffe / die Johano-
nes predigte / Wie Gott denselben JE-
SUM von Nazareth gesalbet hat mit
dem Heiligen Geist vnd Krafft. Der
vmbher gezogen ist / vnd hat wolgethan /
vnd gesund gemacht alle / die vom Teufel
fel

fel überwältiget waren / dann Gott war
mit ihm. Vnd wir seynd zeugen alles
das Er gethan hat im Jüdischen Lande/
vnd zu Jerusalem. Den haben sie ge-
tödtet / vnd an ein holz gehangen. Den
selbigen hat GOTT aufferwecket am drit-
ten tage / vnd ihn lassen offenbahr wer-
den / nicht allem Volck / sondern vns/
den vorerwehltten zeugen von Gott / die
wir mit ihm gessen vnd getruncken haben/
nach dem Er auffstanden ist von den
todten.

Evangelium am Oftermontag /

Luc. am xxiiij. Capittel.

VND sihe / zween auß ihnen giengen
an demselbigen tage in einem Flecken/
der war von Jerusalem sechzig feldwegs
weit / des Namen heist Emaus. Vnd
sie redeten mit einander / von allen diesen
Geschichten. Vnd es geschah / da sie
so redeten / vnd befragten sich mit einan-
der / nahet JESUS zu ihnen / vnd wandel-
te mit ihnen / aber ihre Augen wurden ge-
halten / das sie ihn nicht kanten. Er
sprach aber zu ihnen : Was sind das für
reden / die ihr zwischen euch handelt vnter
wegen /

G iij

wegen /

wegen / vnd send trawrig? Da antwor-
tet einer mit namen Cleophas / vnd sprach
zu ihm: Bistu allein vnter den Frembdlin-
gen zu Jerusalem / der nicht wisse / was in
diesen tagen darinnen geschehen ist? Vnd
Er sprach zu ihnen: Welches? Sie aber
sprachen zu ihm: Das / von Jesu von
Nazareth / welcher war ein Prophet /
mächtig von Thaten vnd Worten / für
Gott vnd allem Volck / wie ihn unsere
Hohepriester vnd Obersten überantwortet
haben zum verdammuß des todes / vnd ge-
creuziget: Wir aber hoffeten / Er solte
Israël erlösen. Vnd über das alles ist
heut der dritte tag / daß solches geschehen
ist. Auch haben vns erschreckt etliche Weib-
er der vnsere / die sind früh bey dem Gra-
be gewesen / haben seinen Leib nicht funden /
kommen vnd sagen / sie haben ein Gesicht
der Engel gesehen / welche sagen Er lebe.
Vnd etliche vnter vns giengen hin zum
Grabe / vnd fundens also / wie die Weiber
sagten / aber ihn funden sie nicht. Vnd
Er sprach zu ihnen: D ihr Thoren vnd
träges herzen / zu glauben allem dem / das
die Propheten gered haben. Musste nicht
Christus solches leiden / vnd zu seiner herr-
lichkeit

ligkeit eingehen? Vnd fieng an von Mo-
se vnd allen Propheten / vnd legte ihnen
alle Schrift auß / die von ihm gesagt wa-
ren. Vnd sie kamen nahe zum Flecken/
da sie hingiengen. Vnd er stellet sich als
wolt Er fürter gehen. Vnd sie nötigten
ihn / vnd sprachen: Bleibe bey vns / dann
es wil Abend werden / vnd der Tag hat sich
geneiget. Vnd er gieng hinein bey ihnen
zu bleiben. Vnd es geschach da Er mit ih-
nen zu Tische saß / nam Er das brod / dan-
cket / brachs / vnd gabs ihnen. Da wur-
den ihre augen geöfnet / vnd erkenneten
ihn / vnd Er verschwand für ihnen. Vnd
sie sprachen vntereinander: Brante nicht
vns herg in vns / da Er mit vns redet auff
dem wege / als er vns die Schrift öfnet?
Vnd sie stunden auff zu derselbigen stun-
de / fehreten wider gen Jerusalem / vnd
funden die Elffe versamlet / vnd die bey ih-
nen waren / welche sprachen: Der H^{er}z
ist warhafftig auferstanden vnd Simoni
erschienen. Vnd sie erzehlten ihnen / was
auff dem wege geschehen war / vnd wie Er
von ihnen erkand were / an dem da er das
Brod brach.

Am Osterdienstag / Lektion auß der
Apostel Geschichte am xij Capittel.

Hor Männer / lieben Brüder / ihr kin-
der des Geschlechts Abraham / vnd die
vnter euch **G****D****E** fürchten / euch ist das
wort dieses Heils gesand. Dann die zu
Jerusalem wohnen / vnd ihre Obersten /
dieweil sie diesen nicht kenneten / noch die
Stimme der Propheten (welche auff alle
Sabbather gelesen werden) haben sie die-
selbigen mit ihren vrtheilen erfüllet. Vnd
wiewol sie keine vrsachen des todes an ihm
funden / baten sie doch Pilatum ihm zu
töden. Vnd als sie alles vollendet hat-
ten / was von ihm geschrieben ist / namen
sie ihn von dem holz / vnd legten ihn in ein
Grab. Aber **G****D** hat ihn aufferwecket
von den toden. Vnd er ist erschienen vie-
le tage / denen / die mit ihm hinauff von
Galilea gen Jerusalem gegangen waren /
welche sind seine zeugen an das Volck.
Vnd wir auch / verkündigen euch die ver-
heissung / die zu vnsern Vätern geschehen
ist / daß dieselbige Gott vns ihren kindern /
erfüllet hat / in dem / daß Er **J****E**sum auff-
erwecket hat.

Evangelium

Evangelium am Ofterdienstag/

Luc. am xxiiij. Capittel.

Da sie aber davon redeten / trat er selbst/
Jesus / mitten vnter sie / vnd sprach
zu ihnen : Friede sey mit euch. Sie erschrocken aber / vnd fürchten sich / meineten sie sehen einen Geist. Vnd Er sprach zu ihnen : Was seyd ihr so erschrocken / vnd warumb kommen solche gedancken in ewre herten ? Sehet meine hände vnd meine füsse / ich bins selber / fühlet mich vnd sehet / dann ein Geist hat nicht fleisch vnd beine / wie ihr sehet / das ich habe. Vnd da er das saget / zeigt Er ihnen hände vnd füsse. Da sie aber noch nicht glaubten für srewden / vnd sich verwunderten / sprach Er zu ihnen : Habt ihr hie etwas zu essen ? Vnd sie legten ihm für ein stück vom gebratenen Fisch vnd Honigseims. Vnd er nam es vnd aß es vor ihnen. Er aber sprach zu ihnen : Das seind die rede / die ich zu euch sagte / da ich noch bey euch war / dann es muß alles erfüllet werden / was von mir geschrieben ist im Gesez Moosi / in den Propheten / vnd in den Psalmen. Da öffnet er ihnen das verständniß / daß sie die Schrift verstunden / vnd sprach

¶

sprach

sprach zu ihnen: Also ist geschrieben /
vnd also musste Christus leiden / vnd
auferstehen von den Todten am dritten ta-
ge / vnd predigen lassen in seinem Na-
men / buße vnd vergebung der Sünde /
vnter allen Völcern / vnd anheben zu
Jerusalem.

Am tage Philippi vnd Jacobi / Lectio
on auß der Epistel zum Ephes.
am ij. Capittel.

So send ihr nun nicht mehr Gäste /
sondern Bürger mit den Heiligen /
vnd Gottes Hausgenossen / erbawet
auff den grund der Aposteln vnd Prophe-
ten / da Jesus Christus der Eckstein ist /
auff welchen der ganze Bau in einander
gefüget / wächst zu einem heiligen Tempel
in dem Herren / auff welchen auch ihr
mit erbawet werdet / zu einer Behausung
Gottes im Geist.

Evangelium am tage Philippi vnd
Jacobi / Johan. am xiiij. Capit.

Und Jesus sprach zu seinen Jün-
gern: Ewer Herr erschrecke nicht /
glaubt ihr an Gott / so glaubet ihr auch
an

an mich. In meines Vatters Haus sind
viel Wohnungen. Wanns nicht so wehret
so wolte ich zu euch sagen: Ich gehe hin
euch die Stätte zubereiten. Vnd ob ich
schon hingehe euch die Stätte zubereiten/
wil ich doch wieder kommen / vnd euch zu
mir nemen / auff daß ihr seyd wo ich bin.
Vnd wo ich hingehe / daß wisset ihr / vnd
den weg wisset ihr auch. Spricht zu ihm
Thomas: HERR / wir wissen nicht wo
du hingehst / vnd wie können wir den weg
wissen? Iesus spricht zu ihm: Ich bin
der Weg / vnd die Wahrheit / vnd das Leo-
ben / niemand kommet zum Vater dann
durch mich. Wann ihr mich kennet / so
kennet ihr auch meinen Vater / vnd von
nun an kennet ihr ihn / vnd habt ihn gese-
hen. Spricht zu ihm Philippus: HERR /
zeige vns den Vater / so genüget vns.
Iesus spricht zu ihm: So lang bin ich
bey euch / vnd du kennest mich nicht?
Philippus / wer mich siehet der siehet den
Vater / wie sprichstu dann / zeige vns
den Vater? Glaubest du nicht / daß ich
im Vater / vnd der Vater in mir ist?
Die wort die ich zu euch rede / die rede ich
nicht von mir selbst. Der Vater aber

der in mir wohnet / derselbe thut die werck.
Glaubet mir / daß ich im Vatter / vñnd
der Vatter in mir ist / wo nicht / so glau-
bet mir doch vmb der werck willen. War-
lich / warlich / ich sage euch . Wer an mich
glaubet / der wird die werck auch thun / die
ich thue / vñnd wird grössere dann diese
thun / dann ich gehe zum Vatter. Vñnd
was ihr bitten werdet in meinem Namen /
das wil ich thun / auff daß der Vatter ge-
ehret werde in dem Sohne. Was ihr bit-
ten werdet in meinem Namen / das wil
ich thun.

Am Pfingstmontag / Lektion auß der
Apostel Geschichte am x. Capittel.

Uñnd der H^Ex^x hat vns gebotten zu
predigen dem Volck / vñnd zeugen /
daß Er ist verordnet von G^Ott / ein Rich-
ter der lebendigen vñnd der todten. Von
diesem zeugen alle Propheten / daß durch
seinen Namen alle die an ihn glauben /
vergebung der Sünden empfahen sollen.
Da Petrus noch diese wort redet / fiel der
Heilige Geist auff alle / die dem wort zu-
höreten : Vñnd die gläubigen auß der be-
schneidung / die mit Petro kommen wa-
ren

ren / enfaszten sich / daß auch auff die
Henden die gabe des Heiligen Geistes auß
gegossen ward / dann sie höreten / daß sie
mit zungen redeten / vnd **G**ott hoch preis
seten. Da antwortet Petrus : Mag auch
jemand das wasser wehren / daß diese nicht
getaufft werden / die den Heiligen Geist
empfangen haben / gleich wie auch wir ?
Vnd befahl sie zu tauffen in dem Namen
des **HERRN**.

Evangelium am Pfingstmontag

Johan. am iij. Capittel.

Jesus sprach zu Nicodemo : Also hat
Gott die Welt geliebt / daß Er seinen
eingebohrnen Sohn gab / auff daß alle die
an ihn glauben / nicht verlohren werden /
sondern das ewige leben haben. Dann
Gott hat seinen Sohn nicht gesandt in
die Welt / daß Er die Welt richte / son
dern daß die Welt durch ihn selig werde /
wer an ihn glaubet / der wird nicht gerich
tet / wer aber nicht glaubet / der ist schon
gerichtet / dann er glaubet nicht an den
Namen des eingebohrnen Sohns **G**ot
tes. Das ist aber das Gerichte / daß das
Licht in die Welt kommen ist / vnd die

G vij

Men

Menschen liebten die Finsterniß mehr
dann das Liecht / dann ihre werck wa-
ren böse. Wer arges thut / der hasset
das Liecht / vnnnd kommet nicht an das
Liecht / auff daß seine werck nicht gestra-
fet werden. Wer aber die warheit thut/
der kommet an das Liecht / daß seine wercke
offenbahr werden / dann sie seynd in G Dtt
gethan.

Am Pfingstdinstag / Lection auß der
Apostel Geschichte am viij. Capittel.

SA aber die Apostel höreten zu Jeru-
salem / daß Samaria das Wort
G Dttes angenommen hatte / sandten sie
zu ihnen Petrum vnnnd Johannem / wel-
che / da sie hinab kamen / beteten sie über
sie / daß sie den heiligen Geist empfiengen /
dann er war noch auff keinen gefallen / son-
dern waren allein getaufft in dem Namen
Christi J Esu. Da legten sie die hände
auff sie / vnnnd sie empfiengen den heiligen
Geist.

Evangelium am Pfingstdienstag /
Johan am x. Capittel.

Warlich / warlich ich sage euch / wer
nicht zur Thür hinein gehet / in den
Schaff.

Schaffstall / sondern steigt anderswo
hinein / der ist ein dieb vnd ein mörder.
Der aber zur Thür hinein gehet / der ist ein
hirte der Schafe. Demselbigen thut der
thürhüter auff / vnd die Schafe hören sei-
ne stimme / vnd er ruffet seinen Schafen
mit nahmen / vnd führet sie auß. Vnd
wann er seine Schafe hat außgelassen / ge-
het er vor ihnen hin / vnd die Schafe fol-
gen ihm nach / dann sie kennen seine stim-
me. Einem frembden aber folgen sie nicht
nach / sondern fliehen von ihm / dann sie
kennen der frembden stimme nicht. Die-
sen spruch sagt JEsus zu ihnen. Sie ver-
nahmen aber nicht / was er zu ihnen sage-
te. Da sprach JEsus wieder zu ihnen :
Warlich / warlich / ich sage euch / ich bin
die Thür zu den Schafen. Alle die vor mir
kommen seynd / die seynd diebe vnd mör-
der gewesen / aber die Schafe haben ihnen
nicht zugehöret. Ich bin die Thür / so je-
mand durch mich ingehet / der wird selig
werden / vnd wird ein vnd außgehen / vnd
Weide finden. Ein dieb kommet nicht /
dann daß er stele / wüрге vnd umbringe.
Ich bin kommen / daß sie das leben / vnd
volle genüge haben sollen.

Am

Am tage Johannis des Täuflers/
Lectio auß dem Propheten Esaia
am xj. Capittel.

Tröstet / tröstet mein Volck / sprichet
euer **GOTT** / redet mit Jerusalem
freundlich / vnd prediget ihr / daß ihre
Kitterschafft ein ende hat / dann ihre mis-
sethat ist vergeben / dann sie hat zweifälti-
ges empfangen von der hand des **HERREN**
/ vmb alle ihre sünde. Es ist eine
stimme eines Predigers in der wüsten / be-
reitet dem **HERREN** den Weg / machet
auff dem Felde ein ebene bahn vnserm
GOTT. Alle thal sollen erhöhet werden/
vnd alle berge vnd hügel sollen ernidriget
werden / vnd was vngleich ist / sol eben/
vnd was höckerig ist / sol schlecht werden.
Dann die herligkeit des **HERREN** sol
geoffenbahrt werden / vnd alles fleisch mit
einander wird sehen / daß des **HERREN**
Mund redet.

Evangelium am tage Johannis des
Täuflers / Luc. am j. Capittel.

WENN Elisabeth kam ihre zeit / daß sie
gebähren solte / vnd sie gebahr einen
Sohn. Vnd ihre Nachbarn vnd Geo-
freunde

freunden hörten / daß der HERR grosse
barmherzigkeit an ihr gethan hatte / vnd
freweten sich mit ihr. Vnd es begab sich
am achten Tage / kamen sie zu beschneiden
das Kindlein / vnd hiessen ihn nach sei-
nem Vatter Zacharias: Aber seine Mut-
ter antwortet / vnd sprach: Mit nichten/
sondern er soll Johannes heissen. Vnd
sie sprachen zu ihr: Ist doch niemand in
deiner Freundschaft der also heisse? Vnd
sie winketen seinem Vatter / wie er ihn
wolte heissen lassen. Vnd er forderte ein
täftelein / vnd schrieb vnd sprach: Er heist
Johannes. Vnd sie verwunderten sich
alle. Vnd alsbald ward sein mund vnd
zunge aufgethan / vnd redete / vnd lobte
GOTT. Vnd es kam ein forcht über alle
Nachbarn. Vnd diß geschicht ward als
les ruchtbar auff dem ganzen Jüdischen
Gebirge. Vnd alle die es hörten namens
zu herten / vnd sprachen: Was nemest du
wil auß dem Kindlein werden? Dann die
Hand GOTTES war mit ihm.

Vnd sein Vatter Zacharias ward des
Heiligen Geistes voll / weissagte vnd
sprach:

Belobet sey der HERR / der GOTT
Isra.

Israel / dann Er hat besucht vnd erlöset
sein Volck.

Vnd hat vns auffgerichtet ein Horn
des Heyls / in dem Hause seines Dieners
Davids.

Als er vorzeiten geredet hat / durch den
Mund seiner heiligen Propheten.

Daß Er vns errettet von vnsern Fein-
den / vnd von der Hand aller die vns
hassen.

Vnd die Barmherzigkeit erzeigte vnse-
ren Vätern / vnd gedachte an seinen hei-
ligen Bund.

Vnd an den end den er geschworen hat
vnserm Vatter Abraham / vns zu geben.

Daß wir erlöset auß der Hand vnser
Feinde / ihm dienen ohn forch vnser le-
benlang.

In heiligkeit vnd gerechtigkeit / die ihm
gefellig ist.

Vnd du Kindlein wirst ein Prophet
des Höchsten heissen / du wirst vor dem
HERRN hergehen / daß du seinen weg
bereitest.

Vnd erkännuß des Heyls gebest sei-
nem Volck / die da ist in vergebung ihrer
Sünden.

Durch

Durch die hergliche barmhertzigkeit vn-
fers Gottes / durch welche vns besucht
hat der auffgang auß der höhe.

Auff daß Er erscheine denen / die da si-
zen im finsternuß vnd schatten des todes /
vnd richte unsere Füße auff den Weg des
friedens.

Vnd das Kindlein wuchs vnnnd ward
starck im Geist / vnd war in der wüsten / biß
daß er solte herfür treten für das Volck
Israel.

Am tage Petri vnd Pauli / Lektion
auß der Apostel Geschichte am
xij. Capittel.

Wie dieselbige zeit / leget der König
Herodes die Hände an etliche von der
Gemeine / zu peinigen. Er tödtet aber
Jacobum / Johannis Bruder / mit dem
schwert. Vnd da er sahe / daß es den Jü-
den gefiel / fuhr er fort / vnnnd fieng Pe-
trum auch. Es waren aber eben die tage
der süßen Brodt. Da er nun ihn grieff /
leget er ihn ins gefängniß / vnd überant-
wortet ihn vier viertheilen kriegsknechten /
ihn zu bewahren / vnd gedachte ihn nach
den Ostern dem Volck fürzustellen. Vnd

Petrus

Petrus ward zwar im Gefängniß gehalten / aber die Gemeine betet ohn auffhören für ihn zu Gott. Und da ihn Herodes wolte fürstellen / in derselbigen nacht schlieff Petrus zwischen zweyen kriegsknechten / gebunden mit zweyen Ketten / vnd die Hüter für der thür hüteten das Gefängniß. Und siehe der Engel des Herren kam daher / vnd ein Licht schien im gemach / vnd schlug Petrum an die seiten / vnd wecket ihn auff vnd sprach : Stehe behend auff. Und die Ketten fielen ihm von seinen Händen. Und der Engel sprach zu ihm : Gürte dich / vnd thu deine schu an. Und er that also / vnd er sprach zu ihm : Wirff deinen Mantel vmb dich / vnd folge mir nach. Und er gieng hinaus / vnd folget ihm / vnd wußte nicht / daß ihm warhafftig solches geschehe durch den Engel / sondern es dauchte ihn / er sehe ein Gesichte. Sie giengen aber durch die erste vnd andere Hut / vnd kamen zu der eysern Thür / welche zur Stadt führet / die that sich ihnen von ihr selbst auff / vnd tratten hinaus / vnd giengen hin eine gasse lang / vnd alsobald schied der Engel von ihm.

Und

Und da Petrus zu ihm selber kam /
sprach er : Nun weiß ich warhafftig /
daß der H. E. K. K. seinen Engel gesandt
hat / vnd mich errettet auß der hand He-
rodis / vnd von allem Warten des Jüdis-
schen Volcks.

Evangelium am tage Petri vnd Pauli
li / Matth. am xvj. Capittel.

Da kam Jesus in die gegend der Stadt
Cesarea Philippi / vnd fragte seine
Jünger / vnd sprach : Wer sagen die
Leute / daß des Menschen Sohn sey ?
Sie sprachen : Etliche sagen du sehest Jo-
hannes der Täufer / die andern / du sehest
Elias / etliche du sehest Jeremias / oder
der Propheten einer. Er sprach zu ih-
nen ? Wer saget dann ihr / daß ich seye ?
Da antwortet Simon Petrus vnd
sprach : Du bist Christus des lebendigen
Gottes Sohn. Vnd Jesus antwor-
tet vnd sprach zu ihm : Selig bistu Si-
mon Jonas Sohn / Dann Fleisch vnd
Blut hat dir das nicht offenbahret / son-
dern mein Vatter im Himmel. Vnd
ich sage dir auch : Du bist Petrus / vnd
auff diesen Felsen wil ich bauen meine
Gemein

Gemeine / vnd die Pforten der Hellen
sollen sie nicht überweltigen. Vnd wil
dir des Himmelsreichs Schlüssel geben /
Alles was du auff Erden binden wirst /
soll auch im Himmel gebunden seyn / vnd
alles was du auff Erden lösen wirst / soll
auch im Himmel los seyn. Da verbott
Er seinen Jüngern / daß sie niemand
sagen solten / daß Er Iesus der Christ
were.

Am tage Jacobi des heiligen Apostels /
Epist. zum Röm. am viij. Capittel.

Wir wissen aber / daß denen die Gott
lieben / alle ding zum besten dienen /
die nach dem Fürsaz beruffen seynd. Den
welche Er zuvor versehen hat / die hat Er
auch verordnet / daß sie gleich seyn solten
dem Ebenbild seines Sohns / auff daß
derselbige der Erstgebörne sey vnter vie-
len Brüdern. Welche Er aber ver-
ordnet hat / die hat Er auch beruffen.
Welche Er aber beruffen hat / die hat Er
auch gerecht gemacht. Welche Er aber
gerecht gemacht / die hat Er auch herrlich
gemacht. Was wollen wir dann weiter
sagen? Ist Gott für vns / wer mag
wider

wider vns seyn? Welcher auch seines ei-
nigen Sohns nicht hat verschonet / son-
dern hat ihn für vns alle dahin gegeben /
wie solt Er vns mit ihm nicht alles schen-
cken? Wer wil die außgewählten Gottes
beschuldigen? G D E ist hie / der da ge-
recht machet. Wer will verdammen?
Christus ist hie / der gestorben / ja viel-
mehr / der auch aufferwecket ist / welcher
ist zur rechten Gottes / vnd vertritt vns.
Wer will vns scheiden von der liebe Got-
tes? Trübsal? oder Angst? oder Verfol-
gung? oder Hunger? oder Fährlichkeit?
oder Blöße? oder Schwert? Wie ge-
schrieben stehet: Vmb deinet willen wer-
den wir getödtet den ganzen tag / wir sind
geachtet für schlachtschafe. Aber in dem
allen überwinden wir weit / vmb des wil-
len der vns geliebet hat. Dann ich bin
gewiß / daß weder Todt noch Leben / weder
Engel noch Fürstenthumb / noch gewalt /
weder gegenwertiges noch zukünfftiges /
weder hohes noch tieffes / noch keine ande-
re Creatur / mag vns scheiden von der Lie-
be Gottes / die in Christo Iesu ist vns
serm H E R R E N.

Evans

Evangelium am tage Jacobi des heiligen
Apostels / Matthei am
xx. Capittel.

Da trat zum H Erren die Mutter der
Kinder Zebedei / mit ihren Söhnen /
fiel vor ihm nieder / vnd bat etwas von
ihm. Vnd Er sprach zu ihr : Was wiltu ?
Sie sprach zu ihm : Laß diese meine
zween Söhne sitzen in deinem Reich / ei-
nen zu deiner Rechten / vnd den andern
zu deiner Linken. Aber Jesus antwor-
tet vnd sprach : Ihr wisset nicht was ihr
bittet. Könnet ihr auch den Kelch trin-
cken / den ich trincken werde / vnd euch
tauffen lassen mit der Tauffe / da ich mit
getauffet werde ? Sie sprachen zu ihm :
Ja wol. Vnd er sprach zu ihnen : Mei-
nen Kelch solt ihr zwar trincken / vnd mit
der Tauffe / da ich mit getauffet werde / solt
ihr getaufft werden. Aber das sitzen zu
meiner Rechten vnd Linken zu geben / ste-
het mir nicht zu / sondern denen es bereit ist
von meinem Vatter.

Am tage Bartholomei des heiligen
Apostels / Epistel auß der ij. Cor.
am iij. Capittel.

Wir

Wir haben aber solchen Schatz in irdi-
schen Gefässen / auff daß die über-
schwenckliche krafft sey Gottes / vnd nicht
von vns. Wir haben allenthalben trüb-
sal / aber wir ängsten vns nicht: Vns
ist bang / aber wir verzagen nicht. Wir
leiden verfolgung / aber wir werden nicht
verlassen. Wir werden untergedrückt /
aber wir kommen nicht vmb. Vnd tra-
gen vmb allezeit das sterben des H Erren
Jesu an vnserm leibe / auff daß auch das
leben des H Erren JEsu an vnserm leibe
offenbahr werde.

Evangelium am tage Bartholomei
des heiligen Apostels / Luc. am
xxij. Capittel.

Es erhob sich auch ein zant vnter den
Jüngern / welcher vnter ihnen solt für
den grösten gehalten werden. Er aber
sprach zu ihnen: Die weltliche Könige
herrschen / vnd die gewaltigen heist man
gnädige Herren. Ihr aber nicht also /
sondern der gröstest vnter euch soll seyn wie
der jüngste / vnd der fürnemste wie ein die-
ner. Dann welcher ist der gröstest? Der
zu Tische sitzt / oder der da dienet. Ist
nicht

H

nicht

nicht also / daß der zu Tische siset? Ich
aber bin vnter euch wie ein Diener. Ihr
aber sendt / die ihr beharret habt bey mir/
in meinen anfechtungen. Vnd ich will
euch das Reich bescheiden / wie mirs mein
Vatter bescheiden hat / daß ihr essen vnd
trincken solt über meinem Tisch in meinem
Reich / vnd sitzen auff stülen / vnd richten
die zwölff Geschlecht Israel.

Am tage Matthæi des heiligen Apoz
stels / Epistel zum Ephes. am
iiij. Capittel.

Einem jeglichen aber vnter vns / ist
gegeben die gnade / nach dem Maas
die gabe Christi. Darumb spricht Er:
Er ist auffgefahren in die höhe / vnd
hat das Gefängniß gefangen geführet /
vnd hat den Menschen Gaben gegeben.
Daß Er aber auffgefahren ist / was ist's /
dann daß Er zuvor ist hinunter gefahren
in die vntersten örter der Erden? Der
hinunter gefahren ist / daß ist derselbt
ge / der auffgefahren ist über alle Him
mel / auß daß Er alles erfüllet. Vnd
Er hat etliche zu Aposteln gesetzt / etliche
aber

aber zu Propheten / etliche zu Evangelio-
sten / etliche zu Hirten vnd Lehrer / daß
die Heiligen zugertchet werden zum werck
des ampts / dardurch der Leib Christi ero-
bauer werde / biß daß wir alle hinan kom-
men / zu einerley Glauben vnd Erkän-
niß des Sohns Gottes / vnd ein voll-
kommen mann werden / der da sey in der
Maasse des vollkommenen alters Christi.
Auff daß wir nicht mehr Kinder seyn / vnd
vns wegen vnd wiegen lassen von allerley
wind der lehre / durch schalckheit der men-
schen vnd teufcheren / damit sie vns er-
schleichen vnd verführen.

Evangelium am tage Matthæi des
heiligen Apostels / Matth. am
ix. Capittel

Und da Iesus von dannen gieng / sa-
he Er einen Menschen am Zoll sitzen /
der hieß Matheus / vnd sprach zu ihm :
Folge mir / vnd er stund auff / vnd folgete
ihm. Vnd es begab sich da Er zu tische
saß im hause / sihe / da kamen viel Zöl-
ner vnd Sünder / vnd saßen zu tische mit
Iesu vnd seinen Jüngern. Da das die

H ij

Pha.

Phariseer sahen / sprachen sie zu seinen
Jüngern : Warumb isset ewer Meister
mit den Zöllnern vnnnd Sündern ? Da
das JEsus höret / sprach Er zu ihnen :
Die Starcken bedürffen des Arzes nicht/
sondern die Krancken. Gehet aber hin
vnd lernet / was das sey (Ich habe wol
gefallen an Barmherzigkeit / vnd nicht
am Dpffer) Ich bin kommen die Sün-
der zur Busse zu ruffen / vnnnd nicht die
Frommen.

Am tage Simonis vnnnd Judæ /
Lectio auß der i. Epistel Pet.
am i. Capittel.

Globet sey **GOTT** der Vatter vno-
sers **HERREN JESU** Christi / der
vns nach seiner grossen Barmherzigkeit
wiedergeboren hat / zu einer lebendi-
gen Hoffnung / durch die auferstehung
JESU Christi von den todten / zu einem
vndergänglichlichen / vnnnd unbesleckten /
vnd unverwelcklichen Erbe / das behal-
ten wird im Himmel / euch / die ihr auß
GOTTES macht / durch den Glauben be-
wahret werdet zur seligkeit / welche zu
berei-

bereitet ist / daß sie offenbahr werde zu
der letzten Zeit / in welcher ihr euch freu
wen werdet / die ihr jetzt eine kleine Zeit
(wo es seyn soll) trawrig sendt in man
cherley Anfechtungen / auff daß ewer
Glaube rechtschaffen / vnd viel köstlicher
erfunden werde / dann das vergengliche
Gold (das durchs Feuer bewähret wird)
zu Lobe / Preis vnd Ehre. Wann nun
offenbahr wird Iesus Christus / wel
chen ihr nicht gesehen / vnd doch lieb
habt / vnd nun an ihn glaubet / wie
wohl ihr ihn nicht sehet / so werdet ihr
euch freuen / mit vnaußsprechlicher vnd
herzlicher freuden / vnd das ende ewers
Glaubens davon bringen / nemlich der
seelen seligkeit.

Evangelium am tage Simonis vnd
Juda / Johan am xv. Capittel.

Als gebiete ich euch / daß ihr euch vn
ter einander liebet. So euch die Welt
hasset / so wisset / daß sie mich vor euch
gehasset hat. Weret ihr von der Welt /
so hette die Welt das ihre lieb / dieweil
ihr aber nicht von der Welt sendt / son

derm ich habe euch von der Welt erweh-
let / darumb hasset euch die Welt. Ge-
dencket an mein Wort / daß ich euch ge-
saget habe / der Knecht ist nicht grösser
dann sein Herz. Haben sie mich verfol-
get / sie werden euch auch verfolgen.
Haben sie mein Wort gehalten / so wer-
den sie ewers auch halten. Aber das al-
les werden sie euch thun vmb meines
Namens willen / dann sie kennen
den nicht der mich ge-
sandt hat.



Das



Das Leiden vnfers H^Erren Iesu Christi.

Beschrieben durch den H. Evangelis-
sten Mattheum im xxvj. vnd
xxvij Capitteln.

UND es begab sich / da Iesus also
diese rede vollendet hatte : sprach
er zu seinen Jüngern : Ihr wisset /
daß nach zweyen tagen Ostern wird / vnd
des Menschen Sohn wird überantwortet
werden / daß er gecreuziget werde.

Da versamleten sich die Hohenpriester
vnd Schriftgelehrten / vnd die Ältesten
im Volck / in den Pallast des Hohenprie-
sters / der da hieß Caiphas / vnd hielten
rath / wie sie Iesum mit listen griffen vnd
tödteten. Sie sprachen aber : Ja nicht
auffs fest / auff daß nicht ein auffruhr wer-
de im volck.

Da nun Iesus zu Bethania war / im
hause Simonis des aussätzigen / trat zu
ihm ein weib / das hatt ein glas mit köstli-
chem wasser / vnd goß es auff sein haupt /

H iij  da er

Da er in tische saß. Da das seine Jünger
sahen / worden sie unwillig / vnd sprachen :
Wozu dienet doch dieser vnraht ? Dieses
wasser hette mögen thewr verkaufft / vnd
den armen gegeben werden.

Da das JESUS mercket / sprach er zu
ihnen : Was bekümmert ihr das weib ?
Sie hat ein gut werck an mir gethan. Ihr
habt allezeit armen bey euch / mich aber
habt ihr nicht allezeit. Daß sie das wasser
hat auff meinen Leib gegossen / hat sie ge-
than / daß man mich begraben wird.
Wahrlich ich sage euch / wo das Evange-
lium geprediget wird in der ganken Welt/
da wird man auch sagen zu ihrem gedäch-
niß / was sie gethan hat.

Da gieng hin der zwölffen einer / mit
namen Judas Ischariot / zu den Hohen-
priestern / vnd sprach : Was wolt ihr
mir geben / ich will ihn euch verrathen.
Vnd sie boten ihm dreissig Silberling.
Vnd von dem an / suchte er gelegenheit/
daß er ihn verrieth.

Aber am ersten tage der fünffen Brod /
tratten die Jünger zu JESU / vnd spra-
chen zu ihm : Wo wiltu / daß wir dir
beret.

bereiten das Osterlamb zu essen? Er sprach: Gehet hin in die Stadt zu einem vnd sprecht zu ihm: Der Meister leset dir sagen / meine Zeit ist hie / ich will bey dir die Ostern halten mit meinen Jüngern. Vnd die Jünger thaten wie ihnen JEsus befohlen hatte / vnd bereiteten das Osterlamb.

Vnd am abend sazte er sich zu tische mit den zwölffen. Vnd da sie assen / sprach Er: Warlich ich sage euch / einer vnter euch wird mich verrathen. Vnd sie worden sehr betrübt / vnd huben an ein jeglicher vnter ihnen / vnd sagten zu ihm: Herr bin ichs / Er antwortet vnd sprach: Der mit der hand mit mir in die Schüssel tauchet / der wird mich verrathen. Des Menschen Sohn gehet zwar dahin / wie von ihm geschriben stehet / doch wehe dem Menschen / durch welchen des Menschen Sohn verrathen wird / es were besser / daß derselbe mensch noch nie gebohren were. Da antwortet Judas / der ihn verrieth / vnd sprach: Bin ichs Rabbi? Er sprach zu ihm: Du sagsts.

H v

Da

Da sie aber assen / nam JEsus das
Brod / dancket vnnnd brachs / vnd gabs
den Jüngern vnd sprach : Nemet / esset
das ist mein Leib. Vnd er nam den Kelch
vnd dancket / gab ihnen den / vnd sprach :
Trincket alle darauff / das ist mein Blut/
des newen Testaments / welches vergossen
wird für viel / zur vergebung der sünden.
Ich sage euch : Ich werde von nun an
nicht mehr von diesem gewächs des Weins
stockes trincken bis an den tag / da ichs new
trincken werde mit euch in meines Vatters
Reich.

Vnd da sie den Lobgesang gesprochen
hätten / giengen sie hinaus an den Oel-
berg. Da sprach JEsus zu ihnen : In
dieser nacht werdet ihr euch alle ergern an
mir. Dann es stehet geschrieben : Ich
werde den Hirten schlagen / vnnnd die
Schafe der Herde werden sich zerstreuen.
Wann ich aber auferstehe / will ich für
euch hingehen in Galileam. Petrus a-
ber antwortet / vnd sprach zu ihm : Wann
sie auch alle sich an dir ärgerten / so will
ich doch mich nimmermehr ärgern. JEsus
sprach zu ihm : Warlich ich sage
dir / in dieser nacht ehe der haan krähet/
wirfst u

wirstu mich drey mahl verleugnen. Petrus sprach zu ihm: Vnd wann ich mit dir sterben müste / so will ich dich nicht verleugnen. Des gleichen sagten auch alle Jünger.

Da kam Jesus mit ihnen zu einem Hofe / der hieß Gethsemane / vnd sprach zu seinen Jüngern: Setzet euch hie / biß daß ich dorthin gehe / vnd bete. Vnd nam zu sich Petrum / vnd die zween Söhne Zebedei / vnd fieng an zu trawren vnd zu zagen. Da sprach Jesus zu ihnen: Meine Seele ist betrübt biß an den tod / bleibet hie vnd wachet mit mir. Vnd gieng hin ein wenig / fiel nieder auff sein angesicht / vnd betet vnd sprach: Mein Vatter ist's möglich / so gehe dieser Kelch von mir / doch nicht wie ich will / sondern wie du wilt. Vnd er kam zu setzen Jüngern / vnd fand sie schlaffend / vnd sprach zu Petro: Können ihr dann nicht eine stunde mit mir wachen? Wachet vnd betet / daß ihr nicht in anfechtung falot / der geist ist willig / aber das fleisch ist schwach.

Zum andern mahl gieng Er aber hin / betet vnd sprach: Mein Vatter ist's nicht

müglich / daß dieser Kelch von mir gehe /
ich trincke ihn dann / so geschehe dein wil-
le. Vnd Er kam vnd fand sie aber schlaf-
fend / vnd ihre augen waren voll schlaffs /
vnd Er ließ sie / vnd gieng abermahl hin /
vnd betet zum drittenmahl / vnd redet die-
selbigen wort : Da kam er zu seinen Jün-
gern / vnd sprach zu ihnen : Ach wolt ihr
nun schlaffen vnd ruhen ? Sihe / die
stund ist hie / daß des Menschen Sohn in
der sünders hände überantwortet wird / ste-
het auff / lasset vns gehen / sihe / er ist da /
der mich verräht.

Vnd als Er noch redet / sihe / da kam
Judas der zwölffen einer / vnd mit ihm
ein grosse Schaar mit Schwertern vnd mit
stangen / von den Hohenpriestern vnd
Eltesten des Volcks. Vnd der verräh-
ter hatte ihnen ein zeichen gegeben / vnd
gesagt : Welchen ich küssen werde / der
ists / den greiffet. Vnd alsbald trat er zu
Jesu vnd sprach : Begrüßet seyest du
Rabbi / vnd küßet ihn. Jesus aber sprach
zu ihm : Mein freund / warumb bistu
kommen ? Da traten sie hinzu / vnd leg-
ten die hände an Jesum / vnd griffen ihn.

Vnd sihe / einer auß denen / die mit
Jesu

Jesus waren / recket seine hand auß / vnd
zog sein schwert auß / vnd schlug des
Hohenpriesters knecht / vnd hieb ihm
ein ohr ab. Da sprach Jesus zu ihm :
Steck dein schwert an seinen ort / dann
wer das schwert nimpt / der soll durchs
schwert vmbkommen. Oder meinst du/
daß ich nicht könnte meinen Vatter bitten/
daß er mir zuschickte / mehr dann zwölff Le-
gion Engel? Wie würde aber die Schrift
erfüllet : Es muß also geschehen.

Zu der stunde sprach Jesus zu den
scharen : Ihr seht außgegangen als zu
einem mörder / mit schwertern vnd mit
stangen mich zu fahen. Bin ich doch
täglich gefessen bey euch / vnd hab gelehret
im Tempel / vnd ihr habt mich nicht gegrif-
fen. Aber das ist alles geschehen / daß er-
füllet würde die Schrift der Propheten.
Da verließen ihn die Jünger / vnd flohen.

Die aber Jesum gegriffen hatten /
führten ihn zu dem Hohenpriester Cai-
phas / dahin die Schriftgelehrten vnd
Eldtesten sich versamlet hatten. Petrus
aber folget ihm nach von ferne / biß in den
pallast des Hohenpriesters / vnd gieng hin-
ein / vnd sagte sich bey die knechte / auff daß

er sehe / wo es hinauß wolte.

Die Hohenpriester aber vnd Eltesten / vnd der ganze raht / suchten falsche zeugnüß wieder JEsu / auff daß sie ihn tödten / vnd funden keines. Vnd wiewol viel falsche zeugen herzu traten / funden sie doch keines. Zuletzt traten herzu zween falsche zeugen / vnd sprachen : Er hat gesagt : Ich kan den Tempel Gottes abbrechen / vnd in dreyn tagen denselben bauen.

Vnd der Hohepriester stund auff / vnd sprach zu ihm : Antwortest du nichts zu dem / das diese wieder dich zeugen ? Aber JEsus schweig stille. Vnd der Hohepriester antwortet vnd sprach zu ihm : Ich beschwere dich bey dem lebendigen Gott / daß du vns sagest / ob du sehest Christus der Sohn Gottes ? JEsus sprach : Du sagests. Doch ich sage euch / von nun an wirds geschehen / daß ihr sehen werdet des menschen sohn sitzen zur rechten der krafft / vnd kommen in den wolcken des himmels. Da zerriß der Hohepriester seine kleider / vnd sprach : Er hat Gott gelästert / was dürfen wir weiter zeugnüß ? sihe / jetzt habe ihr seine Gottslästerung gehört. Was düncket euch ? Sie antworten vnd sprachen :

chen: Er ist des todes schuldig. Da spew-
ten sie auß in sein angesicht / vnd schlugen
ihn mit fäusten. Etliche aber schlugen ihn
ins angesicht / vnd sprachen: Weissage
vns Christe / wer ist's der dich schlug?

Petrus aber saß draussen im pallast /
vnd es trat zu ihm eine magd / vnd sprach:
Vnd du warest auch mit dem Jesu auß
Galilea? Er leugnet aber für ihnen allen
vnd sprach: Ich weiß nicht was du sagest.
Als er aber zur thür hinaus gieng / sahe ihn
ein ander / vnd sprach zu denen die da wa-
ren: Dieser war auch mit dem Jesu von
Nazareth. Vnd er leugnet abermal / vnd
schwur dabey / ich kenne den Menschen nit.
Vnd über ein kleine weil traten hinzu / die
da standen / vnd sprachen zu Petro: War-
lich du bist auch einer von denen / dann dei-
ne sprach verräht dich. Da hub er an sich
zu verfluchen vnd schweren: Ich kenne
des menschen nicht. Vnd alsbald krähet
der haan. Da dachte Petrus an die wort
Jesu / da er zu ihm sagte: Ehe der haan
krähen wird / wirstu mich drey mal verleug-
nen / vnd gieng hinaus vñ weinet bitterlich.

Des morgens aber hielten alle Hohe-
priester vñ die eltesten des volcks einen rath
über

über Jesum / daß sie ihn tödten / vnd bür-
den ihn / führten ihn hin / vnd überantworten
ihm dem Landpfleger Pontio Pilato.

Da das Judas sahe / der ihn verrathen
hatte / daß er verdampft war zum todt / ge-
rewet es ihm / vnd bracht herwieder die dreißig
silberling den Hohenpriestern vnd den
eltesten / vnd sprach : Ich hab übel gethan /
daß ich vnschuldig Blut verrathen hab.
Sie sprachen : Was gehet es vns an ? Da
sah er zu. Vnd er warff die silberling in
den tempel / hub sich davon / gieng hin / vnd
erhencet sich selbst. Aber die Hohenprie-
ster namen die silberling / vnd sprachen :
Es taug nicht / daß wir sie in den Gotteska-
sten legen / dan es ist blutgelt. Sie hielten
aber einen rath / vñ kauften eines töpffers
acker darumb / zum begräbnüß der bilger.
Daher ist derselbig acker genennet der blut-
acker / biß auff den heutigen tag. Da ist
erfüllet / das gesagt ist durch den Prophe-
ten Zachariam / da er spricht : Sie haben
genommen dreißig silberling / damit be-
zahlet war der verkauffte / welchen sie kauften
von den kindern Israel / vnd haben sie
gegeben vmb eines töpffers acker / als mir
der H. Er. befohlen hatte.

Jesus

Jesus aber stund vor dem Landpfleger/
vnd der Landpfleger fraget ihn vnd sprach:
Bistu der Juden König? Jesus aber
sprach zu ihm: Du sagests. Vnd da er
verklaget ward von den Hohenpriestern
vnd Eltesten / antwortet er nichts. Da
sprach Pilatus zu ihm: Hörestu nicht wie
hart sie dich verklagen? Vnd er antwor-
tet ihm nicht auff ein wort / also / daß sich
auch der Landpfleger verwundert.

Auff das fest aber hatte der Landpfleger
gewonheit dem volck einen gefangenen loß
zugeben / welchen sie wolten. Er hatte aber
zu der zeit einen gefangenen / einen sonder-
lich für andern / der hieß Barababas. Vnd
da sie versamlet waren / sprach er zu ihnen:
Welchen wolt ihr daß ich euch loß gebe/
Barababam oder Jesum / von dem gesagt
wird / daß er sey Christus? Dann er wuste
wol / daß sie ihn auß neid überantwortet
hatten.

Vnd da er auf dem richtstul saß / schick-
te sein weib zu ihm / vnd ließ ihm sagen:
Habe du nichts zu schaffen mit diesem ge-
rechten / ich hab heut viel erlitten im traum
von seiner wegen.

Aber die hohenpriester vnd eltesten über-
redeten

redeten das volck / daß sie vmb Barrabam
bitten solten / vñ Jesum vmbbrechten. Da
antwortet nun der Landpfleger vñ sprach zu
inen : Welchen wolt ihr vnter diesen zwey-
en / den ich euch sol loß geben ? sie sprachen :
Barrabam. Pilatus sprach zu inen : Was
sol ich dan machen mit Jesu / von dem ge-
sagt wird er sey Christus ? sie sprachen alle :
Laß ihn creuzigen. Der Landpfleger sagt :
Was hat er dan übelß gethan ? Sie schry-
en aber noch mehr : Laß ihn creuzigen.

Da aber Pilatus sahe / daß er nichts
schaffet / sondern daß viel ein gröffer getü-
mel ward / nam er wasser vñ wusch die hân-
de für dem volck / vnd sprach : Ich bin vno-
schuldig an dem blut des gerechten / sehet
ihr zu. Da antwortet das ganze volck vnd
sprach : Sein blut kome über vns / vnd über
vnserer kinder. Da gab er inen Barrabam
loß / aber Jesum ließ er geißeln / vnd über-
antwortet ihn / daß er gecreuziget würde.

Da namen die kriegsknechte des Land-
pflegers Jesum zu sich in das Richthaus /
vnd samleten über ihn die ganze schar / vnd
zogen ihn auß / vnd legten ihm einen pur-
pur mantel an / vnd flochten eine dörne kro-
ne / vnd setzten sie auff sein haupt / vnd ein
rohr

rohr in seine rechte hand / vnd beugten die
knie für ihm / vnd spotteten ihn vnd spra-
chen : Begrüßet seyest du Juden König/
vnd sperten ihn an / vnd namen das rohr/
vnd schlugen damit sein haupt.

Vnd da sie ihn verspottet hatten / zogen
sie ihm den mantel auß / vnd zogen ihm sei-
ne kleider an / vnd führten ihn hin daß sie
ihn creuzigten. Vnd in dem sie hinaus
giengen / funden sie einen menschen von
Cyrene / mit namen Simon / den zwungen
sie / daß er ihm sein creuz truge. Vnd da sie
an die stette kamen / mit namen Golgatha /
das ist verteutschet schädelstätte / gaben sie
ihm essig zu trincken mit gallen vermischet /
vnd da ers schmecket / wolt er nicht trincken.

Da sie ihn aber gecreuziget hatten / thei-
leten sie seine kleider / vnd wurffen das loß
darumb / auff daß erfüllet würde / das da
gesagt ist durch den Propheten : Sie ha-
ben meine kleider vnter sich getheilet / vnd
über mein gewand haben sie das loß ge-
worffen. Vnd sie sassen alda / vnd hüteten
sein. Vnd oben zu seinen haupten heffeten
sie die vrsach seines todes geschrieben / nem-
lich: Dis ist Jesus der Juden König. Vnd
da wurden zween mörder mit ihm gecreu-
zigt /

figt/einer zur rechten/vñ einer zur lincken.

Die aber fürüber giengen / lästerten ihn
vnd schüttelten ihre köpff / vnd sprachen:
Der du den tempel Gottes zerbrichst / vnd
bauwest ihn in dreyen tagen / hilff dir selber
bistu Gottes Sohn / so steige herab vom
creuz. Desgleichen auch die Hohenprie-
ster spotteten sein sampt den schriftgelehr-
ten vnd eltesten vnd sprachen: Andern hat
er geholffen vnd kan ihm selber nit helffen.
Ist er der König Israel / so steige er nun
vom creuz/so wollen wir ihm glauben. Er
hat Gott vertraut/der erlöse ihn nu löstet
ihn. Danner hat gesagt: Ich bin Gottes
Sohn / desgleichen schmäheten ihn auch
die mörder/die mit ihm gecreuziget waren.

Vnd von der sechsten stund an/ war ein
finsterniß über das ganze land / bis zu der
neundte stunde. Vnd vmb die neundte
stunde schrey Jesus laut/vnd sprach: Eli/
Eli/lama asabathani? das ist/mein Gott/
mein Gott/warumb hastu mich verlassen?
Etliche aber die da stunden / da sie das hö-
reten/ sprachen sie: Der ruffet dem Elias.
Vnd bald lief einer vnter ihnen / nam ein
schwam/ vnd füllet ihn mit essig/vnd steckt
ihn auff ein rohr / vnd träncket ihn. Die
andern

andern aber sprachen: Halt laß sehen ob
Elias komme / vnd ihm helffe. Aber Jesu
sus schrey abermal laut / vnd verschied.

Vnd siehe da der fürhang im tempel zer-
reiß in zwey stück / von oben an / biß vnden
auß. Vnd die erde erbebete / vnd die felsen
zerzissen / vnd die gräber theten sich auff /
vnd stunden auff viele leibe der heiligen / die
da schlieffen / vnd giengen auß den gräbern
nach seiner auferstehung / vnd giengen in
die heilige stadt. / vnd erschienen vielen.

Aber der Hauptman / vnd die bey ihm
waren / vnd bewahreten Jesum / da sie sa-
hen das erdbeben / vnd was da geschah / er-
schracken sie sehr / vnd sprachen: Wahrlich
dieser ist Gottes Sohn gewesen.

Vnd es waren viel weiber da / die von
ferne zu fahen / die da waren Jesu nach-
gefolget auß Galilea / vnd hatten ihm ge-
dient / vnter welchen war Maria Magda-
lena / vnd Maria die mutter Jacobi vnd
Joses / vnd die mutter der kinder Zebedei.


Am abend aber kam ein reicher mann
von Arimathia / der hies Joseph / welcher
auch ein jünger Jesu war / der gieng zu Pio-
lato / vnd bat ihn vmb den leib Jesu. Da
befahl Pilatus / man solte ihm ihn geben.


Vnd


Vnd Joseph nam den leib / vnd wickelt ihn
in ein rein leinwad / vnd leget ihn in sein ei-
gen new grab / welches er hatte lassen in ein
felsen haben / vnd welget einen grossen stein
für die thür des grabes / vnd gieng davor.
Es war aber allda Maria Magdalena /
vnd die ander Maria / die sahen sich gegen
das grab.


Des andern tages / der da folget nach
dem rüstage / kamen die Hohenpriester vnd
Phariseer sämptlich zu Pilato / vnd spra-
chen: Herr wir haben gedacht / daß dieser
verführer sprach da er noch lebet: Ich will
nach dreyn tagen auferstehen / darumb
befihle / daß man das grab bewahre / biß
an den dritten tag / auff daß nicht seine jün-
ger kommen vnd stelen ihn / vnd sagen zum
volck er ist auferstanden von den todten /
vnd werde der letzte betrug ärger / den
der erste. Pilatus sprach zu ihnen: Da
habt ihr die hüter / gehet hin vnd verwah-
rets wie ihr wisset. Vnd sie giengen hin
vnd verwahreten das grab mit
hütern / vnd versiegelten
den stein.

E N D E.









30/1860

ULB Halle

3

007 375 778



1077

20



